

# Jesucristo Pia Pexeinya Diwesi Jume Tatsi Lucas Petinae Diwesi

*Meje po diwesi yabara xua Lucas tamropata  
pitaba poxonae tina*

<sup>1</sup> Jaco Teófilo. Ponxaem nentá cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeba, xua pinae Jesús poxonae xanepanaya popona pata xantha. <sup>2</sup> Pomonae cou xua baxua pepaebixae barapomonae pinae copiya yatsicaewa tane daxita pocotsiwa Jesús exana pata xantha. Matautano pinae barapomonae Nacom Pejume Diwesi tatsi cuidubeiba. <sup>3</sup> Xan netsita wánae daxota nanta xeinan xua yabara tayainyabiwa pomonae petinaexae yawa pecueicueijeixae daxita barapo diwesi xua pinae juinya Jesús exana. Bapoxonae cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tsoponae xuano xua bapoxonae tsoponaeno. <sup>4</sup> Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

*Meje yabara poxonae matatsunpin wánae  
yabara tsiwánae paeba xua Juan naexanaena pon  
jiwi Pebautisabin tsane*

5 Caena bayatha poxonae Herodes popona Judea nacuatha, xua pon Judea nacuapiwi peyanacua ewatsinchi, bapoxonaer<sub>u</sub> barichi popona barapo nacuatha sacerdotepin pon pew<sub>u</sub>n Zacarías. Bapon jiwana po sacerdotepiwi pia matab<sub>u</sub>x<sub>u</sub> jiwi pew<sub>u</sub>n Abías. Piseuri tatsi pew<sub>u</sub>n Isabel. Piseuribe pia pamo susato jiwana pin tatsibe, bapon pew<sub>u</sub>n Aarón pon yatsicaya tab<sub>u</sub> ducua sacerdotepin. 6 Piseuribe Nacom tsita j<sub>u</sub>nt<sub>u</sub> coyene xanepanatsibe xua bara xanepanaya peexanaewabe. Pocotsiwa Nacom pon jiwi Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwi po coyene xua baponbe natsiaenae cuentabe xua abe peexaneibiwabe. 7 Ichitha pexui jopa xeinaeyobe, tsipei Isabel mawecowa, mata<sub>u</sub>tano tsipei bayatha acuewa ir<sub>u</sub> tsipei pebin bayatha amo tsecae.

8 Caentacabi poxonae Zacarías <sub>u</sub> pia matab<sub>u</sub>x<sub>u</sub> jiwi pia cuitha exana Nacom nexa, bapon Zacarías xuya piamonae itapetatsi. 9 Barapomonae sacerdotemonae, pia cui coyene xeina xua caein piamonae jiwana itapetatsi poxonae daxita barapomonae nacuita Nacom pon jiwi Pecanamataxeinaein pin pia botha tatsi. Bapon Zacarías itapetatsi xua pejoniyenexa po tutu peainya cui tutu Nacom pin pia botha po tututha ichaxota exaneiba xua Nacom nexa. Barapo tututha Zacarías tauta petuxusi exanaenexa Nacom nexa xua Nacom peitorobixae. 10 Poxonae Zacarías cataunxuae tuxusi exanawiya petuxueiwa xua tauta Nacom nexa, barapoxonae daxita pomonae aisowa

beumeinya barapomonae Nacom tsipaebompa. <sup>11</sup> Bapoxonae Zacarías tsita naitatatsi matatsunpin pon Nacom pon jiwí Pecanamataxeinaein itoroba. Po muxunene pecoxa weya matatsunpin iboto caquita uncuá po ibototha xua ichaxota tauteiba petuxueiwa Nacom nexa. <sup>12</sup> Poxonae Zacarías taeba matatsunpin jopa yaputaeyo xua peexanaewa, bichocono pejunuwixae. <sup>13</sup> Ichitha matatsunpin Zacarías baraichi, jeichichi:

—Zacarías, jopa junuwinde. Nacom bara cajume tane poxonae tsipaebame bapon. Methaunxuae jinseuri Isabel tanaexanaeinchi pexuyo. Jinseuri cata pabetsina pebin wato. Xam wun dutsiname bapontha, po wun Juan, jei. <sup>14</sup> Juntu coyene weiweinaename. Barichi pinmonae juntu coyene weiweinaena xua bapon penaexanaexae tsane. <sup>15</sup> Bapon Juan Nacom pon jiwí Pecanamataxeinaein tsita ainya cui tsainchi. Bapon peatsaxae mera jopa apae tsane. Vino mera jopa apae tsaneno. Poxonae cataunxuae butiyotha eca bichocono juntu coyene yucaeinchi Nacom pia Pejumope tñaxa tatsi pia peayapuswa tatsi. <sup>16</sup> Bapon cana exanaena xua ainya Israel nacuapiwi jume cowantsina Nacom pon Pecanamataxeinaein jiwí xua barapomonae barapo Nacom pia Nacom tatsi tsainchi. <sup>17</sup> Juan tsiwanaya poponaena xua pon xua Nacom itorobina bapon tsiwanaya poponaeinchi. Juan xeinaena Nacom pia Pejumope tñaxa tatsi pia peayapuswa tatsi icha cain Elías ichi pon Nacom peitorobi jume pepaebin. Bapon Elías bayatha tupa. Juan exanaena xua pexui paxewi antobe tsaibi tsainchi. Matautano Juan cana exanaena

xua jume cowantsina Nacom pomonae copiya Nacom pejumefebiwichi. Tsipei exanaena baxua, barapomonae tsiwanaya jume cui yabara najuntꞤ coyene wꞤnaetsina, xua barapomonae pejume cowantsinexa Nacom pon Pecanamataxeinaein jiwi, jei matatsunpin.

<sup>18</sup> Zacarías yainyaba matatsunpin, jeye:

—¿Eta nejumichim yatsicaewara xua inta naexanaena pexuyo? Apra xan amo tsecaein. IꞤ tapetsiriwa apra inta acue tsecaeba, jei.

<sup>19</sup> Matatsunpin Zacarías jume notatsi, jeye:

—Apra xan Gabriel. Barapara Nacom ba imoxoyo caquita uncueiban. Nacom neitoroba bepara catsipaebichei barapo pexeinya jume diwesi. Daxota yatsicaya naexanaenaba nexanto.

<sup>20</sup> Incane jume taema. Yaitama jame maisa aunxuae jopa yabara nejume cowantsim, daxota methaunxuae jopa cuinaya paebim tsane. Yajume aunyeibiya yantacabi jopaename poxonae beya abꞤ nexanto naexanaena xuaunxuae catsipaebatsi, jei.

<sup>21</sup> Poxonae Zacarías tsipaebauyatsi, Zacarías pesato beya ewatumeinchi pomonae Nacom tsi-paeba pesatotha. Barapomonae nabarai: “¿Eta pocotsiwa metha Zacarías came jopa jondenaeyo Nacom pin pia bo werena?” najei. <sup>22</sup> Poxonae Zacarías matapainya jondena jopa itacꞤpaetsi xua petsipaebiwa barapomonaetha. Bapoxonae barapomonae nanta xeina xua metha bara Zacarías tsita naitꞤtatsi xua wꞤnae barapo tututha poxoru Zacarías pecobetha cowai barapomonaetha. Ichitha awiya came jopa cueicueijeiyó.

<sup>23</sup> Poxonae Zacarías daxita nacobe weta xua exana Nacom nexa, Nacom pin pia botha, bapoxonae pia botha pona. <sup>24</sup> Pirapaeyo Zacarías piseuri tatsi Isabel bɥpana taecatsi pexuyo. Barapowa jopa naitatsiyo cinco po xometiyobe. Saya pia botha eca. <sup>25</sup> Barapowa nabarai, jeye: “Baxua Nacom inta exana pon Tanecanamataxeinaein. Bapon baxua inta exana xua jiwi jopa aura tana neexanaewa tsane”, najei bapowa.

*Meje yabara poxonae matatsunpin wɥnae tsiwanaya paeba xua Jesús naexanaena*

<sup>26</sup> Poxonae Isabel seis po xometiyobe yapucaewa poxonae pexuyo bɥpana taecatsi, bapoxonae Nacom itoroba matatsunpin, pon pewɥn Gabriel. Gabriel Nazaret tomara beitorobiyatsi po tomara eca Galilea nacuatha. <sup>27</sup> Gabriel patopa pesiwa ponaenexa yabɥyo, powa bapana jopa pebin pichiyo. Bapowa muxu pepichi pecotsiwa, pon pewɥn José. Bapon José David pia pemomoxi susato jiwana tatsi. Caena bayatha David Israel nacuamonae itorobiya pia pepa peewatsinchi. Barapowa powa José pecotsiwaxae tatsi pewɥn María. <sup>28</sup> Matatsunpin Gabriel, patopa ichaxota María eca. Gabriel barai, María baraichi, jeye:

—María jaco. Nacom itapeta cayabara tsita jɥntɥ coyene xanepanatsi beyacaincha icha yabɥxi. Matautano barapara Nacom pon jiwi Pecanamataxeinaein cabarɥ popona, jei matatsunpin.

<sup>29</sup> Ichitha poxonae jume taeba bapowa, yabara jume cuitaya nabenaeca. Pia coutha nayainyaba

jeye: “¿Eta xua bapon nejacoba jane?” najei.  
<sup>30</sup> Matatsunpin María baraichi, jeichichi:

—María, jopa junuwinde, Nacom cayabara tsita jantꞤ coyene xanepanatsi. <sup>31</sup> Matha taema xam methaunxuae pexuyo yapꞤꞤwa jinaename xuanano bara pabetsiname nexanto. Bapoyo wꞤn dutsiname po wꞤn Jesús. <sup>32</sup> Bapon ainya cui peexanaeinchi tsainchi. Bapon wꞤn dutinchi, icha wꞤn jei tsainchi: ‘Nacom Pexanto tatsi pon peitabocotha eca’, jei tsainchi. Nacom pon Pecanamataxeinaein jiwi, bapon pexanto cana exanaena xua bapon jiwi itorobiya pia pepa Peewatsinchi tsane icha matha David cana ichichi, pon Jesús pia pamo susato jiton tatsi. <sup>33</sup> Bapon yacui tsitecaena xua jiwi peewatsinchi penaexanaewa tsane Israel piamonae susato saineiwi pexantha tatsi. Pia peitorobi coyenewa tatsi jopa weraweracae tsane, jei Gabriel, pon matatsunpin.

<sup>34</sup> Nexata María jume nota matatsunpin, jeye:

—¿Eta xua yapꞤꞤwa jinocuaein pexuyo? Apra cataunxuae jopa nacueyabinyo, jei María.

<sup>35</sup> Matatsunpin jume nota, jeye:

—Nacom pia Pejumope tꞤnaxꞤ tatsi cata patopeicaena. MataꞤtano Nacom pon bichocono pepa pejantꞤ coyene xanepanaein bapon, pia peayapusꞤwa tatsi cantatsun matawacaicha nontsi-caena icha be tsaquinaebowa ichi tsane. Daxota po pexuyo naexanaena, barapo pexuyo Nacom tsita jantꞤ coyene xanepanaeinchi. Barapo pexuyo yabara jei tsainchi: ‘Nacom Pexanto tatsi’, jei tsainchi. <sup>36</sup> IrꞤꞤ barichi jinyamonaewayo Isabel, bequein bara acue tsecae, ichitha anoxuae pexanto yapꞤꞤwa jina. Anoxuae barapowa

seis po xometiyobe yapucaewa xua yapuꞤwa jina bequein copiya mawecowa. <sup>37</sup> Dapocotsiwa aibi pocotsiwa Nacom tsita ayapubetsi, tsipei bapon daxita bara yaputane.

<sup>38</sup> Nexata María namchi, jeye:

—Xan bara barapowayꞤn xua taexanaewayon pocotsiwa Nacom pon jiwi Pecanamataxeinaein neitoroba. BꞤ moya bara Nacom inta exanaena xuaunxuae netsipaebame, jei María, matatsunpintha.

Bapoxonae matatsunpin napitaba.

*Meje yabara poxonae María siwa pona, xua Isabel siwa poinchi*

<sup>39</sup> Pirapaeyo María nainya pontaba tomara beya, po tomara eca ichaxota ira marafofowa xua Judea nacuatha. <sup>40</sup> Baxota barapowa María joniya Zacarías pia botha tatsi. Bapoxonae Isabel jacobatsi. <sup>41</sup> Poxonae Isabel jume tane xua María jacobata, bapoxonae pia pexuyo tsiperꞤ natsixibecatsi Isabel. Bapoxonae Nacom pia Peju-mope tꞤnaxꞤ tatsi pia peayapusꞤwa tatsi Isabel jꞤntꞤ coyene yꞤcatsi. <sup>42</sup> Bapoxonae Isabel jume daunweya wawai xua María baraichi, jeye:

—¡Nacom cayabara tsita jꞤntꞤ coyene xanepanatsi beyacaincha icha yabꞤxi! ¡Barichi nexanto Nacom yabara tsita jꞤntꞤ coyene xanepanatsi! <sup>43</sup> ¡Xam powa Tanecanamataxeinaein pena tatsim, bichocono auran xua tana nesiwa ponaewam tsipei jopa taainya cuiwayon! <sup>44</sup> Poxoru poxonae cajume tainchi xua nejacobame bapoxonae pexuyo netsiperꞤ weiweinaya natsixibeca. <sup>45</sup> JꞤntꞤ coyene

weiweiname nejume cowantsixae tsipei bara  
 nayabara jume cui wetsina pocotsiwa Nacom  
 pon jiwi Pecanamataxeinaein yabara catsiwanae  
 muxu duta pon Pecanamataxeinaein jiwi xua  
 poxonae matatsunpin catsipaeba, jei Isabel.

<sup>46</sup> Nexata María namchi, jeye:

“Tajantɨ coyene Nacom wɨnae jaintatsi  
 pon jiwi Pecanamataxeinaein.

<sup>47</sup> Mataɨtano tajantɨ coyene Nacom yabara  
 weiweinatsi pon Tanecapanepaein.

<sup>48</sup> Nacom neweyatane xua xan saya tapawin.

Bara barapowayɨn, powayɨn xua

taexanaewa pocotsiwa Nacom neitoroba.

Anoxuae xuano bexa tsaneno daxita jiwi  
 pomonae

naitapataya naexanaponaena wɨnae nejainchina  
 tsipei Nacom nejantɨ coyene weiweina  
 exana bichocono beyacaincha icha yabɨxi.

<sup>49</sup> Bapon Nacom pon peayapusɨ itorobi coyene  
 pexeinaein inta bichocono wɨnae exana.

Bapon Nacom pepa pejantɨ coyene xanepanaein.

<sup>50</sup> Bapon Nacom yaweneibina jiwi pia peantobe-  
 waxae

pomonaetha pomonae copiya pecunuweibix-  
 aetsi.

<sup>51</sup> Nacom tsita itaba xua peayapusɨ  
 itorobi coyenewa xeina.

Baxua exana poxonae jantɨ coyene amanayaba  
 pomonaetha pomonae atsaquiya penayabara  
 paebiwi xua ichamonae peaebiwichi.

<sup>52</sup> Nacom cui pita cana exana pomonaetha  
 pomonae



pecanamataxeinaewi xua equeicha bara-  
pomonaе jopa  
naexanae tsane xua pecanamataxeinaewa jiwi.  
Ichitha nama pomonaetha pomonaе pecui paw  
naexana barapomonaetha Nacom cana exana  
xua  
barapomonaе penaexanaewa pomonaе  
pecanamataxeinae jiwi.

<sup>53</sup> Pomonaе xua piyain barapomonaetha Nacom  
cana  
exana xua barapomonaе petonsanaewa xua  
penabanaewa po pexaewa pexeinya pexaewan.  
Matautano copei pexeinaewi barapomonaetha  
Nacom  
cana exana xua barapomonaе pecobesainaewa.

<sup>54</sup> Nacom yaweneiba pijimonaе Israel nacuapiwi  
pomonaе pia pamo susatopin tatsi,  
bapon Israel pon tanacuita Nacom.  
Nacom jopa yabara juntemainaeyo xua  
peyaweneibiwa barapo pijimonaе peantobexae.

<sup>55</sup> Nacom daxita exana pocotsiwa Abraham wamo  
susatopin yabara tsiwɨnae muxu dutatsi  
xuano xua yabara tsiwɨnae muxu dutatsi pia  
pemomoxi susato jiwi tatsi”, jei María.

<sup>56</sup> María cataunxuae acoibi po xometiyobe eca  
Isabel pia botha tatsi. Bapoxonaе equeicha  
caibe nawiya pia bo beya.

*Meje yabara poxonaе Juan naexana pon jiwi  
Pebautisabin*

<sup>57</sup> Nexata Isabel xua bɨpana taecatsi pexuyo,  
perɨ cui nauchitane. Bapoxonaе pexuyo  
tanowaeincuatsi xua pexanto. <sup>58</sup> Pomonaе  
Isabel pia botha petaenaewichi, irɨɨɨ piamonaе

tatsi pomonae pecuariya petaenaewichi daxita barapomonae Isabel siwa poinchi xua pejacobinexa tsainchi. Barapomonae yaputane xua Nacom pon Pecanamataxeinaeinxae jiwi Isabel beta taexanatsi poxonae Isabel dacotsiwa taitorobatsi pexuyo. <sup>59</sup> Poxonae ocho po matabibe yapucaewa barapoxonae pexuyo wi thabatsi xua pebin watoxae xua ichaxota nareixacaeca. Barapomonae nanta xeina xua pexuyo wun dutsinchi po wun pexuyo paxa tatsi xeina, xua po wun “Zacarías”, jei. <sup>60</sup> Ichitha pexuyo pena tatsi namchi barapomonaetha, jeye:

—Jume, jame bewa jei: ‘Juan’, jei, jei pexuyo pena tatsi.

<sup>61</sup> Bapoxonae barapomonae Isabel baraichi, jeye:

—¿Exua? Jinyamonae dapocotsi wun aibiba, po wun: ‘Juan’, jei, jei barapomonae.

<sup>62</sup> Nexata barapomonae moya pecobetha cowai Zacariastha. Matautano pecobetha cowaya yainyaba, Zacarías yainyabatsi jeichichi: “¿Eta po wun jinya nexanto wun dutsichi?” jei barapomonae. <sup>63</sup> Zacarías wuca napaewa petinaenexa tsane. Bapoxonae barapo napaewatha jei xua tina: ‘Apara pewun Juan’, jei. Bapoxonae barapomonae najuntɨ coyene benaeca xua iru bapon namchi: ‘Bara pewun Juan’, jei. <sup>64</sup> Poxonae baxua exana, caena bapoxonae jemeicha Zacarías equeicha caewa paeba. Equeicha ebato sadujei xua cueicueijei. Zacarías tamropata pitaba xua wunae jainta Nacom. <sup>65</sup> Bapoxonae daxita pomonae imoxoyo jinompa ichaxota Zacarías piseuribe poponabe,

daxita barapomonaē junuwa. Matautano pomonaē xua pejinompaewi daxita ichaxota po ira xua marafofowa xua barapo Judea nacuatha, daxita barapomonaē paebinouta pocotsiwa xua bayatha petaexae. <sup>66</sup> Daxita pomonaē jume tane, barapomonaē najuntu coyene yabara nanta xeina nawita. Matautano caemonaē nantiya nayainyaba najei: “¿Eta bichane metha pexuyo poxonaē wichabina?” najei barapomonaē. Apra poxoru Nacom pon Pecanamataxeinaein jiwi bichocono pexuyo petsita juntu coyene xanepanaexaetsi daxota barapomonaē baxua paeba.

*Meje yabara xua Zacarías pia wei*

<sup>67</sup> Pexuyo paxa tatsi Zacarías, juntu coyene yucatsi Nacom pia Pejumope tınaxı tatsi pia peayapusıwa tatsi. Matautano bapon cueicueijeji po jumetha po jume Nacom cata. Zacarías namchi, jeje:

<sup>68</sup> “Nacom pon Pecanamataxeinaein jiwi, pon Israel pia Nacom tatsi, barabı wınae jainchınchi barapo Nacom. Tsipei bapon bayatha patopeica waxantha. Bapon bara piamonaetsi. Matautano bapon bayatha naca capanepa.

<sup>69</sup> Pon Nacom nacata itorobica bapon pon jiwi pecapanenebiyaein pia peayapusıwatha. Bapon David pia pemomoxi susato jiwana tatsi. Bapon David pon Nacom pia petanacuitınchi xua peexanaewa pocotsiwa Nacom itoroba.

<sup>70</sup> Caena bayatha Nacom yabara naca tsiwınae muxu duta, poxonaē itoroba pia peitorobi jume

petapaebiwichi xua wanaca tsipaebinexa.

<sup>71</sup> Bara naca tsipaeba xua pinae bapon pon Nacom wanacata itorobicaexae, pinae naca capanepaena pomonae wanaca aitafaetabi jiwi pia xainya weya tatsi.

Matautano pinae naca capanepaena pomonae wanaca ita aenae-aenei jiwi pia xainya weya tatsi.

<sup>72</sup> Matautano Nacom naca tsipaeba xua pinae wamo susatopiwi yabara canantaxeinaeinchi xua peyawenaenexatsi.

Matautano pinae jopa juntemainae tsane xua wamo susatopiwi peyawenaponaewatsi xua bayatha Nacom yabara petsiwinae muxu dutsixae baxua.

<sup>73</sup> Baraxua Nacom naca tsiwinae muxu duta xua xainyeya bara paeba poxonae Abraham tsipaebatsi, pon wamo susatopin.

<sup>74</sup> Nacom Abraham tsipaebatsi xua pinae naca capanenebiya tsane wanaca aitafaetabi jiwi weya.

Baxua pinae nacata exanaena xua pinae waexanaewa tsane pocotsiwa naca itoroba, xuano jopa wacunuwinexa tsane ichamonae pinae.

<sup>75</sup> Matautano nacata exanaena xua pinae beta jinompaeinchi bapon peitabaratha, xuano xua junte coyene xeicaeya jinompaeinchi daxita maticabintha xua jopa abe waexanaponaewa.

<sup>76</sup> Irxi xam taxantom Juan jiwi cayabara wun dutsina pon Nacom peitorobi jume pepaebin, pon itabocotha eca, cayabara jei tsane.

Baxua cayabara jei poxoru xam tsiwanaya

patopaename pon jiwi pia pepa  
Pecanamataxeinaein.

Daxita jiwi juntu coyene wunaetsiname  
papatopaenexa tsane pon jiwi pia pepa  
Pecanamataxeinaein, pon Mesías.

<sup>77</sup> Nacom caitoroba Juan xua jiwi neyaputane  
neexanaenexa tsane xua Nacom jntemainaena  
jiwi abe pia peexanae cuiru coyenein tatsi.  
Baroxonae Nacom barapomonae capanenebiya  
exanaeinchi bapon beya xua jopa Nacom petsita  
natsicuentisixaetsi xua abe peexanaexae.

<sup>78</sup> Wanacom jopa juniya wanaca antobexae xuanu  
xua wanaca yawenaexae nacata itorobicaena  
pexanto itaboco wetsica.

Nacata wunaexanaena icha xometo ichi xua  
nacata wunaexonae pentha pena matabixae.

<sup>79</sup> Poxonae patopeicaena pon Nacom itorobi-  
caena,

baroxonae bapon jiwi juntu cui  
weiweinaya exanaeinchi.

Baxua exanaeinchi, pomonaetha pomonae pe-  
jume

cowantsiwi bequein copiya barapomonae  
muxu pewerapae bichocono abe peexanaexae.

Yawa Nacom naca jumope antasuna exanaena,  
xua jntema wajinompaeenexa tsainchi”,  
jei Zacarías xua pexanto barai pon Juan.

<sup>80</sup> Barapo pexuyo Juan wichabeca. Matautano  
ajantayapusaya popona xua Nacom yabara ya-  
putaepona. Juan ira xuepana susato tsuru-  
cuae nacuatha tsana popona, beya poxonae po  
mataqueitha poxonae Juan tsita patopa Israel  
nacuapiwi pebautisabinexa barapomonae.

## 2

*Meje yabara poxonae Jesús nowaeuncua pebin  
whto barapo cae pin nacuathe  
(Mt 1.18-25)*

<sup>1</sup> Irhñ bapoxonae popona romanomonae itorobiya pia pepa peewatsinchi, pon pewñ Augusto. Bapon itoroba piamonae peexanaenexa censo matawñ xua pewñ tinaewan xua daxita carepaya tomaran jiwi wñ tinaeinchi. <sup>2</sup> Barapo censo matawñ xua pewñ tinaewan jiwi, baxua matapainya nacobe cui jeta poxonae Cirenio Siria nacuapiwi pia peyanacua ewatsinchi naexana. <sup>3</sup> Daxita jiwi tsanaya barompaya pia pepa tomaran bewa benawibiyaena, ichaxota pia pamo jiwi tatsi tanowaeumeinchi. <sup>4</sup> Daxota José Nazaret tomara wewarapiya, xua Galilea nacua weya. Belén tomara bewarapiya po tomara eca Judea nacuatha. Baraxota caena bayatha David pon judiomonae itorobiya pia pepa peewatsinchi nacatsiwa, pon José pia pamo jiwi susato jiwana tatsi, pon yatsicaya tabñ ducua. <sup>5</sup> José pecotsiwa barñ pona pewñ tinaenexa tsainchibe. Barapowa pewñ María. Barapowa pexuyo bñpana taecatsi. <sup>6</sup> Poxonae cataunxuae baraxota Belén tomaratha ecabe, bapoxonae María xua bñpana taecatsi pexuyo, bara weaperetanetsiba. <sup>7</sup> Bara bapowa tanaexanatsi pexanto pon copiya tanacatsiwatsi. Barapo pexuyo paparuwantha tsiwixitha mata quiyontababota jeriyotha, po naeyotha ichaxota vaca naepanaewa xayathopa. Tsipei tutu quecona po bomñxñtha ichaxota

jiwi maiteiba pomonae pateiba pomonae siwa poneiba.

*Meje yabara poxonae matatsunpiwi patsica ichaxota pomonaetha pomonae oveja duweimonae peyapu eenaewi*

<sup>8</sup> Imoxoyo Belén tomaratha, pebiwi oveja duweimonae yapu eeneiba wexotha poxonae merawi. <sup>9</sup> Nexata jemeicha barapo pebiwi tsita naitutatsi matatsunpin po matatsunpin itorobicatsi xua pon jiwi Pecanamataxeinaein itorobica. Matautano Nacom pon jiwi Pecanamataxeinaein pia peitapanae coicha tatsino barapomonae matawacaicha uncueicatsi. Barapo pebiwi bichocono junuwa. <sup>10</sup> Nexata matatsunpin barapomonae baraichi jeye: “Jopa pajunuwinde. Aparapa tsipaebatsi pexeinya jume diwesi xua po diwesi daxita jiwi juntu coyene weiweina exanaeinchi. <sup>11</sup> Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaein. Bapon apara pewun Mesías pon Pecanamataxeinaein jiwi, pon Nacom weitorobicatsi. <sup>12</sup> Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo pexuyo xua paparuwatha mata quiontababotatsi jeriyotha ichaxota po naeyotha vaca naepanaewan xayathopa”, jei matatsunpin.

<sup>13</sup> Bapoxonae jemeicha equeicha icha matatsunpiwi pin bicheito naitubarucapa ichaxota icha matatsunpin uncua. Barapo

matatsunpiwi itaboco wepatsica. Barapomonae Nacom wɥnae jaintatsi. Barapo matatsunpiwi namchi, jeye:

<sup>14</sup> “¡Maisa bichocono Nacom wɥnae jaintatsi pon itabocotha peecaein, peitorobixae pexanto! ¡Barabɥ jiwɥ jɥntema jinompa barapo irathe pomonae xua Nacom jɥntɥ coyene weiweina exanatsi!” jei matatsunpiwi.

<sup>15</sup> Poxonae matatsunpiwi athabe ichicha caibeicha itaboco beicha, bapoxonae pomonae oveja duweimonae peyapu eenaewi barapomonae nabarai, jeye:

—Bɥ poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwɥ Pecanamataxeinaein nexa, jei barapomonae pomonae oveja duweimonae peyapu eenaewi.

<sup>16</sup> Barapoxonae oveja duweimonae peyapu eenaewi nainya ponarɥɥpa. Barapoxonae María irɥ José caxibarɥɥpatsi. Irɥ pexuyo poyo boqueca jeriyotha vaca matabotha caxibarɥɥpatsi.

<sup>17</sup> Poxonae barapomonae taerɥɥpa pexuyo, barapomonae tsipaeba nawita ichamonaetha pocotsiwa bayatha barapomonae petsipaebixaetsi matatsunpin xua pexuyo yabara.

<sup>18</sup> Daxita pomonae jume taerɥɥpa baxua yabara najɥntɥ coyene cabenaeca xua pomonae oveja duweimonae peyapu eenaewi pepaebixae baxua. <sup>19</sup> María barapo diwesi moya yawɥn xeina pejɥntɥ coyenewatha xua jume cui cayabara nanta exaba. <sup>20</sup> Bapoxonae oveja duweimonae peyapu eenaewi caibe nawibiya. Barapomonae Nacom wɥnae jaintatsi petaexae xuano pejume



taexaeno xua bayatha matatsunpiwi pepaebixae. Barapomonaē namchi, jeye:

—Maisa Nacom pon pepa yatsicaewa pejuṅṅa coyene xanepanaein, jei.

*Meje yabara poxonaē María iru José caponabe Jesús Nacom pin pia botha tatsi*

<sup>21</sup> Poxonaē ocho po matabibe yapucaewa, pexuyo wi thabatsi, xua pebin wutoxae xua ichaxota nareixacaeca. Baxua judiomonaē pia cui coyenetha tatsi. Barapoyo wun dutatsi pewun Jesús, po wun bayatha matatsunpin wun unuta xua María muxu tsipaebatsi poxonaē María cataunxuae abu jopa bupana taecaetsi pexuyo.

<sup>22</sup> Nexata matabi jopa, xua po mataqueitha María iru José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jopa penataxobinexa. Bapoxonaē María iru José pexuyo caponabe Jerusalén tomara beya pecatsinexa tsanebe pexuyo Nacomtha pon jiwí Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonaē pinyo tsane. <sup>23-24</sup> Baxua exana tsipei Nacom pia peitorobi diwesitha tatsi tina, jeyei: “Daxita jiwí pia pexui tatsi, pebin wutixi, poxi copiya nacatsiwena, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecaponaenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi

exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara iru ainya tsaqueintobe care. Ichacuiitha icha tsaqueintobe aibi, bara iru ainya topibotobe care”, jei.

<sup>25</sup> Iruru barapoxonae pebin popona Jerusalén tomaratha, bapon pewun Simeón. Bapon pejuntu coyene xanepanaein. Bapon wuna jainteiba Nacom. Bapon wuna ewateiba xua Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomonae weya. Barapo romanomonae icha nacia werena pona xua Israel nacuapiwi cueranta enatsi. Tsipei barapo romanomonae Israel nacuapiwi canamataxeinatsi. Nacom pia Pejumope tuxu tatsi Simeón baru popoinchi. <sup>26</sup> Nacom pia Pejumope tuxu tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonae xua pinae pira-paeyo tupaena. <sup>27</sup> Nacom pia Pejumope tuxu tatsi Simeón joniya exanatsi Nacom pin pia botha tatsi. Bara José iru pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba. <sup>28</sup> Simeón isapita pexuyo. Nacom wuna jaintatsino. Simeón namchi, jeye:

<sup>29</sup> “Nacom pon Tanecanamataxeinaem, bara anoxuae caitacupa xua tanecopatsiwam xua bara junte miya tatupaewa tsane. Tsipei anoxuae bara nayabara jume wetame pocotsiwa bayatha yabara

netsiw<sub>nae</sub> muxu dutame.  
 Poxoru xan bapon tsocuaein xua  
 exanan xua neitorobame.

<sup>30</sup> Xan yatsicaewa bara tanba,  
 pon Pecapanenebiyaein jiwi.

<sup>31</sup> Bapon tan pon xua itorobicaeabame,  
 xua daxita jiwi taena xua bapon taeinchi.

<sup>32</sup> Bapon yaputane exanaena xua Nacom ya-  
 putaeinchi

pomonaе jopa judiomonaе naexanaeyo.

Tsipei bapon be bapocotsin, xua poxonaе jiwi  
 beta tane exainchi merawi xua xota yonoyonei.  
 Yawano bapon exanaena xua Israel nacuapiwi,  
 pomonaе jinyamonaе xua w<sub>nae</sub> jaintinchi  
 xua ichamonaе w<sub>nae</sub> jainchina”, jei Simeón.

<sup>33</sup> María ir<sub>u</sub> José yabara naj<sub>ntu</sub> coyene  
 cabenaecabe pocotsiwa Simeón pexuyo yabara  
 paebatsi. <sup>34</sup> Nexata Simeón barai, Nacom baraichi  
 xua María yabara yawano xua José yabara, jeye:  
 “J<sub>ntu</sub> coyene weiweina exande baraponbe”, jei.  
 Nexata Simeón, María baraichi xua pexuyo pena  
 tatsi:

—Barapo pexuyo Nacom itapeta xua bapon  
 peexanaenexa tsane po coyene xua Israel  
 nacuapiwi ichamonaе Nacom beya peponaenexa  
 xua ichacuitha icha ichamonaе Nacom beya jopa  
 peponaenexa tsane. Yawa Nacom itoroba barapo  
 pexuyo, peit<sub>u</sub>binexa Nacom pia peayapus<sub>u</sub>wa  
 ichitha ichamonaе jume cui aitafaetabi tsaibi  
 tsane. <sup>35</sup> Daxota barapo pexuyo yaputaena  
 pocotsiwa jiwi pej<sub>ntu</sub> coyeneintha nanta  
 xeineibina. Ichitha xam, María, daxita baxuan  
 caaj<sub>ntu</sub>coyenerewe exanaena be poxonaе ich<sub>u</sub>n

canthuthu tsapinopaena cusitha, jei Simeón xua María tsipaebatsi.

<sup>36</sup> Iruru baxota poponarü petsiriwa, pewun Ana. Barapowayo Nacom peitorobi jume pepae-biwayo. Barapowa Fanuel pexantiyo tatsi. Aser pon yatsicaya tabü ducua bapon pia pemomoxi susato jiwana tatsi. Barapowa bara nama pena-pataewa tsoponae. Barapowa caena bayatha pox-onae penowayo tsecae jitha eca. Pia pebinbe siete po weiyobe nabaü poponabe. Bapoxonae pebin tupa. <sup>37</sup> Barapowa caena bayatha piseuri cuenta tupa. Anoxuae nama barapowa yaochenta y cu-atro po weiyobe jopaba. Barapowa Nacom pin pia bo weya jopa pichapeibiyo. Saya exaneiba pocot-siwa Nacom itoroba merawintha yawa mataba-intha. Najainboteibano poxonae tsipaebeiba Na-comtha. <sup>38</sup> Poxonae Jesús caponatsi Nacom pin pia botha xua Nacom pecatsinexatsi bapoxonae Ana imoxoyo caquita uncua barapomonaetha. Bara-powa tsipaeba Nacomtha, jeye: “Nacom maisa juntu coyene weiweinan xua painta itorobame barapo pexuyo”, jei Ana. Bapoxonae Ana yabara paebaxoya pexuyo jiwitha pomonaetha pomonae wünae ewateiba po coyene xua Nacom itorobina Israel nacuapiwitha pon Israel nacuapiwi ca-panenebiya exanaeinchi romanomonaewe.

*Meje yabara poxonae Jesusbarü caibe iyiya Nazaret tomara beya*

<sup>39</sup> Nexata María irü José wetabeba daxita xua Nacom, pon jiwü Pecanamataxeinaein, peitorobi jume coyenewa paeba. Bapoxonae caibe canawiyabe pexuyo Galilea nacua beya

xua pia tomara beyabe, Nazaret tomara beyabe. <sup>40</sup> Pexuyo wichabeca. Matautano bichocono daunwei nawita, peyaputae coyene xexeinaponano. Nacom tsita juntu coyene xanepanapoinchi.

*Meje yabara poxonae Jesús siwa pona Nacom pin pia bo tatsi*

<sup>41</sup> Jesús pena tatsi iru paxa tatsi daxita weitha poneiba Jerusalén tomara beya xua nataiba Pascua wun matakabin. Barapo Pascua wun jei, poxonae Israel nacuapiwi nanta xeina xua poxonae pinae bayatha pia pamo susato jiwí tatsi capanenebiya exanatsi Egipto nacua weya, xua Nacom capanenebiya.

<sup>42</sup> Poxonae Jesús doce po weiyobe yapu jopa, María iru José iru Jesús, Jerusalén tomara be-iyiya. Tsipei barapomonae pia cui xua poneiba barapo Pascua wun matakabin nexa.

<sup>43</sup> María iru José caibe nawirenabe pia tomara berena poxonae barapo matakabin weta. Ichitha pewowin Jesús naruntaba Jerusalén tomaratha. Jesús pena tatsi iru José jopa taeyobe xua Jesús nacopatata. <sup>44</sup> Nanta xeinabe xua Jesús mexeya itara napunaecaponawei pin bicheitha. Caentacabitha María iru José namtotha naecaponabe, bapoxonae itaxanawiyabe pexanto. Necobauyabe pexanto pin bicheitha pia matabuxuyo jiwimonaetha, pijiwimonaethano. <sup>45</sup> Jopa pexanto caxinaebe. Bapoxonae equeicha caibe iyabe Jerusalén tomara beya, pewenaweneinexa tsanebe pexanto baxotiya equeicha.

<sup>46</sup> Poxonae acoibi po matakabiyobe yapucaewa Jerusalén tomaratha baxota pexanto caxinabe Nacom pia botha tatsi. Jesús naeca ichaxota pomonae jiwi pecuidubiwi Nacom pia peitorobi jume. Jesús jume tane barapomonae. Matautano yainyabano nawita barapomonaetha. <sup>47</sup> Daxita pomonae jume tane, najuntũ coyene cabenaeca tsipei Jesús peyaputaein tsecae, matautano tsipei Jesús beta jume nota. <sup>48</sup> María irũ José poxonae baxua cui tanebe najuntũ coyene cabenaecabe. María pexanto barai, jeye:

—Owae, ¿eta xua metha baxua painta exaname? Axa irũ xan paca yabara najuntũ coyene exabatsibe, paca jeitompatsi, jei.

<sup>49</sup> Jesús jume nota pena, jeye:

—¿Eta pocotsiwa metha ichawa beya pana ne-jeitompame? ¿Metha bara jopa payaputaem jampa xua bewa necui eenaena xua Taxa pia cui yabara tatsi? jei.

<sup>50</sup> Ichitha María irũ José jopa xapain yaputaeyobe pocotsiwa Jesús paeba.

<sup>51</sup> Jesús caibe nanawiya pena tatsibarũtha Nazaret tomara beya. Jesús pena jume jejei tsaibi yawano José jume jejei tsaibichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntũ coyenewatha. <sup>52</sup> Nexata Jesús wiwichabapona yawa juntũ coyene ayapusũya exanapoinchino Nacom pia Pejumopetha tũnaxũ tatsi. Nacom irũ jiwi Jesús antobe tsoponaetsi.

### 3

*Meje yabara poxonae Juan pon Pebautisabin jiwí cuiduba ira xuepana susato tsurucuae nacuatha*

*(Mt 3.1-12; Mr 1.1-8; Jn 1.19-28)*

<sup>1</sup> Irurur Tiberio pon romanomonae itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Bapoxonae irur Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Irur Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuathano. Barichirur Lisantias Abilinia nacuapiwi peyanacua ewatsinchi naexana. <sup>2</sup> Barichirur Anás irur Caifás baponbe sacerdotemonae pia pepa pentacaponaeinbe tatsibe. Barapoxonaerur Nacom Juan tsipaebatsi poxonae ira xuepana susato tsurucuae nacuatha popona. Juan bapon Zacarías pexanto tatsi. <sup>3</sup> Juan popona ducuaeta Jordán nacuatha ichaxota Jordán mene. Nacom Pejume Diwesi tsipaeba ducuaeta jiwitha. Bapon barai jiwitha, jeye:

—Icha jurur coyene paxeinare painya neauraxae xua abe paexaname. Paca bautisabina ichamonae xua Nacom paca necayabara jururtemainaenexa abe painya neexanae cuiru coyenein, jei Juan.

<sup>4</sup> Baxua exana, peyabara jeichixaetsi xua peyabara jeixae pon Nacom peitorobi jume pepaebin Isaías poxonae bapon tina pejume diwesi. Barapo diwesitha Isaías caena bayatha

wuna tsiwunaeya yabara paeba xua Juan yabara.  
Isaías namchi, jeye:

“Jume tan pon wawai ira xuepana  
susato tsurucuae nacuatha.

Bapon wawai jeye: ‘Patsinajuntũ  
cui coyene wunaere pon jiwi pia  
pepa Pecanamataxeinaeinchi pia  
pepatopae wunaeya tsane.

<sup>5</sup> Daxita pamarafotontha paatsa  
jehebapoinyama.

Daxita petsuton paatsa caxiquiyama.

Pejeyajeyowa namton bopiya dubeinya  
paexande.

Pamarafotofotowa namton, panamto dameyama.

Apara jopa yabara janyo namton, jame  
apara yabara jan painya juntũ coyenein.

Ichi paichim xua namton paxanebame bara  
paichinde pana najuntũ cui wunaere

painya Nepacacanamataxeinaein nexa  
poxonae bapon patopeicaena.

<sup>6</sup> Daxita nacuapiwimonae yaputaena Nacom pia  
pecapanenebiyae coyene tatsi’, jei pon  
wawai”, jei Isaías pejume diwesitha.

<sup>7</sup> Pin bicheito pata, xua Juan pebautisabinexa  
tsane. Juan barai barapomonae jeye: “¡Paxam  
pomonaem pemuxutorobi jiwi pam! ¡Paxam  
be bara jomomonae pam, tsipei jomo ba  
cuitaya dũcupa nawa! Bara paichim anoxuae  
paichichipame Nacom pacuitaya dũcupame xua  
abe paca exanaeyainwa. Jopa papanenebiyaem  
tsane bequein bara paca bautisabinchi tsipei  
jopa pajuntũ coyene xanepanaem Nacomtha.

<sup>8</sup> Xaniwaicha painompare xain ichamonae paca



cui tane xua icha jũntũ coyene painya nexeiñawa Nacomtha, pon jiwi Pecanamataxeinaein. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowantsim Nacom. Daxota Nacom itacũpatsi xua paca cui matawenta pia jopa paca nepaca capanenebiyaenexa tsane. Mataũtano barichino Nacom itacũpatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonae pejume cowantsixaetsi Nacom. <sup>9</sup> Poxonae pebin naein ũba, sipari ba canacui wũnaeta pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca jũta ichiya paca cana exanaena. Nacom paca yabara nacui wũnaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata taexanaem”, jei Juan.

<sup>10</sup> Nexata barapomonae Juan yainyabatsi je-ichichi:

—¿Eta pocotsiwa Nacom ichichipa pocotsiwa pata exanaenexa xua ichamonae pata necui taenexa tsane xua bara pajũntũ coyene xanepanaein Nacomtha? jei barapomonae.

<sup>11</sup> Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa naũma xatatsiyo camisa. Irũrũ pon tamatecatsi penabanaewa

bapon becatsipa ichan pontha pon jopa xeinaeyo penabanaewa, jei Juan.

<sup>12</sup> Barichiru pata, pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Barapomonae pata xua Juan pebautis-abinexa tsaneru barapomonae. Barapomonae Juan yainyabatsi, jeichichi:

—Pon jiwi Necuidubim, zeta pocotsiwa Nacom ichichipa pocotsiwa pata exanaewa tsane? jei barapomonae.

<sup>13</sup> Juan jume nota, jeye:

—Saya meisa jiwi pawucaename paratixi xua romanomonae paca itoroba. Jopa yabara muxu-itorobiya pawucaeinde ichawan, jei Juan.

<sup>14</sup> Barichiru soldadomonae Juan yainyabatsi, jeichichi:

—Iru paxan, zeta pocotsiwa Nacom ichichipa pocotsiwa pata exanaewa tsane? jei barapomonae.

Juan jume nota, jeye:

—Jopa payabara jume daunweya wecobe noteibinde ichamonae piawan tatsi. Matautano ichamonae jopa pacui yopiteibinde pocotsiwa exana ichamonae poxonae apara jopa exaneibiyo. Bara saya pajuntu coyene weiweinare poxonae paratixi paxename poxonae ichamonae xua pata exaname xua soldadomonae pamxaem, jei Juan.

<sup>15</sup> Daxita pomonae wunaewateiba xua Mesías pepatopeicaewa tsane, barapomonae poxonae Juan jume tainchi, barapomonae pejuntu coyeneintha nanta xeina, xua apara Juan metha

apara Mesíaswei. <sup>16</sup> Ichitha Juan barai daxita barapomonaē, jeye: “Xan paca bautisabatsi meratha. Ichitha nama patopaena pon bichocono ainya cui beyacaincha xan. Bapon pon pepa Pecanamataxeinaein jiwi. Xan saya tapawin. Daxota auran xua tataxu m̄ isanaxubiwa pia penataxu xatatsiwa. Bapon paca jiwana bautisabina Nacom pia Pejumope t̄nax̄tha tatsi. Bapon paca jiwana cui copatsinchi xua atene tsane Jesús pejume cow̄ntsixaetsi tsane. <sup>17</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona, trigo xu matabohta. Matapepe jehebapona petautsinexa isotohta, ichaxota po isoto jopa cuinaya itacounayiyo. Bara j̄ta cana ichi tsane jiwitha icha trigo xu cana ichiya ichichi jiwi Nacom tsananobina pomonaē pejume cow̄ntsixaetsi pia nacuatha nexa. Ichamonaē tsananobinchi pomonaē jopa pejume cow̄ntsiwichi, petautsinexa isotohta ichaxota xua jopa itacounayiyo”, jei Juan.

<sup>18</sup> Icha diwesi yabara jumeno Juan barapomonaētha paeba Nacom pia pexeinya jume diwesi tatsi. <sup>19</sup> Matautano Juan biatane, Herodes biatainchi pon Judea nacuapiwi pia peyanacua ewatsinchi poxoru Herodes peweicho caiba yab̄yo powa Herodías. Herodes peweicho tatsi pew̄n Felipe. Matautano Juan biatane poxoru bayatha Herodes abe exana nawita jiwitha. <sup>20</sup> Ichitha daumetha equeicha Herodes abe exana xua Juan caenaetatsi ichamonaētha xua pecaponaenexa tsainchi jiwi pec̄bi botha.

*Meje yabara poxonae Jesús bautisabatsi  
(Mt 3.13-17; Mr 1.9-11)*

<sup>21</sup> Poxonae cataunxuae Juan jopa ecaeyo jiwi pecubi botha, Juan bautisaba ducuaeta jiwi. Barichi iru Jesús nabautisabatsi. Poxonae Jesús tsipaebuncua paxa, peitaboco nayausaranaxuba.

<sup>22</sup> Nacom pia Pejumope tñaxu tatsi patopeica Jestutha, be topiboto yaruneica. Jesús jume tane pocotsiwa peitaboco wetsipaebicatsi, jeichichi:

—Xam apara Taxantom pom bichocono cantobetsi, pom caitapetatsi. Nejuñtu coyene weiweina exaname, jei Nacom.

*Meje yabara pomonae Jesús pia pamo  
susatopiwi tatsi  
(Mt 1.1-17)*

<sup>23</sup> Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanae coyenewan po coyene Nacom Pejume Diwesi pecueicueijejiwa xuano jiwi axaibi exana ducuaenaebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi.

<sup>24</sup> Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi. <sup>25</sup> Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi. <sup>26</sup> Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto

tatsi. Bapon Josec, Judá pexanto tatsi. <sup>27</sup> Bapon Judá, Joanán pexanto tatsi. Bapon Joanán, Resa pexanto tatsi. Bapon Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi. <sup>28</sup> Bapon Neri, Melqui pexanto tatsi. Bapon Melqui, Adí pexanto tatsi. Bapon Adi, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi. <sup>29</sup> Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi. <sup>30</sup> Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi. <sup>31</sup> Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi. <sup>32</sup> Bapon Natán, David pexanto tatsi. Bapon David, Isaí pexanto tatsi. Bapon Isaí, Obed pexanto tatsi. Bapon Obed, Booz pexanto tatsi. Bapon Booz, Sala pexanto tatsi xua icha wɥn Salmón. Bapon Sala, Naasón pexanto tatsi. <sup>33</sup> Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi. <sup>34</sup> Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi. <sup>35</sup> Bapon Nacor, Serug pexanto tatsi.

Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi. <sup>36</sup> Bapon Sala, Cainán pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi. <sup>37</sup> Bapon Lamec, Matusalén pexanto tatsi. Bapon Matusalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi. <sup>38</sup> Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

## 4

*Meje yabara poxonae Jesús j̄nt̄x̄ coyene j̄j̄t̄t̄tsi  
caurimonaē pia pentacaponaein tatsi xua Jesús abe  
coyeneya petaexanaenexa tsane*

*(Mt 4.1-11; Mr 1.12-13)*

<sup>1</sup> Poxonaē Jesús j̄nt̄x̄ coyene ȳcatsi Nacom pia Pejumope t̄nax̄x̄ tatsi bapoxonaē caibe nawiya Jordán mene weya. Nacom pia Pejumope t̄nax̄x̄ tatsi Jesús mata cayatsi ira xuepana susato tsurucuae nacua beya. <sup>2</sup> Baraxotiya Jesús pona cuarenta po matabibē. Caurimonaē pia pentacaponaein tatsi Jesús piraichi j̄nt̄x̄ coyene j̄j̄t̄t̄tsi xua Jesús abe coyeneya petaexanaenexa tsane. Barapo cuarenta po matabibētha Jesús j̄pa nabanaeyo. Poxonaē barapo matabin yapucaewa Jesús bichocono jainpa. <sup>3</sup> Caurimonaē pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita iture. Barapo iboto itorobare xain pan naexanaxoya, jei caurimonae pia pentacaponaein tatsi.

<sup>4</sup>Jesús jume nota. Caurimonae pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan’, jei Nacom Pejume Diwesi, jei Jesús.

<sup>5</sup>Caurimonae pia pentacaponaein tatsi Jesús matacapoinchi ichaxota po demxuwa bichocono atororo. Baraxotiya Jesús tsita itatarabatsi daxita nacuan, xua barapo cae pin nacuathe.

<sup>6</sup>Bapoxonae caurimonae pia pentacaponaein tatsi Jesús baraichi, jeichichi:

—Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pewanaewan, tsipei bayatha necata daxita barapo nacuan xua taitorobeibiwa coyenewan. Tawaxae catsin ichantha pontha pon xua ichichipan xua tacatsiwa.

<sup>7</sup>Ichaunxuae nentabocototha uncuaename taitabaratha, xuano ichaunxuae newanae jainchiname xua nenanta xeinaewaxae xua xan jinya tacacanamateixeinaeinchi, bapoxonae baxuan daxita bara cacatsinchi jinya Necanamataxeinaenexa barapo nacuan, jei caurimonae pia pentacaponaein tatsi.

<sup>8</sup>Ichitha Jesús jume nota, jeye:

—Yaitama Nacom Pejume Diwesitha namchi, jeye: ‘Meisa wanae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>9</sup> Cotacaya nama equeicha Jesús matakapoinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

—Icha bara xaniwaicha Nacom Pexanto tatisim, wenaxoreinque. <sup>10</sup> Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

<sup>11</sup> Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha poxonaenaxorecame’, jei Nacom Pejume Diwesitha, jei caurimonae pia pentacaponaein tatsi.

<sup>12</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa junt<sub>u</sub> coyene jujatsiya wacaeinde Nacom pon jinya Necanamataxeinaein, xua cajume jejei tsane necayawenaenexa poxonaenaxo jopa xapain exanaem’, jei Nacom Pejume Diwesitha, jei Jesús.

<sup>13</sup> Poxonaenaxo caurimonae pia pentacaponaein tatsi yaputane xua jopa xeinaeyo po coyenetha equeicha Jesús pejunt<sub>u</sub> coyene jujatsiwa tsainchi, bapoxonaenaxo nama Jesús wepu poinchiba xua saya bara caeto nexa.

*Meje yabara poxonaenaxo Jesús tamropata pitaba pia penacuichiwa Galilea nacuatha*

*(Mt 4.12-17; Mr 1.14-15)*

<sup>14</sup> Jesús caibe iya Galilea nacua beya. Matautano jopa juniya xeinaeyo Nacom pia Pejumope t<sub>u</sub>nax<sub>u</sub> tatsi pia peayapus<sub>u</sub> itorobi coyenewa tatsi. Daxita jiwi pomonaenaxo jinompa barapo nacuatha Jesús



yabara paebinoutatsi. <sup>15</sup> Jesús cuidubeiba barapomonae judiomonae pia penacaetutsi bontha tatsi xua daxita tomarantha. Barapomonae Jesús wɔnae jainteibatsi.

*Meje yabara poxonae Jesús Nazaret tomaratha popona*

*(Mt 13.53-58; Mr 6.1-6)*

<sup>16</sup> Nexata Jesús Nazaret tomara beya pona, po tomaratha ichaxota wichaba. Judiomonae barompaya pia pentaquei seicae matabitha tatsi Jesús joniya judiomonae pia penacaetutsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonae peuncuaenexa peitabaratha, peyorobinexa Nacom Pejume Diwesi, xua barapomonae pejume taenexa. <sup>17</sup> Nexata Jesús catatsi Isaías pejume diwesi, pon Nacom peitorobi jume pepaebin, pon caena bayatha tɔpa. Poxonae Jesús diboro pataxuba baxota taeba pocotsiwa baxota paeba, xua jeye:

<sup>18</sup> “Nacom pia Pejumope tɔnaxɔ tatsi neyanta popona.

Nacom neitapeta tatabueicueijeinexa tsane pia pexeinya jume diwesi tatsi pomonaetha pomonae peacopeibi jiwi.

Mataɔtano neitoroba xua tayawenaenexa pomonae anthɔthɔtane.

Mataɔtano neitorobano xua tayawenaenexa pomonae caurimonae itorobatsi nawita xua barapomonae pepanenebiyaenexa.

Mataɔtano neitorobano xua tane tacana exanaenexa pomonae peitata nacɔtsi jiwi.

Mataɔtano neitorobano xua tayawenaenexa

pomonae xua bichocono taayapubetsi xua pejinompaewa tsane xua barapomonae jopa pex-einae

dubenanaebiyaenexa tsane barapo coyenein.

<sup>19</sup> Matautano neitorobano xua jiwi

tatsipaebinexa po coyene xua Nacom nacui

wunaeta xua jiwi peyawenaewa tsainchi

pomonae ichichipa xua Nacom pejume taewatsi”, jei Isaías pejume diwesitha, jei Jesús xua yoroba.

<sup>20</sup> Poxonae Jesús barapo diboro acataraba, bapoxonae cata pontha pon jiwi peyawenequeibin judiomonae pia penacaetutsi botha tatsi. Bapoxonae Jesús econeca. Daxita pomonae baxota ena, Jesús necotenatsi xua cui ewatenatsi xua pecueicueijejwa tsane Jesús.

<sup>21</sup> Bapoxonae Jesús tamropata pitaba xua paeba, jeye:

—Anoxuae xuaunxuae pajume taneme baxua apara barapo mataqueithe Nacom nayabara jume cui weta painya itatha, jei Jesús.

<sup>22</sup> Daxita carepaya jiwi Jesús xanepanaya yabara paebatsi. Daxita barapomonae najuntu coyene cabenaeca xua pejume taexae xua po jume barapomonae petsipaebixaetsi. Barapomonae nantiya nabarai, jeye:

—Maisa jume xeica bapon, jume wunaeya paeba. ¿Bara bapon José pexanto tatsi jampa? najei barapomonae.

<sup>23</sup> Jesús barai barapomonae, jeye:

—Metha pana netsipaebichipame icha be pocotsi diwesiyo iche xua pecayabara juta pepaebi diwesiyo xua ba jei: ‘Pon jiwi neyawabin, jinya coutha nayawbare’, xua ba jei. Barichi

anoxuae pana nejam tsane: ‘Xua paxan pajume tan xua juinya Capernaum tomaratha exaname, barichinde xote exande jinya tomaratha’, pana nejam tsane, jei Jesús.

<sup>24</sup> Awiya cataunxuae Jesús cueicueije. Eque-icha namchi, jeye:

—Xaniwaicha paca tsipaebatsi pon ba Nacom peitorobi jume pepaebin pia nacuamonaepiwi ba aitaetaebichi. <sup>25</sup> Xaniyan paca baraichi xua caena bayatha poxonae Elías popona pon Nacom peitorobi jume pepaebin, ainyawaxi powaxi pecuenta werapaewaxichi pia seuriwi Israel nacuatha jinompa. Barapo nacuatha cuinaya jopa duneicaeyo acoibi po weiyobe xuano seis po xometiyobethano. Daxita jiwi piyain barapo nacuatha Israel nacuatha.

<sup>26</sup> Nacom jopa itorobiyo, Elías jopa itorobichi xua peyawenaenexa tsane caewayo jiwana powaxi pecuenta werapaewaxichi pia seuriwi xua Israel nacuatha. Ichitha saya meisa Nacom itoroba, Elías itorobatsi powatha powa pecuenta tupaewayotsi piseuri, powa popona Sarepta tomaratha, xua Sidón nacuatha xua barapowayo peyawenaenexatsi. <sup>27</sup> Barichi Israel nacuatha pinmonae jinompa pomonae peperu sawatsi jiwimonae, poxonae Eliseo popona pon Nacom peitorobi jume pepaebin. Eliseo jopa jiwana axaibi exanaeyo. Ichitha meisa Eliseo Naamán axaibi exanatsi pon bichocono peperu sawinchi. Bapon Naamán, Siria nacuapin, jei Jesús.

<sup>28</sup> Poxonae barapomonae jume tane pocotsiwa Jesús paeba pomonae judiomonae pia penacae-tutsi botha ena, bapoxonae barapomonae Jesús

casebatsi. <sup>29</sup> Asiya umenarucapa barapomonaе. Jesús tomara peuma beitaweyatsi. Jesús capoinchi pitapatororo itapa beya, po tsututha bomaxan jeba, xua bara wepexorecaenexa tsainchi Jesús. <sup>30</sup> Ichitha Jesús barapomonaе xenta iya, pu seicataba.

*Meje yabara poxonaе pebin pon cauri xeina  
(Mr 1.21-28)*

<sup>31</sup> Nexata Jesús pona Capernaum tomara beya po tomara eca Galilea nacuatha. Baxotiya Jesús cuiduba jivi po mataqueitha pentaquei seicaе matabitha. <sup>32</sup> Barapomonaе yabara najuntu coyene cabenaeca tsipei pocotsiwa bapon barapomonaе cuidubatsi be pon peyaputaеin pia peayapusu itorobi jume coyeneya tatsi paeba.

<sup>33</sup> Judiomonaе pia penacaetutsi botha tatsi pebin baxota eca, pon cauri xeina. Bapon bichocono wawaya exanatsi cauri. Bapon Jesús baraichi xua namtsebiya wawai, jeye:

<sup>34</sup> —¡Jesús Nazaret tomarapim, warapare pata xainya weya! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebicham? Paca yaputainchi yawa paca yaitainchi. Xam apara pon Nacom caitoroba, pon pepa Nentacuiruya-puxanepanaem, jei cauri.

<sup>35</sup> Jesús itaweta cauri, jeye:

—¡Moyande! ¡Bapon wepu ponde! jei Jesús.

Nexata cauri pebin iratha xotsi barapomonaе peitutha tatsi. Pebin wepu poinchi cauri, saya junteма. Equeicha jopa ateneyono. <sup>36</sup> Daxita

barapomonaē yabara najuntā coyene cabenaeca, nayainyaba namchi:

—¿Eta po jumera xua bapon paeba? Jamaisa barapo pebin itaweta caurimonaē pia peayapusa itorobi coyenewatha. Matautano barapo caurimonaē bara pona.

<sup>37</sup> Daxita jiwi paebinouta Capernaum tomara cuariyatha pocotsiwa Jesús exana.

*Meje yabara poxonaē Jesús axaibi exana Simón Pedro pamiyo tatsi*

*(Mt 8.14-15; Mr 1.29-31)*

<sup>38</sup> Bapoxonaē Jesús judiomonaē pia penacae-tutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domae-batsi. Barapowa piamonaē tatsi Jesús jume daunweya wacatsi xua bapowa axaibi peexanaenexa tsainchi. <sup>39</sup> Jesús imoxoyo caquita uncua pentasi-patha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domae aichurucuae. Nainya barapowa nantacotaxuba. Bapoxonaē bapowa pexaewa apata barapomonaetha.

*Meje yabara poxonaē Jesús axaibi exana pin bicheitomonaē*

*(Mt 8.16-17; Mr 1.32-34)*

<sup>40</sup> Poxonaē tabopiya tsanaicha pomonaē piamonaē barompaya taatenetsi pomonaē xua jopa nayaromae jupaeyo, daxita barapomonaē Jesús betacarendenatsi. Jesús ichawa beya jayabapona pecobetha, bapoxonaē daxita carepaya axaibi. <sup>41</sup> Barichi pomonaē cauri

pexeinaewi Jesús taitaweta barapomonae.  
Barapo caurimonae wawayaya jeye:

—Apara xam Nacom Pexantom, jei.

Bequein caurimonae baxua paeba ichitha Jesús awiyya daumetha itaweta caurimonae. Jesús jopa najume copatsiyo xua equeicha pepaebiwa tsane poxoru barapo caurimonae yaputane xua bapon yatsicaewa Mesías pon Nacom itorobica.

*Meje yabara poxonae Jesús cueicueijeji Nacom Pejume Diwesi judiomonae pia penacaetutsi bontha tatsi*

*(Mr 1.35-39)*

<sup>42</sup> Poxonae baya juntucuru pentha tsina, Jesús tomara weiyya ichaxota jiwaibi bara beya pona. Ichitha jiwi Jesús jeitatsi. Barapoxonae bapomonae pata ichaxota Jesús popona. Barapomonae aichaxaibi xua Jesús pewepu warapaewa barapomonae. <sup>43</sup> Ichitha Jesús namchi, jeye:

—Bewa iru yabara paebin Nacom pia pexeinya jume diwesi tatsi, po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Apara baxua netsiyabara itorobica, jei Jesús.

<sup>44</sup> Daxota Jesús paeba ducuaeta Nacom Pejume Diwesi Judea nacuatha xua judiomonae pia penacaetutsi bontha tatsi.

## 5

*Meje yabara poxonae Jesús piamonae yawena xua duwei yamona*

*(Mt 4.18-22; Mr 1.16-20)*

<sup>1</sup> Caentacabi Jesús Genesaret pucua itapatha uncua. Pin bicheito pata bichocono nacucunaxuba Jesustha, tsipei barapomonaе ichichipa jume tane Nacom Pejume Diwesi tatsi. <sup>2</sup> Jesús ainya jerabe tane pucuatha taetabo itapatha, po jera saya naebe. Tsipei duwei peyamaewi bayatha naci wetarucpa, matautano poxoru bayatha nonobouna taetabotha. Barapomonaе pia peyamaewan iquicompа. <sup>3</sup> Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonaе Jesús eca jeratha. Jesús mene wecuidubecarena jiwі Nacom Pejume Diwesi. <sup>4</sup> Poxonaе Jesús najume weta, Simón baraichi, jeye:

—Jeratha ponde ichaxota pentatheibu. Paxoyama painya neyacamaewa painya necapirenaenexa duwei, jei Jesús.

<sup>5</sup> Simón, Jesús jume notatsi, jeye:

—Pon jiwі Necuidubim, bequein barapo merawithe payamonpan, pacobesa patan. Yaitama aunxuae neitorobame, methaunxuae xoyaein tayamaewa, jei Simón.

<sup>6</sup> Poxonaе barapomonaе xoya, duwei pin tunto capirena, muxu peucubabi xua peyamaewa. <sup>7</sup> Nexata barapomonaе moya pecobetha itacowaeba pomonaе penabarū yaxunobompaexae, pomonaе icha jeratha jinompa itacowaebatsi, penayawenaenexa. Barapomonaе pata. Jera ainya naebe wuntabe duwei. Muxu pebunopaebe jerabe. <sup>8</sup> Simón pon Jesús icha wun duta, xua Pedro baraichi, bapon

tane baxua. Bapoxonae bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abe taexanaein, jei Simón Pedro.

<sup>9</sup> Poxoru Simón Pedro junuwiya najunt<sub>u</sub> coyene cabenaeca yaitama peyacamonaewatha capirena duwei pin tunto. Ir<sub>u</sub> pomonae Simón Pedro pia jeratha petaenaewichi barapomonae ir<sub>u</sub> junuwiya najunt<sub>u</sub> coyene cabenaeca.

<sup>10</sup> Ir<sub>u</sub> Zebedeo pexantobe tatsi, Santiago ir<sub>u</sub> Juan baponbe ir<sub>u</sub> junuwiya najunt<sub>u</sub> coyene cabenaecabe. Baponbe ponbe Simón pebar<sub>u</sub> yamonaeinbe tatsibe. Ichitha Jesús Simón baraichi, jeichichi:

—Simón, jopa junuwinde, anoxuae caexanaeinchi xua pinmonae yawenaename xua barapomonae pejume cow<sub>u</sub>ntsiwa tsane Nacom icha bayatha ichim poxonae yamoname duwei nawita, jei Jesús.

<sup>11</sup> Nexata poxonae barapo jerabe botounabe, barapoxonae barapomonae baxuan daxita nacui barapenta. Bapoxonae barapomonae Jesús puna poinchi.

*Meje yabara poxonae Jesús axaibi exana pon peper<sub>u</sub> sawinchi*

*(Mt 8.1-4; Mr 1.40-45)*

<sup>12</sup> Jesús icha tomara siwa pona. Bapoxonae pebin patopa pon peper<sub>u</sub> sawinchi. Poxonae Jesús taebatsi, bapon Jesús peitabaratha tatsi



pentabocototha tauncuatsi yawa ira betaeuncuareca. Bapon Jesús jume daunweya wꞛcatsi, jeichichi:

—Pon Necanamataxeinaem jiwi, icha bara ichichipame bara caitacꞛpa xua axaibi tana neexanaewam, tsipei jinya neayapusꞛ itorobi coyenewa nexainaem, jeichichi Jesús bapon.

<sup>13</sup> Nexata Jesús, nacobe yota, yawa mata jayaba bapon, pon peperꞛ sawinchi. Jesús barai, jeye:

—Bara ichichipan. ¡Bara axaibinde! ¡Bara caaperꞛxaibi exanatsi! jei Jesús.

Baroxonae bapon nainya taachurucaetsi xua peperꞛ sawiwatsi. <sup>14</sup> Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitꞛtsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Baroxonae daxita jiwi cayaputaena xua tsita itapeinya xeinatsi xua xam bara jumem yawa xua perꞛ wꞛnaem, jei Jesús.

<sup>15</sup> Ichitha daxita jiwi tajꞛ beya jume taetaepona pocotsiwa Jesús exana. Pin bicheiton nacaetutapona Jesththa pejume taenexa tsane pocotsiwa Jesús exana. Mataꞛtano nacaetutapona xua Jesús peaxaibi exanaenexa barapomona. <sup>16</sup> Ichitha Jesús ichaxota jiwaibi bara beya poneiba compa. Baxotiya Paxatha tsipaebeiba.

*Meje yabara poxonae Jesús axaibi exana pon pecuenobinchi*

*(Mt 9.1-8; Mr 2.1-12)*

<sup>17</sup> Caentacabi Jesús cuidubauya. Irurū baxotiya ena pomonae fariseomonae jiwana tatsi. Irū baxota ena pomonae jiwi pecuidubiwi Moisés pia peitorobi coyenewa tatsi. Barapomonae daxita tsiqui tomaraxi werendena po tomaraxi ena Galilea nacuatha. Irū daxita tsiqui tomaraxi werendena po tomaraxi ena Judea nacuatha, irū ichamonae Jerusalén tomara werendena. Nacom pia peayapusū itorobi coyenewa tatsi Jesús yawenatsi, daxota axaibi exana peatene jiwi. <sup>18</sup> Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomonae barapocotsiwatha carendenatsi pecuenobinchi. Barapomonae bepa bomuxūtha cajojoniyaeyi xua bepa Jesús peitabaratha tabotichei. <sup>19</sup> Ichitha barapomonae jopa cajojoniyaeyo bomuxūtha tsipei pin bicheito boupa quecona. Barapo bo matatupa pereca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe bamacatha barapo pemaiteibiwatha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi. <sup>20</sup> Jesús tane xua barapomonae yabara cui jume cowanta xua Jesús bara peitacupaewatsi xua axaibi peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui jantemainatsiba abe

jinya neexanae cuiru coyenein, jei Jesús.

<sup>21</sup> Nexata pomonae jiwi pecuidubiwi Moisés pia peitorobi coyene, iru fariseomonae, daxita barapomonae caemonae natsipaeba, najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya jantu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jantemainaya jantu puxana exanatsi abe pia peexanae cuiru coyenein tatsi”, najei barapomonae.

<sup>22</sup> Ichitha Jesús yaputane xua barapomonae caemonae natsipaeba. Jesús barai barapomonae, jeye:

—¿Eta pocotsiwa metha baxua pana natsipaebame? <sup>23</sup> ¿Eta po jumetha baran tsane pecuenobinchin? ¿Metha jan tsane: ‘Abe jinya neexanae cuiru coyenein cata jantemainatsi’, jan tsane? Ichacuitha ¿metha jan tsane: ‘Asiya uncuatabare yawa ponare’, jan tsane? <sup>24</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jantemainaya jantu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>25</sup> Bapoxonae pon pecuenobinchi caena nainya nontapona barapomonae peitatha tatsi, yawa pita

xua pemaituncuaewa. Pia bo be-iyā yawa Nacom w<sub>nae</sub> jaintatsi poxonaē namtotha ecapona.  
 26 Barapomonaē daxita yabara naj<sub>unt</sub> coyene cabenaeca yawa Nacom w<sub>nae</sub> jaintatsi. Barapomonaē junuwiya namchiya jeye:

—Anoxuae waxainchi tainchi xua pew<sub>nae</sub> xua pocotsiwa jopā yaputaetsi, jei barapomonaē.

*Meje yabara poxonaē Leví wabatsi, Jesús waba  
 (Mt 9.9-13; Mr 2.13-17)*

27 Poxonaē baxua Jesús nacui weta, bapoxonaē Jesús pontaba. Jesús tane pebin pon pew<sub>an</sub> Leví. Leví bapon pon paratixi pentoma noteibin po paratixi jiwi bewa catsibina pon romanomonaē pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Leví baraichi, jeichichi:

—Nepuna ponde, jei Jesús.

28 Bapoxonaē Leví nontapona. Daxita baxua xubota, cuenta pona. Bapoxonaē Jesús puna poinchi.

29 Pirapaeyo Leví pin penabanaewa exana pia botha xua Jesús tsiexanatsi. Ir<sub>u</sub> pebiwi pinmonaē pomonaē paratixi pentoma noteibiwi po paratixi jiwi bewa catsibina pon romanomonaē pia pepa peyanacua ewatsinchi nexa, barapomonaē Jesús bar<sub>u</sub> eca pexaethopeibiwatha, ir<sub>u</sub> ichamonaeno bar<sub>u</sub> enatsi penabar<sub>u</sub> nabanaenexa tsane.

30 Ichitha fariseomonaē ir<sub>u</sub> pomonaē jiwi pecuidubiwi Moisés pia peitorobi coyenewa, daxita barapomonaē Jesús pijimonaē abeya tsipaebatsi xua Jesús yabara. Barapomonaē namchi, Jesús pijimonaē tatsi baraichi, jeichichi:

—Maisa Jesús abe exana poxoru baru xayeca pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa. Matautano baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapomonae.

<sup>31</sup> Jesús jume nota barapomonae, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyawabin. Saya jame meisa pomonae ba atene canantawenona pon jiwi peyawabin. <sup>32</sup> Barichinno xan patopan apara tha jopa tawabinexa tsane pomonae pejuntú coyene xanepanae jiwi. Apara tha meisa tawabinexa tsane pomonae peajuntúcoyenebe jiwi, xua barapomonae icha juntú coyene pexeinaenexa tsane Nacomtha, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi (Mt 9.14-17; Mr 2.18-22)*

<sup>33</sup> Nexata barapomonae fariseomonae irú pomonae jiwi pecuidubiwi Moisés pia peitorobi coyene, daxita barapomonae Jesús yainyabatsi, jeichichi:

—Pomonae Juan pia pepuna jinompaewichi jopa juniya nainboteibiyo xua jopa juniya tsipaebeibiyo Nacomtha. Irú pomonae fariseomonae barichirú. Ichitha nama jinyamonae daxua jopa cou daichiyo, saya cou ɱ penabaneibi xuano saya ɱ peapeibi cou, jeichichi Jesús.

<sup>34</sup> Jesús jume nota barapomonae, jeye:

—Paxam jopa bewa paexanaem tsane xua ichamonae nainbotsina, pomonae patsiwabame pexaewa xua penabanaenexa xua poxonae pebin pecotsiwa pita. Poxonae cataunxuae awiwa bapon eca poxonae jiwi nabane, jopa ba bapoxonae nainbotsi. <sup>35</sup> Ichitha icha pon aena piowa pita, bapon caena nainya waetabatsi, ichamonae waetaba xua bapon tajm pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane, jei Jesús.

<sup>36</sup> Matautano Jesús pecayabara juta pepaebi diwesiyo tsipaeba barapomonae, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsanaya. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha pin wan tsanaya beyacaincha xua poxonae copiya. <sup>37</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyetaponaeyo poxonae barapo vino mera at-saxa. Barapo pena vino mera naxuba xuano barapo bocotono naxuba poxonae barapo bocoto tsitsica. <sup>38</sup> Daxota bewa jame pena vino mera eparecae pena bocototha. Bapoxonae pena vino mera jopa naxubiyo, xuano pena bocoto jopa

nacubiyo poxoru boco yeyena xuano poxoru pena bocoto. <sup>39</sup> Pon ba xua peru vino mera apa pira-paeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

## 6

*Meje yabara poxonae Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi*

*(Mt 12.1-8; Mr 2.23-28)*

<sup>1</sup> Caentacabitha judiomonaе barompaya pia pentaquei seicaе matabitha tatsi Jesús pijimonaе bar<sub>u</sub> iya pabi iyiya. Jesús pijimonaе tatsi xunumenapona trigo xu, bapoxonaе barapomonaе pecobetha xu mata pepeta yawa xu xane. <sup>2</sup>Nexata Jesús pijimonaе tatsi tayainyabatsi, fariseomonaе yainyaba, jeye:

—¿Eta pocotsiwa baxua paexaname? Aparajiji jopa yabara cui copatsiyo xua ichamonaе penacuichiwa barapo matabithe, xua judiomonaе barompaya pia pentaquei seicaе matabi tatsi, jei barapomonaе.

<sup>3</sup>Jesús jume nota barapomonaе, jeye:

—Barapo tajimonaе jopa apara abe exanaeyo. ¿Jopa payabara yorobim pocotsiwa bayatha David exana poxonaе jainpa poxonaе ir<sub>u</sub> pijimonaе tajainpatsir<sub>u</sub>? Bapon David pon caena bayatha Israel nacuamonaе itorobiya pia pepa peewatsinchi. <sup>4</sup>Bapon David ir<sub>u</sub> pijimonaе tatsi barapomonaе Nacom pin pia botha jojoniya. David xane pan, po pan ichamonaе cana exana xua

Nacomtha pecatsiwatsi. Irꝯ barapo pan David pijimonae cata xua pexaenexarꝯ. Barapomonae xane bequein barapo Nacom pia peitorobi coyenewatha copata xua saya meisa sacerdotemonae itacꝯpatsi xua pexaewa barapo pan.

<sup>5</sup> Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwi tacoya taitorobiwa pentaquei seicae matakabitha, jei Jesús fariseomonaetha.

*Meje yabara poxonae Jesús cobe wꝯnae exana pon pecobe mꝯbinchi*

*(Mt 12.9-14; Mr 3.1-6)*

<sup>6</sup> Icha matakabitha judiomonae pia pentaquei seicae matakabitha tatsi Jesús joniya judiomonae pia penacaetutsi botha tatsi. Matautano tamropata pitaba xua cuiduba barapomonae. Barapo botha eca pon pecoxa weya pecobe mꝯbinchi. <sup>7</sup> Pomonae jiwi pecuidubiwi Moisés pia peitorobi coyene tatsi, irꝯ fariseomonae baxota ena. Daxita barapomonae Jesús necotenatsi pecui taenexatsi icha bara metha Jesús cobe wꝯnae exanaena pentaquei seicae mataqueitha pon pecobe mꝯbinchi. Icha Jesús pon pecobe mꝯbinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi. <sup>8</sup> Ichitha Jesús yaputane pocotsiwa barapomonae nanta xeina. Jesús barai pontha pon pecobe mꝯbinchi, jeye:

—Nontaponde, uncuare xote, jei Jesús.



Bapon nontapona, asiya uncua Jesús peitabaratha tatsi. <sup>9</sup> Nexata Jesús barai ichamonae, jeye:

—Paca yainyabinchi, ¿eta xua copata pentaquei seicae matabitha? ¿Wuna jampa? ¿Abe jampa? ¿Eta xua, xua exana jane? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

<sup>10</sup> Nexata Jesús naita muxunene cauncuapona, tane pomonae pematawacaicha enaewichi. Jesús barai pon pecobe mabinchi, jeye:

—Nacobe doire, jei Jesús.

Bapon nacobe doita. Nainya cobe wuna tsanaya. <sup>11</sup> Ichitha barapomonae bichocono Jesús casebarucupatsi. Barapomonae caemonae natsipaeba najei:

—¿Etabe cui yabara ichainchi Jesús? jei barapomonae fariseomonae.

*Meje yabara poxonae Jesús itapetsiya waba pia peitorobiwi tatsi pomonae xua doce poyobe  
(Mt 10.1-4; Mr 3.13-19)*

<sup>12</sup> Barapo matabintha Jesús pona demxuwatha petsipaebinexa Paxa. Baraxotiya Jesús Paxa matowa tsipaeba barapo merawitha.

<sup>13</sup> Poxonae baya xometo pentha tsina bapoxonae Jesús pijimonae waba. Barapomonae jiwana itapetsiya waba doce poyobe, pomonae baraichi xua jeye: “Jesús pia peitorobi jiwu tatsi”, yabara jeichichi. <sup>14</sup> Meje barapo doce poyobe pomonae Jesús pia peitorobiwi tatsi. Meje barapomonae: Simón, pon icha wun “Pedro”, baraichi, iru ichun pewun Andrés, pon Simón peweicho tatsi, iru

ichun pewun Santiago, iru ichun pewun Juan, iru ichun pewun Felipe, iru ichun pewun Bartolomé.

<sup>15</sup> Iru ichun pewun Mateo, iru ichun pewun Tomás, iru ichun pewun Santiago, pon Alfeo pexanto tatsi, iru ichun pewun Simón, pon celotemonaepin.

<sup>16</sup> Iru ichun pewun Judas, pon Santiago pexanto tatsi, iru ichun pewun Judas Iscariote, pon Jesús caenaetaxubatsi ichamonaetha xua Jesús pebexubinexatsi.

*Meje yabara poxonae Jesús pin bicheitomonaecuiduba*

*(Mt 4.23-25)*

<sup>17</sup> Barapo doce poyobe Jesús demxuwa webaru dunareca, peira matafatanaewatha baru patopa. Baxota peira matafatanaewatha pin bicheito Jesús ewatumeinchi. Ichamonaec pomonaec Jesús pejume cowantsiwichi baxota umena. Iru Jerusalén tomarapiwi pata xua Judea nacuapiwi. Barichi Tiro tomarapiwi, Sidón tomarapiwino pata. Barapo tomarabe mar mene itapatha ecabe. Daxita barapo pin bicheito pata xua Jesús pejume taenexatsi xua cueicueijeji xuanoxua Jesús pia axaibi exanaetsi peatene jiwi.

<sup>18</sup> Pomonaec cauri pexeinaewi barapomonaec Jesús taitaweta cauri. <sup>19</sup> Daxita jiwi ichichipa xua Jesús pejayabiwatsi tsipei Jesús daxita jiwi axaibi exana pia peayapusuwatha.

*Meje yabara poxonae Jesús yabara cuiduba pejuntu coyene weiweinaewa, xuanoxua jopaxua pejuntuxua coyene weiweinaewa*

*(Mt 5.1-12)*

<sup>20</sup> Nexata Jesús pijimonae necota. Jesús barai pijimonae, jeye:

“Pajuntũ coyene weiweiname bequein anoxuae peacopeibi jiwi pam. Tsipei Nacom pia pejume cowantsiwichi tatsi piamonae tatsi pam, pomonae Nacom juntũ coyene itorobiya ewata.

<sup>21</sup> “Pajuntũ coyene weiweiname, bequein bara anoxuae pajainpame, bexa tsane patonsanaename.

“Pajuntũ coyene weiweiname, bequein bara anoxuae pawecoyam, bexa tsane bichocono pajuntũ coyene weiweinaename.

<sup>22</sup> “Pajuntũ coyene weiweiname poxonae bequein jiwi paca ita aenae-aenei, bequein paca itaweta bo weya xuano poxonae bequein abeya paca muxutainyaba. Mataatano poxonae bequein jiwi paca yabara abe paeba. Barapomonae baxua paca cana exana tamonae jiwi pamx-aem xua xan ponxaein Nacom Tananeitapetsin.

<sup>23</sup> Bichocono pajuntũ coyene weiweinare barapo matabitha, tsipei peitabocotha Nacom paca catsibina pia pexeinya peitãpanaewan pocotsiwan Nacom paca jantana jeba pia nacuatheicha. Icha barapomonae paca ichi, barapomonae pia pamo susato jiwi tatsi, Nacom pia peitorobi jume pepaebiwi barichichi abeya biatainchi yawa abe exanatsi.

<sup>24</sup> “¡Ichitha pai jaibo paxam, anoxuae copei paacabem tsobenaem poxoru methaunxae equeicha jopa painya neraichiwa tsane!

<sup>25</sup> “¡Pai jaibo, paxam pomonae anoxuae patonsanabename tsipei methaunxae bexa tsane pajainpabenaename!

“¡Pai jaibo, paxam pomonae pajuntɩ coyene weiweinabename tsipei anoxuae methaunxuae pajuntɩ coyene wecoyam tsane!

<sup>26</sup> “¡Pai jaibo, pomonae jiwi wɩnae paca jainteibena painya necueicueijeixae po diwesi jopa Nacom Pejume Diwesiyo! ¡Icha barapomonae paca ichi barichi barapomonae pia pamo susato jiwi tatsi, wɩnae jainta pomonaetha pomonae naerabiya paeba xua pinae barapomonae Nacom pia peitorobi jume pepaebiwi!” jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peaitafaetabi jiwichi*

*(Mt 5.38-48; 7.12)*

<sup>27-28</sup> Equeicha Jesús namchi, jeye: “Paxamtha pomonae beta pana nejume taneme, barapomonae paca baraichi: Paantobeinde pomonae bequein painya nepaca caaitafaetabi jiwi. Mataɩtano beta pata taexande pomonae paca ita aenae-aenei. Mataɩtano amanaya beta papaebare pomonaetha pomonae paca yabara abe paeba. Nacomtha patawɩcare pomonae xua paca biatane. <sup>29</sup> Icha ichɩn paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. Icha ichɩn pacata pita peamɩtiyɩn camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa.

<sup>30</sup> Daxita coyenexi pocotsiwa ichamonae paca wɩca moya bara pacaichabeibare. Pon pacata pita painyawa jopa equeicha caewa pawɩcaeinde.

<sup>31</sup> Paexande ichamonaetha xua po coyene painya neichichipaewa xua barapomonaе beta painya nepacata exanaewa tsane.

<sup>32</sup> “Icha saya meisa paantobem pomonaе painya nepaca antobexae, Nacom jopa paca cui yabara matomacae tsane. Tsipei apara iru pomonaе peajuntucoyenebewi antobe ichamonaе pomonaе peantobewixaetsi.

<sup>33</sup> Barichi icha saya beta pata exaname pomonaе beta pacata exana, Nacom jopa paca cui matomatsiyo tsaneno baxua. Tsipei pomonaе peaitabe jiwi barapocotsi coyene iru exana ichamonaetha pomonaе peaitabe jiwitha.

<sup>34</sup> Barichi icha saya pacatsibame ichamonaе xua bexa xuya painya nepaca catsibinexa, Nacom jopa paca cui matomatsiyo tsane baxua. Tsipei pomonaе peaitabe jiwi barichi icha peaitabe jiwitha catsiba xua xuya equeicha pecatsibeibinexatsi.

<sup>35</sup> Paxam jame bewa paantobem tsane painya nepaca caaitafaetabi jiwi, xuano jame beta bewa paexanaem ichamonaetha. Matautano jame bewa bara pacatsibim ichamonaе xua jopa painya neyabara ewateibiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca juntana jeba pia nacuatheicha. Matautano Nacom paca cana exanaena pia pexanton jiwi tatsi pam, pon peitabocotha eca. Tsipei Nacom pejuntu coyene xanepanaein, daxota yawena barapomonaetha, pomonaе bequein xua jopa wecobe noteibiya jacobebiyo xuano xua peaitabe jiwi.

<sup>36</sup> Payabara cui nanta xeinare po coyene xua ichamonaе

painya neyawenaewa. Icha be Nacom ichi xua yabara cui nanta xeina po coyene xua peyawenaenexatsi jiwi, bara paichinde”, jei Jesús.

*Meje yabara poxonae Jesús cuiduba xua jiwi jopa bewa yabara paebina ichamonae xua penatsicuentisiwa xua abe peexanaexae*

*(Mt 7.1-5)*

<sup>37</sup> Equeicha Jesús namchi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya xua nenatsicuentisiwa xua abe painya exanaexae. Ichamonae jume daunweya jopa pajande: ‘Apara bapon picoya, अपरा बण पिकोय’, jopa pajande. Nexata Nacom jopa paca daichi tsane baxua. Pacui yabara jಂತemainare po coyene ichamonae pacata abe exana, nexata Nacom paca cui yabara jಂತemainena xua abe painya neexanaewa. <sup>38</sup> Ichamonaetha, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xatabacorecaena pecobetha yawa pacata പണുടാതുവു. Yawa pacata വണ്ടു exanaena. Icha daunweya payabara paebiname xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús.

<sup>39</sup> Jesús tsipaeba barapomonae pecayabara juta pepaebi diwesiyo, jeye: “Pon ba peitata nacútsin jopa itacupaetsi xua pematacaponaewa ichan pon

irꝰ peitata nacꝰtsin. Icha bapon baxua exanaet-sipabe, baponbe fetotha joparecaetsipabe. <sup>40</sup> Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaen. Ichitha pon poxonae wetsina xua nacuiduba, bapon be pia pecuidubin cui jꝰpa”, jei Jesús.

<sup>41</sup> Barichi equeicha Jesús paeba caeintha pomonae pijimonae tatsi jiwana icha pecayabara jꝰta pepaebi diwesiyo, jeye: “Xam be jinya jiton itata taneme poxonae naepꝰtiyo itata jopiyatsi, ichitha jopa taem xua irꝰꝰ xam nama pin naepꝰto neitacueretotha ducua. Barapocotsi jꝰta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua irꝰꝰ xam bara ichim nama bichocono abe exaname. <sup>42</sup> Icha jopa taem pin naepꝰto xua neitacueretotha ducua, jopa caitacꝰpaeyo xua nejeiwa jinya jitontha: ‘Tajiton, cata jutinchi naepꝰtiyo xua ducua neitacueretotha’, xua nejeiwa. Xam nepaebin xua ichꝰn exana xua baxua neexanaewatha irꝰ. Xam copiya nata jure barapo pin naepꝰto xua neitacueretotha ducua. Bapoxonae beta taename nejutsinexa tsane naepꝰtiyo xua jinya jiton peitacueretotha tarucuatsi”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae*  
(Mt 7.17-20; 12.34-35)

<sup>43</sup> Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein camatsa naein jopa

bapana nacoichiyo po pethei pexeinya thei. <sup>44</sup> Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara juta ichi jiwi yaputane xua pebin pejuntũ coyene xanepanaein pon xanepanaya peexanaeinxae. <sup>45</sup> Pon ba pejuntũ coyene xanepanaein, bapon ba jame ba paeba pocotsiwa pexeinya coyene, pejuntũ coyene xanepanaeinxae. Barichi pon ba peajuntũcoyenebein bapon ba abe paeba, peajuntũcoyenebeinxae. Pocotsiwa jiwi nanta xeina pejuntũcoyenetha, baxua ba pecoiboto tsina cueicueijeï”, jei Jesús.

*Meje yabara poxonae Jesús ainya bom̃x̃ube yabara paeba*

*(Mt 7.24-27)*

<sup>46</sup> Equeicha Jesús namchi, jeye: “Paxam pana neyabara jam: ‘Patatanecanamataxeinaem’, pajam, daichitha jopa paexanaem pocotsiwa paca itorobatsi. <sup>47</sup> Incane yabara paca tsipaebinchi pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa. <sup>48</sup> Bapon barapocotsi juta coyeneya nacana exana icha be ichi pon bo acabanota peira matat-sucaewatha xua ichaxota ira daunwei. Meje jeye: Copiya m̃th̃ñ taj̃ñ exanareca pecuaranobinexa bom̃x̃ñ naeton. Poxonae mene mat-acaewaxuba, barapo bom̃x̃ñ jopa joparenaeyo



poxoru naeton tajꞰ umenareca xuano poxoru bomꞰꞰꞰ uncua pematatsucaewatha ichaxota ira daunwei. <sup>49</sup> Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa tajꞰ umenarecaeyo. Poxonae mene matacaewaxuba, barapo bomꞰꞰꞰ joparena poxoru naeton jopa tajꞰ umenarecaeyo, xuano poxoru bomꞰꞰꞰ uncua ichaxota ira matafatsana. Barapo bomꞰꞰꞰ nainya joparena. ¡Maisa bomꞰꞰꞰ bichocono abe!” jei Jesús.

## 7

*Meje yabara poxonae Jesús axaibi exana pon soldadomonaе romanomonaе pia pentacaponaein tatsi tanacuitatsi*  
(Mt 8.5-13)

<sup>1</sup> Poxonae Jesús baxuan najume weta xua barapomonaе jume tane, bapoxonae Capernaum tomara beya pona. <sup>2</sup> Baxotiya popona romanomonaе soldadomonaе pia pentacaponaein tatsi, pon xeina pia petanacuiteibinchixaetsi. Barapon bichocono antobe pia petanacuitinchi. Bapon pon petanacuiteibin bichocono atene, xua awatha petꞰpae. <sup>3</sup> Poxonae romanomonaе soldadomonaе pia pentacaponaein tatsi Jesús yabara jume tainchi, bapoxonae itoroba pitiri jiwi judiomonaе jiwanaпиwi Jesús beya xua petaxaibi exanaenexa tsainchi pia petanacuichin tatsi. <sup>4</sup> Barapomonaе Jesús imoxoyo caquita poinchi.

Barapomonae Jesús jume daunweya tsipaebatsi, jeichichi:

—Barapo pentacaponaein, pentacui xanepanaein, daxota yawende. <sup>5</sup> Poxoru bapon wanacuamonae wuna yabara cananta xeineibatsi. Matautano bapon itoroba xua acaba pata penacaetutsi bo pia paratixitha, jei barapo pitiri jiwi.

<sup>6</sup> Nexata Jesús baru poinchi barapomonae. Ichitha poxonae Jesús muxu pepatopae, romanomonae soldadomonae pia pentacaponaein tatsi pia botha tatsi, barapo soldadomonae pia pepa pentacaponaein tatsi, bapon itoroba pia jiwi xua petacajume jeichinexa tsainchi Jesthath: “Tanecanamataxeinaein, xan saya tacui pawin. Auran xua xam nepatopaewa tsane taboitha tsipei xam ainya cuim. <sup>7</sup> Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi bapoxonae bapon axaibi bara tsane pon inta nacuiteiba. <sup>8</sup> Xan bichi xeinan tanecanamataxeinaein, pon neitoroba. Barichiru xeinan soldadomonae pomonae itorobeiban. Poxonae ichun itoroban: ‘ponde’, jan, bapon pona. Poxonae ichun waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomonae penacajume caitorobixaetsi.

<sup>9</sup> Poxonae Jesús baxua jume taeba, jume cui yabara cananthuthu nanta xeinanaya cabenaeca beta pepaebixae romanomonae soldadomonae pia pentacaponaein tatsi. Jesús necotaba pomonae puna poinchi, barai, jeye:

—Xaniyan paca tsipaebatsi Israel nacuatha iru dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacupa xua axaibi taexanaewa jiwi, jei Jesús.

<sup>10</sup> Poxonae barapomonae botha caibe nawibiya, barapomonae taeba ducupa xua axaibiya boca romanomonae soldadomonae pia pentacaponaein tatsi pia petanacuichin tatsi.

*Meje yabara poxonae Jesús petapaein asu exana pexanto tatsi powa pecuenta tupaewayotsi piseuri*

<sup>11</sup> Poxonae Jesús baxua nacui weta, bapoxonae Naín tomara beya pona. Jesús cueyabatsi pijimonae, iru pin bicheitomonaeno napona.

<sup>12</sup> Poxonae Jesús muxu pepatopae tomaratha, Jesús tane xua pewowin petapaein cajojondenatsi xua pemuthuthu xubinexa tsainchiba, pon pena tsita compa. Barapo pewowin powa pecuenta tupaewayotsi piseuri barapowa pexanto tatsi. Barapowa puna poinchi pin bicheito. <sup>13</sup> Bapon Jesús pon Pecanamataxeinaeinxae jiwi, barapowa yabara cui nanta xeinatsi. Jesús barai barapowa, jeye:

—Jopa wecoyande, jei Jesús.

<sup>14</sup> Nexata Jesús imoxoyo caquita pona petapaein, yacaja jayabano. Pomonae yacaja capona yacaja caumenarucupa. Jesús barai petapaein, jeye:

—Pewowin catsipaebatsi, nontaponde, jei Jesús.

<sup>15</sup> Nexata pewowin pon tupa, nantacotecataba, yawa tamropata pitaba xua pecueicueijiwa. Jesús coxiwatha cana cobenata pexanto.

16 Poxonae pin bicheito taerucupa baxua, barapo pin bicheito bichocono junuwa. Barapoxonae barapo pin bicheito Nacom wanae jaintatsi, barapomonae namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimonae pomonae pia pejume cowantsiwichi, jei barapomonae.

17 Daxita jiwi jume tane xua Jesús exana Judea nacuatha, iru po nacuan imoxoyo caquita ena Judea nacuatha.

*Meje yabara poxonae Juan itoroba pijimonae Jesús beya peyainyabinexa tsainchi Jesús (Mt 11.2-19)*

18 Juan pijimonae tsipaebatsi daxita baxua xua Jesús exana. Juan waba ainya pebinbe pijimonae jiwana tatsi. 19 Baponbe Juan itoroba Jesús beya xua najume caruta baponbetha matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichan jampa, xua pawanae ewatsin jampa jei. 20 Bara baponbe ponbe Juan peitorobixaebe, baponbe imoxoyo Jesús caquita uncuatsibe. Baponbe Jesús baraichi:

—Juan pon jiwi Pebautisabin, bapon pana ne-jume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichan pawanae ewatan jampara?’ jei Juan, jei baponbe.

21 Poxonae baponbe patopabe, Jesús axaibi exana peatenewi, iru pomonae pin domae xainchi, yawa taitaweta pomonae cauri xeina.

Matautano yawenano xua equeicha tane pomonae jopa necotsiyo. <sup>22</sup> Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tanemebe, matautano xuaunxuae pocotsiwa pana nejume tanemebeno. Matautano patsipaebarebe xua pomonae peitata nacatsi jiwi equeicha tane, matautano xua pomonae pejayujayujeimonae beta pona equeicha. Matautano xua pomonae peperu sawichimonae equeicha peru wuna, matautano xua pomonae pemuxusipanaewi equeicha muxu nasaba, matauta xua pomonae pewerapaewi equeicha asu. Matautano pomonae xua peacopeibiwi jume tane Nacom pia pexeinya pecapanenebiyae diwesi jume. <sup>23</sup> Patsipaebare Juan xua xan janje: ‘Juntu coyene weiweinaena pon jopa ainya unthathanyo, pon xaniwaicha neyabara cui jume cowanta’, xua jan, jei Jesús.

<sup>24</sup> Nexata ponbe Juan itorobabe ponabe Juan beya. Bapoxonae Jesús tsipaeba jiwitha, xua Juan yabara paebatsi, jeye barapomonaetha: “Ira xuepana susato tsurucuae nacuatha paponame. Poxonae bara beya paponame, ¿eta xua painyatsi? ¿Painya jume taetsi pebin pon ainya unthathato cui xeina icha be naepanaewa ichi xua saya joibo ba jubabiya caya tsaibi? Jume apara. <sup>25</sup> Bara paichim paponame, ¿painya nejume taenexa pebin, pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae jinompa pexeinya bontha pomonae jiwi itorobiya pia pepa peewat-siwixaetsi. <sup>26</sup> Jume. Jopa baxua patsiponaem

xua jopa painya jume taenexa pebin pon ainya  
 ʌnthʌthʌto cui xeina, mataʌtano xua jopa painya  
 jume taenexa pebin pon peitʌpanae paparuwa  
 nama xatata. Apra jame baxua patsiponame  
 xua painya nejume taenexa pon Nacom peitorobi  
 jume pepaebin. Bapon Juan bichocono peainya  
 cuin pon Nacom pia peitorobi jume pepaebiwi ji-  
 wanapin beyacaincha ichʌn pon Nacom peitorobi  
 jume pepaebin. <sup>27</sup> Juan bapon apra, pon yabara  
 paebatsi Nacom Pejume Diwesitha poxonae Na-  
 com netsipaeba, nejei:

‘Catsiwanae itorobinchi copiya pon  
 tana nacajume carutsin.

Barapon jʌntʌ cui wʌnaetsina jiwi,  
 xua daxita jiwi najʌntʌ cui

wʌnaetsina xam nexa, xua necantenta  
 weyataeya wabinexa poxonae patopaename’,  
 nejei Nacom Pejume Diwesitha.

<sup>28</sup> Paca tsipaebatsi, xua daxita Nacom peitorobi  
 jume pepaebiwi pomonae Juan tsiwanaya jinom-  
 patsi bayatha, dapocotsin aibi barapomonae ji-  
 wana pon yatsicaewa peainya cuin beyacaincha  
 pon Juan, pon jiwi Pebautisabin. Juan peainya cui  
 diwesi yabara cueicueijeji po coyene xua Nacom  
 itorobina jiwi. Ichitha pʌ diwesi xua tamonae  
 anoxuae paeba barapo diwesi bichocono ainya  
 cui diwesi beyacaincha xua Juan cueicueijeji, be-  
 quein jiwi nanta xeina xua tamonae jopa ainya cui  
 jiwi.

<sup>29</sup> “Daxita barapomonae baxua jume taerʌcʌpa.  
 Irʌrʌ jume taerʌcʌpa pomonae paratixi  
 pentoma noteibiwi romanomonae pia pepa  
 peyanacua ewatsinchi nexa, pomonae bayatha

Juan bautisaba. Daxita barapomonae nanta xeinaruɣɣa xua Nacom bara pepa pentacui xanepanaein. <sup>30</sup> Ichitha fariseomonae iru pomonae jiwi pecuidubiwi Moisés pia peitorobi coyene tatsi, barapomonae jume itaweta, Nacom jume itawetatsi pocotsiwa xua Nacom beexanaena barapomonae nexa. Matautano barapomonae cui itaweta, Juan cui itawetatsi xua pia pebautisabi coyenewa.

<sup>31</sup> “Jiwi pia Pecanamataxeinaeinchi tatsi, bapon Jesús namchi, jeye: ¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae? <sup>32</sup> Barapomonae be pexui, pocotsixi panatha nabaru jinompa. Nabaru wawai tsurubenanaebiya. Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichan tatupatsi, ichitha jopa pana itanuwe jume notsim xua painya newecoyeinexaru’, jei barapoxi. <sup>33</sup> Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: ‘Apara Juan puna popoinchi cauri’, pajam. <sup>34</sup> Bapoxonae xan, ponxaein Nacom Tananeitapetsin patopan. Xan pan taxaein yawa vino mera taapaen. Paxam pana neyabara paebame, pajam: ‘Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanae jiwi pia jiton tatsi, iru pomonae paratixi pentoma noteibiwi barapomonae pia jiton tatsi’, pana neyabara jam. <sup>35</sup> Nacom piamonae tatsi barapomonae

tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonaexana exana baxua Nacom tsita pexeinya coyenetsi”, jei Jesús.

*Meje yabara poxonaexana Jesús siwa pona Simón fariseomonaepin pia bo beya tatsi*

<sup>36</sup> Caein fariseomonaepin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penanabanaenexa tsane. <sup>37</sup> Nexata petsiriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nanabanaeicha fariseomonaexana jiwanapintha. Barapowa alabastro ibo wun bosibu atsato capatopa Jesustha xua petuxuei nasiwa xua bichocono wunca. <sup>38</sup> Barapowa Jesús imoxoyo caquita wecoyei tsuncuaetsi yawa peitacuere mentha Jesús taxu atatsica exanatsi. Bapoxonaexana barapowa pia pentanatha baxota Jesús taxu tsewa exanatsi. Barapowa Jesús taxu tsutsubatsi poxoru Jesús Pecanamataxeinaein jiwi. Bapoxonaexana barapowa Jesús taxu epatabatsi petuxuei nasiwatha. <sup>39</sup> Poxonaexana fariseomonaexana jiwanapin pon Jesús pewabixaetsi petaxaenexa tsane pia botha, poxonaexana bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepaebin tsipae metha yaputaetsipa xua powa jayabatsi apara powa pesi cui weiweinaewa, matautano xua bapowa powa peatsacaewa. Ichitha bapon xaniwaicha jopa daponyo pon Nacom itoroba”, jei barapon



pon fariseomonaepin. <sup>40</sup> Nexata Jesús barai fariseomonaē jiwana jiton, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

<sup>41</sup> Jesús barai, jeye:

—Pebinbe nacueyatabe nacowaetabe paratixi ichantha. Ichán jopa cataunxuae xuya catsiyo quinientos po paratiximonaēbe po paratixi quinientos po matabibe nexa poxonae nacuita. Ichán jopa cataunxuae xuya catsiyo cincuenta po paratiximonaēbe pontha pon penacowaetsix-aetsi. <sup>42</sup> Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaebe, daxota pon penacowaetsix-aetsi paratixi, bapon namchi, jeye: ‘Metha basaya paca cui yabara jantemainatsibe’, jei. Incane netsipaebare Simón xua baponbe, ¿jintam yatsicaewa antobetsira xua beyacaincha ichán antobetsi xua antobe pon nacowaetatsi paratixi? jei Jesús.

<sup>43</sup> Simón jume nota, Jesús jume notatsi, jeye:

—Bú, metha moya pon bichocono cacui yabara jantemainatsi bichocono pon penacowaetsixae quinientos po paratiximonaēbe, jei Simón.

Jesús barai:

—Bara beta nejume notame, jei Jesús.

<sup>44</sup> Nexata Jesús necota barapo petsiriwa, bapoxonaē Jesús Simón baraichi: Taema pocotsiwa barapo petsiriwa inta exana. Xan patopan jinya botha ichitha jopa meratha netaxu waexubim xua painya cui coyeneyathaxae xua judiomonaē pamxaem. Nama barapowa peitacuere mentha

netaxu atatsica exana yawa pia pentanatha netaxu tsewa exana. <sup>45</sup> Xam jopa netsutsubim, ichitha bapowa poxonae caena jonarenan awiya came netaxu tsutsuba.

<sup>46</sup> Jopa nenta eatabim petuxuei tuxusi nasi mera. Ichitha barapowa petuxuei tuxusi nasi mera netaxu eataba. <sup>47</sup> Daxota catsipaebatsi xua bapowa matowa nasi cui matacaeta. Daxita baxuan yabara j̄ntemainan, daxota bichocono neantobe. Ichitha nama pon be conotha nasi cui matacaeta, be conotha yabara cui j̄ntemainan. Bapon be conotha neantobe, jei Jesús.

<sup>48</sup> Equeicha Jesús namchi bapowatha. Petsiriwa baraichi, jei:

—Cacui yabara j̄ntemainaya j̄nt̄ puxana exanatsiba abe jinya neexanae cuiru coyenewan, jei Jesús.

<sup>49</sup> Pomonae Jesús pebar̄ nabanaexaetsi, barapomonae nabarai, jeye:

—Bapon, ¿jintamda, jamaisa bapowa cacui yabara j̄ntemainaya j̄nt̄ puxana exanatsi abe pia peexanae cuiru coyenewan tatsi? jei barapomonae pomonae baxota naena.

<sup>50</sup> Jesús barai petsiriwa, jeye:

—Bayatha necacapanepawa caexainchi tsipei yabara tana nejume cowantsixaem. Saya j̄ntemiya poponde, jei Jesús.

## 8

### *Meje yabara yab̄xi powaxi Jesús yanabatsi*

<sup>1</sup> Bapoxonae pirapae Jesús daxita tomarantha pona ducuaeta, tsica tomaraxithano po tomarantha pin tomaranthano. Matātano paeba

ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom jũntũ coyene itorobiya ewata. Jesús yanabatsi pia peitorobiwi tatsi pomonae doce poyobe. <sup>2</sup> Barichi Jesús yanabatsi petsiriwaxi, powaxi Jesús bayatha taitaweta cauri xuano axaibi exanano xua domae xainchi. Barapowaxi jiwana caewayo pewũn María Magdalena, tsipei pia tomara tatsi pewũn Magdala. Barapowa María powa bayatha taitawetatsi siete poyobe cauri. <sup>3</sup> Bichirũ petsiriwa, powa pewũn Juana, bapowa napona. Bapowa Juana, Cuza piowa tatsi. Bapon Cuza pon Herodes pia bo tatsi tayapucaecatsi. Irũ ichowa pewũn Susana, bapowa napona. Irũ ichowaxi ainya yabũxirũ napona. Daxita barapowaxi Jesús Ʃpain exaneibatsi xua xoxi barapowaxi pexeinaexae.

*Meje yabara poxonae Jesús cuiduba jiwi pecayabara jũta pepaebi diwesiyo xua pon peũbin yabara*

*(Mt 13.1-9; Mr 4.1-9)*

<sup>4</sup> Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara jũta pepaebi diwesiyo. <sup>5</sup> Jesús barai: “Pebin pon peũbin pontaba pia Ʃbichi pabitha. Poxonae pon peũbin Ʃbauya, icha xu namtotha othopeica, pexu jiwi taxunaunaba, yawa pepupunaewi xu xane. <sup>6</sup> Icha xu, xu othopeica ibowantha. Poxonae barapo xu xuwa, barapo xu, xu yũnna poxoru jopa tajũ xuwarecaeyo poxoru ibotixi nacũcũna yawa poxoru ira tsewa. <sup>7</sup> Icha xu, xu othopeica

ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wɥnae. Poxonae barapo xu, xu xuwa, xu nawɥnaeta. Cae xuto nacoita cien po xu matabɥxɥyobe”, jei Jesús.

Poxonae Jesús baxua paeba, bapoxonae jume daunweya namchi: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara jɥta pepaebi diwesiyo yabara, jane jei*

*(Mt 13.10-17; Mr 4.10-12)*

<sup>9</sup> Nexata Jesús yainyabatsi pijimonae, barapomonae namchi, jeye: “¿Eta pocotsiwa yabara caunutame poxonae pana netsipaebame barapo pecayabara jɥta pepaebi diwesiyo?” jei bapomonae. <sup>10</sup> Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawɥn xeinaewa. Barapo moya peyawɥn xeinaewa apara xua Nacom exana xua paca cana exana xua painya nepaca itacɥpaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae meisa pomonae jopa nejume cowɥntsiyo jopa daichichi Nacom jopa copatsiyo xua barapomonae peyabara yaputaewa baxua. Daxota barapomonae cuiduban pecayabara jɥta pepaebi diwesintha xua Nacom peyabara

yaputaenexatsi. Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

*Meje yabara poxonae Jesús pijimonaе muxu yaputane exana po diwesi xua pecayabara j̄ta pepaebi diwesiyo pon pēbin yabara*

*(Mt 13.18-23; Mr 4.13-20)*

<sup>11</sup> Equeicha Jesús namchi: “Meje apara baxua yabara caunutan poxonae paeban pecayabara j̄ta pepaebi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonae pebin j̄nt̄ coyene webocatsi pebin w̄naeya xanepanaya cana exanatsi. <sup>12</sup> Po xuton xua namto beothopiya, aichurubenaе. Barapo xuton yabara caunuta xua jiwi bara j̄nt̄ coyene weichichi caurimonaе pia pentacaponaein tatsi. Jiwi j̄nt̄ coyene weajumetsurubenaе exanatsi Nacom Pejume Diwesi xua bayatha po jume jume tane, xua bapoxonaе jopa petajume cow̄antsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena. <sup>13</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano j̄nt̄ coyene weiweinaya Nacom jume cow̄antatsi. Ichitha bara caeto jume cow̄anta poxoru barapomonaе ant̄faetabiya jume jeba Nacom Pejume Diwesi pej̄nt̄ coyeneintha.

Mataŭta cauri jŭntŭ coyene wemuxu paeba xua abe peexanaenexa tsane. Daxota barapomonae cayabara jŭntemaina Nacom. <sup>14</sup> Po xuton xua xu othopa pesoiwantha barapo xuton caunuta xua pomonae Nacom Pejume Diwesi jume tane ichitha saya barompaya pia jŭntŭ coyeneyatha jinompa, yawa saya ũ copei cayabara nanta xeina, yawa saya exana pocotsiwa jŭntŭ coyene weiweina cana exanatsi. Po coyene pebiwi exana baxuan barapocotsi jŭta coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi jŭta coyeneya ichi, barapo jiwi jopa xanepanaya jinompaeyo Nacom nexa. <sup>15</sup> Po xuton xua xu othopeica peira wŭnaewatha, bara nacoita. Barapo xuton yabara caunuta pomonae jume tane Nacom Pejume Diwesi xuano jume cowŭntano poxorŭ jŭntŭ coyene xanepanaya jume tane. Mataŭtano beta exana dubenanaebiya beya matapainya jiwi cui tane xua barapomonae jŭntŭ coyene xanepana Nacom peitabaratha tatsi”, jei Jesús.

*Meje yabara poxonae Jesús pijimona tsipaeba pecayabara jŭta pepaebi diwesiyo xua pecoicha yabara*

*(Mr 4.21-25)*

<sup>16</sup> Equeicha Jesús namchi: “Poxonae jiton pecoicha coicha exana bapoxonae jopa coicha matacatsiyo. Mataŭta jopa coicha exanaeyo cama peŭpana deca. Jame asiya coicha exanatsi, pecoicha taenexa pomonae jojoneibarena.

<sup>17</sup> Daxita pocotsiwa xua moya peyawŭn xeinaewa

bexa tsane jiwi yabara yaputaena. Barichi barapo diwesin xua pecayabara jeta pepaebi diwesin xua paebaponan jiwi itacupaeinchi xua peyabara yaputaewa tsane.

<sup>18</sup> “Pana nejume naitaeware painya neexanaenexa pocotsiwa paca tsipaebatsi. Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara Jesús pena tatsi iruru peyapin jiwi tatsino*

*(Mt 12.46-50; Mr 3.31-35)*

<sup>19</sup> Nexata Jesús pena tatsi iruru peyapin jiwi tatsino pata ichaxota Jesús uncua. Ichitha jopa Jesús imoxoyo caquita ponaetsi tsipei bichocono pin bicheito. <sup>20</sup> Ichun Jesús baraichi:

—Ena, iruru neyapin jiwino pesato beya umena. Bepara bequein cataei, jei bapon.

<sup>21</sup> Jesús namchi barapomonaetha:

—Apara jame be taena tsicotan yawano be tayapin jiwi tsicotan pomonae xua jume tane Nacom Pejume Diwesi xuano xua exana pocotsiwa Nacom itoroba, jei Jesús.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*

*(Mt 8.23-27; Mr 4.35-41)*

<sup>22</sup> Caentacabi Jesús baru pona pijimonae jeratha. Jesús pijimonae barai:

—Antha, poinchi icha muxunene beya, pucua beya, jei Jesús.

Bara ponarucupaba. <sup>23</sup> Poxonae cataunxuae jeratha yana enapona bapoxonae Jesús maituncuataba. Bapoxonae jemeicha pin joibo naetaba mentha. Matauta bichocono jera mene wunca, muxu pibunarecae. <sup>24</sup> Nexata Jesús yaubaxotsi. Jesús baraichi:

—¡Jesús, Patatanecuidubim, yana bunarecatsi! jei barapomona.

Nexata Jesús nacosataxuba. Jesús itawetaxuba joibo maratsacano. Daxita caewanaya joibo yawa maratsacano. <sup>25</sup> Nexata Jesús barai pijimonae:

—¿Jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

Barapomona bichocono junuwa yawa najuntu coyene cabenaecarucupa. Barapomona caemona natsipaeba, jeye:

—¿Jintam metha baponda? ¡Jamaisa bapon itaweta joibo yawa maratsacan xua daxita xainya dubenanaya! najei barapomona.

*Meje yabara xua pebin yabara pon caurimona pexeinaein pon Gerasa nacuapin*

*(Mt 8.28-34; Mr 5.1-20)*

<sup>26</sup> Pirapaeyo jebouna Gerasa nacia itapatha, po itapa eca Galilea nacia icha itapa panawa beya. <sup>27</sup> Poxonae Jesús muxu penontounae jeratha, pebin pon copiya tomarapin pon equeicha aisowapin naexana, bapon patopa. Jesús



caquita uncuatabatsi. Caena bayatha bapon puna jinompatsi caurimonae. Paparuwa jopa yawa poponaeyo, matautano botha jopa poponaeyo, saya ibo wountha poponeiba. <sup>28</sup> Poxonae Jesús tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocotha eca. ¿Eta pocotsiwa metha patopame taxantha? ¡Jume daunweya cabaraichi jopa neperaxa exanaeinde! jei.

<sup>29</sup> Daxota bapon baxua paeba yaitama Jesús taitaweta cauri xua peponaenexa bapon pia xainya weya tatsi. Bapon matowa teiqueibatsi cauri. Bayatha bequein jiwi taxu cাবেiba yawa pemaxuno penaintotha xua bapon xua jopa peponaenexa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri. <sup>30</sup> Jesús yainyaba:

—¿Eta po wam? jei Jesús.

Bapon jume nota exanatsi Jesustha. Bapon namchi, jeye:

—Tawun ayei, jei.

Baxua namchi tsipei bayatha cauri bicheito cunto pata bapontha. <sup>31</sup> Equeicha barapo pebin cueicueijei exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jiwi atene tsaibi”, jei bapon xua cueicueijei exanatsi cauri. <sup>32</sup> Pin marrano duweimonae pitapatororotha jinompa xua yawa xayompano. Caurimonae Jesús jume daunweya wacatsi, jeye: “Pana nepu copabare marrano duweimonaetha”, jei. Jesús namchi: “Moya pataema”, jei. <sup>33</sup> Nexata

caurimonaē pebin wepu ponatsi, yawa marrano duweimonaētha pata. Barapo marrano duweimonaē ducupa, pin pitapatororo othopareca. Pucuaṯa bunothopa. Caurimonaē cabunothopatsi.

<sup>34</sup> Pomonaē yapu eena barapo marrano duweimonaē junuwiya cuinaenouta tomarantha xuano tomaran aisowapiwi, xua pepaēbinexa xua baxua exana. <sup>35</sup> Jiwi poxonaē baxua tane, pata baxota ichaxota Jesús uncua. Tainchi pon wepu poinchi caurimonaē. Bapon Jesús petaxu deca taecatsi, xuano paparuwa nama xatateca. Axaibiya eca, be pocotsin jopa matsiyaibichi. Barapo jiwi junuwa nawita. <sup>36</sup> Pomonaē copiya tane, barapomonaē equeicha tsipaēba ichamonaētha pomonaētha pomonaē jopa taeyo po coyene xua bapon equeicha jume xua copiya bequein caurimonaē pexeinaewa. <sup>37</sup> Poxonaē daxita barapo Gerasa nacuapiwi jume tane baxua, daxita barapomonaē Jesús itawetatsi xua pewarapaenexa bara weya xua Gerasa nacua weya, poxoru barapomonaē junuwa bichocono. Daxota Jesús jeratha nontabiya bara warapano. <sup>38</sup> Pebin, pon wepu poinchi caurimonaē, Jesús wucatsi xua bepara puna ponaetsei Jesús. Ichitha Jesús jopa copatsiyo xua pepuna ponaewa tsainchi bapon.

<sup>39</sup> —Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

*Meje yabara xua poxonae Jairo pexantiyo taax-aibi exanatsi; yawa yabara xua bapoxonae iru icha yabuyo axaibi exanatsi poxonae Jesús pia paparuwa tajayabatsiru*

*(Mt 9.18-26; Mr 5.21-43)*

<sup>40</sup> Poxonae Jesús caibe patoparena Galilea nacua berena, jiwi Jesús matenta weiweinaya wabatsi, tsipei daxita barapomonaе Jesús ewatatsi. <sup>41</sup> Nexata pebin patopa pon pewan Jairo. Bapon Jairo pon canamataxeina judiomonaе pia penacaetutsi bo tatsi. Jesús petaxutha irabe tatayecarecatsi. Baxua Jairo exana poxoru Jesús pon ainya cui peexanaeinchi. Bapon Jairo Jesús jume daunweya wabatsi, jeye: “Antha tabotha ponare”, jei Jairo. <sup>42</sup> Bapon baxua paeba tsipei Jairo pexantiyo saya compa tatsi. Barapowayo doce po weibe xeina. Bapowayo muxu petupaе.

Poxonae Jesús iya iru pin bicheito napona. Bichocono jiwi аснсн. <sup>43</sup> Barapo pin bicheitha yabuyo iru napona. Bapowa caena bayatha beya yadoce po weiyobe jopa xua pentabu janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomonaе jiwi peyawubiwi cobe caewita daichitha jopa axaibi exanaetsi. <sup>44</sup> Bapoxonaе barapowa imoxoyo caquita uncuataba Jesús peputha tatsi. Barapowa Jesús pia paparuwa tatsi tajayabatsi xua peopirawa. Bapoxonaе caena nainya bapowa ajaneibi tsanareca. <sup>45</sup> Nexata Jesús yainyaba barapo pin bicheitha, jeye:

—¿Jintam nejayabara? jei.

Daxita barapomonaе paeba xua pinae jopa jayabichiba. Daxota Pedro barai:

—Patatanecuidubim, barapo pin bicheito acucū canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

<sup>46</sup> Ichitha Jesús jume nota:

—Ichūn nejayaba tsipei taayapusūwa newepu jiwana aichurucuae xua axaibi exanan, jei Jesús.

<sup>47</sup> Petsiriwa yaputane xua cobe yaputainchi xua Jesús cobe yaputane poxonae bapowa jayaba. Barapowa junuwiya patopa yawa pentabocototha uncua ira betaeuncuarecano Jesús petaxutha tatsi. Baxua exana bapowa poxoru Jesús ainya cui peexanaeinchi. Nexata barapowa namchi barapo bicheito peitabaratha, jeye:

—Apara xan jayaban. Poxonae jayaban caena nainya axaibin, jei. <sup>48</sup> Nexata Jesús barai, bapowa baraichi, jeye:

—Yabūyo caaxaibi exanatsi tana neyabara jume cowantsixaem xua bara tana neitacūpaewa xua tacaaxaibi exanaewatsi. Saya jūntemiya ponde, jei Jesús.

<sup>49</sup> Poxonae cataunxuae Jesús tsipaebauya bapowatha, pebin patoparū pon Jairo pia bo tatsi weya pona. Bapon tsipaeba pontha pon pecanamataxeinaeinxae judiomonae pia penacaetutsi botha tatsi pon Jairo. Jairo baraichi, jeichichi:

—Nexantiyo bayatha cata tūpa. Jopa came fayacotsinde pon jīwi Pecuidubin, jeichichi Jairo bapon.

<sup>50</sup> Ichitha poxonae Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cowānde. Nexantiyo cata axaibi tsane, jei Jesús.

<sup>51</sup> Poxonae botha pata, Jesús jopa juntucuru bebaru joniyaeyo ichamonae. Saya meisa Pedro iru Santiago iru Juan iru powayo tupa paxa tatsi, bapon Jairo yawa pena tatsi, Jesús baru joniya barapomonae. <sup>52</sup> Daxita barapomonae yabuyo siwa wawaya wecoyeichi. Ichitha Jesús barai barapomonae, jeye:

—Jopa pawecoyande, yabuyo apara jopa tupaeyo, maituncua apara, jei Jesús.

<sup>53</sup> Ichitha Jesús jume caponatsi barapomonae. Tsipei barapomonae yaputane xua yatsicaewa apara tupa barapowayo. <sup>54</sup> Nexata Jesús jume daunweya cobe pichiya barai, jeye:

—Ja, owae asiya uncuatabare! jei Jesús.

<sup>55</sup> Barapowayo equeicha petupaewa nacosa-taxuba, caena nainya asiya uncuataba. Jesús itoroba barapomonae xua barapowayo peap-atsinexatsi pexaewa. <sup>56</sup> Barapowayo paxa tatsi iru pena tatsi najuntu coyene cabenaecaeya tanebe. Jesús barapomonae tsipaeba xua jopa cui yopichi tsainchi ichamonaetha xua po coyene bapon pe-xanaexae.

## 9

*Meje yabara poxonae Jesús pijimonae itoroba xua barapomonae peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonae tatsi*

*(Mt 10.5-15; Mr 6.7-13)*

<sup>1</sup> Jesús pijimonae caetuta pomonae xua doce poyobe. Yawa pijimonae cata pia peayapusawa. Matautano catano peitorobi coyenewa xua barapomonae peitaweteibinexa tsane cauri xuano xua

peaxaibi exanaenexa tsaibi tsane jiwi pomonae atene. <sup>2</sup> Jesús itoroba barapomonae xua barapomonae peyabara cueicueijeinexa tsane jiwitha xua po coyene Nacom waba jiwi xua petanaexanaenexatsi pijimonae pomonae itoroba peewatsixae. Matautano itoroba xua barapomonae peaxaibi exanaenexa tsane jiwi pomonae atene. <sup>3</sup> Jesús barai pijimonae:

—Jopa pacaponaeinde ichawa xua painya necawarapaenexa. Matautano jopa iwabi pacaponaeinde, yawa jopa cote pacaponaeinde. Matautano jopa pacaponaeinde pexaewa, yawa jopa pacaponaeinde paratixi. Saya cae camisa panama xatabare, jopa icha camisan pacaponaeinde. <sup>4</sup> Botha po botha papatsiname, bara po botha painya nepu enaeinde bapoxonae barapo botha painya nepu warapaeinde. <sup>5</sup> Pomonae xua ichaxota jopa paca matenta weyataya wabiyo barapo tomara weya pawarapare. Pana taxu wenunababare tsorobon po tsorobon painya taxutha dubena. Baxua paexande xua barapomonae peyaputaenexa xua abe exana paxamtha, jei Jesús.

<sup>6</sup> Bara barapomonae ponarucpa. Matautano barapomonae pona daxita carepaya peya tomaraxitha. Matautano papaeba tsiniya Nacom pia pecapanenebiyae diwesi jume tatsi. Yawa axaibi exana tsiniyano jiwi pomonae atene.

*Meje yabara poxonae Herodes Juan yabara jume anthathu deideijeichi pebexubixaetsi bayatha (Mt 14.1-12; Mr 6.14-29)*

<sup>7</sup> Bapoxonae Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonae catsawa Jesús yabara namchichi: “Apara bapon Juan, pon bequein bayatha tupa, equeicha asu juina”, jei. <sup>8</sup> Iru ichamonae namchi: “Bapon apara Elías, pon tsita naitata jiwitha”, jei. Iru ichamonae namchi: “Apara pomonae bayatha Nacom peitorobi jume pepaebiwi, barapomonae jiwana, bapon apara, pon petupaein equeicha juina”, jei barapomonae. <sup>9</sup> Ichitha Herodes namchi:

—Bara bayatha ichamonae cobe itorobacoumba xua Juan pewisi ucuibiwatsi. ¿Jintam metha bapon xua yabara jume tan nawita xua pinae peitupanaewan exana? jei.

Herodes bichocono beyaitaena, Jesús beyaitaeinchi pon wuna peexanaein.

*Mejeyabara poxonae Jesús apata pexaewa cinco mil pebiwi*

*(Mt 14.13-21; Mr 6.30-44; Jn 6.1-14)*

<sup>10</sup> Poxonae pata pomonae Jesús itoroba, barapomonae Jesús tsipaebatsi pocotsiwa xua barapomonae exana. Jesús tsana baru jopa barapo pijimonae tatsi xua pin bicheito weya. Ichaxota jiwi aibi, Jesús bara beya baru pona pijimonae, Betsaida tomara pecuariya beya baru pona. <sup>11</sup> Ichitha poxonae barapo bicheito yaputane xua xota Jesús ponaena, barapo bicheito iru Jesús puna poinchi. Jesús matenta weiweinaya waba barapo pin bicheito. Matautano Jesús yabara tsipaeba barapo

bicheitho po coyene xua Nacom waba jiwí petanaexanaenexatsi pijimonaē pomonaē itorobiya pecanamataxeinaexae. Matautano Jesús axaibi exana atenemonaē.

<sup>12</sup> Poxonaē imoxoyo tabopiya Jesús barompaya pijimonaē tatsi pomonaē xua doce poyobe, barapoyobe Jesús imoxoyo caquita umenarucupatsi. Jesús baraichichi, jeye:

—Barapo bicheito itorobare pejeichinexa tsane xua ichaxota maichina xuano xua pexaewa pejeichinexa tsane tomaranxitha yawa po bon pipatho umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonaē.

<sup>13</sup> Ichitha Jesús barai pijimonaē:

—Paxam paapare pexaewa, jei Jesús.

Jesús jume notatsi pijimonaē:

—Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonaē nexa, jei.

<sup>14</sup> Barapo bicheito be cinco mil pebiwi. Nexata Jesús pijimonaē barai:

—Pana nantaure xua ichamonaē tsana eeniyaena be cincuenta po matabuxuyobe tsiniya, jei.

<sup>15</sup> Bara Jesús pijimonaē tatsi exana pocotsiwa xua Jesús paeba. Bapoxonaē barapo pin bicheito iratha ena. <sup>16</sup> Bapoxonaē Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa juntu coyene weiweinan xua pexaewa pata



tanecatsiwaxaem”, jei Jesús. Poxonae Jesús epa janaquiya nacobe weta, pijimonae caitoroba xua pecatsibaponaenexa tsane barapo bicheitha. <sup>17</sup> Bara daxita nabane, yawa bara daxita jain cowantarcupatsi. Bapoxonae Jesús pijimonae tatsi doce po cote matabuxuyobe wanba xua bayatha nacopaba pocotsiwa xua bayatha barapo jiwi jopa xaeyo petonsanaexae.

*Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei Pedro*

*(Mt 16.13-19; Mr 8.27-29)*

<sup>18</sup> Caentacabitha Jesús Nacom tsipaebawiya, meisa pijimonae baru pona. Bapoxonae Jesús yainyaba pijimonae, jeye:

—¿Eta jiwi neyabara jei po coyene xua xan bapon aparan? jei Jesús.

<sup>19</sup> Barapomonae Jesús jume notatsi, jeye:

—Ichamonae cayabara, jei: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara, jei: ‘Apara bapon Elías, pon equeicha petupaein asu juina’, jei. Iru ichamonae cayabara, jei: ‘Apara bapon jiwana pomonae Nacom peitorobi jume pepae-biwi, pon petupaein equeicha asu juina’, jei, Jesús pijimonae tatsi.

<sup>20</sup> Nexata Jesús pijimonae yainyaba, jeye:

—Incane iru paxamdu, ¿eta pana neyabara jumichimdu xua xan eta pondun? jei Jesús.

Pedro jume epa pita:

—Xam apara Mesías, pon Nacom caitorobica, jei Pedro.

*Meje yabara poxonaē Jesús nayabara diwesi  
paēba po coyene xua petꞥpaēwa tsane  
(Mt 16.20-28; Mr 8.30-9.1)*

<sup>21</sup> Jesús pijimonaē muxu barai, xua pijimonaē jopa peyabara paēbinexatsi ichamonaētha baxua.

<sup>22</sup> Yawa barai pijimonaē po coyene xua bexa ichamonaē Jesús cana exanaēinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Mataꞥtano pitiri jiwi iruru sacerdotemonaē pia pentacaponaei tatsi, iruru pomonaē jiwi pecuidubiwi Moisés pia peitorobi coyenewa tatsi, daxita barapomonaē neitawetsina. Mataꞥtano barapomonaē nebexubina. Ichitha equeicha asꞥ poponaēin poxonaē acoibi po matabiyobe tsuxubi tsane, jei Jesús poxonaē nayabara paēba.

<sup>23</sup> Bapoxonaē Jesús barai daxita pijimonaē, jeye:

—Icha pebin ichichipa xua tajiwimonaē jiwanaēin penaexanaēwa tsane bewa bapon yabara naētematsi pocotsiwa xua bapon ichichipa pia peexanaē coyenewan tatsi. Bapoxonaē jame bapon bewa eexanaponaē daxita matabi pocotsiwa itoroban bequein bara bapon bexotsi ichamonaē, tajiwimonaē jitonxae.

<sup>24</sup> Pon naantobeya nata exana pocotsiwa bapon ichichipa, bapon jopa xeinaēyo peajꞥntꞥyapꞥsꞥwa, po peajꞥntꞥyapꞥsꞥwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaēna peajꞥntꞥyapꞥsꞥwa, po peajꞥntꞥyapꞥsꞥwa ataya tsiteca xua Nacom pia nacua beicha. <sup>25</sup> Icha pebin

bichocono copei xeina pocotsiwa xeina po cae pin nacuathe, ichitha jopa xeinaeyo peajantꞫcoyenesꞫwa, po peajantꞫcoyenesꞫwa ataya tsiteca, bapoxonae bapon jopa itacꞫpaetsi xua penajantꞫ coyene capanepaewa xua jopa peweraweracaewa. <sup>26</sup> Icha ichꞫn neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaein poxonae patopaetsicaein be jiwi pia pecanamataxeinaein tatsi yaitꞫpanae susato patopaetsicaein. Taxa pia peitꞫpanaewa tatsi yawa patopeicaein. MataꞫtano Taxa pia matatsunpiwi tatsi nebarꞫ patsicaena, jei Jesús. <sup>27</sup> Bara xaniwaicha paca tsipaebatsi xua pomonae xote umene abꞫ barapomonae jopa werapae tsane. Barapomonae jiwana copiya matha necotsina xua po coyene Nacom waba jiwi xua petanaexanaenexatsi piamonae pomonae itorobiya peewatsixae, bapoxonae barapomonae werapaena, jei Jesús.

*Meje yabara poxonae Jesús pijimonae peitꞫtha pexeinya itꞫpanae coicha tsanaya naexana (Mt 17.1-8; Mr 9.2-8)*

<sup>28</sup> Poxonae ocho po matabꞫyobe jopa xua poxonae Jesús barapo diwesi paeba, bapoxonae Jesús pona demxuwa beicha petsipaebinexa Nacom. Pedro irꞫ Juan irꞫ Santiago barapo matabꞫyobe barꞫ poinchibe. <sup>29</sup> Poxonae Jesús cataunxuae Nacom tsipaebauya, bapoxonae icha itabara tsanaya. MataꞫta penama xatatsiwano inyapana tsanaya yawa bichocono daedaena tsanaya. <sup>30</sup> Nexata pebinbe yaitꞫpanae be damacu

patopabe. Baponbe, iru Jesús, bapoyobe nabaru cueicueijeibe. Ponbe xua Jesús jemeicha tsita patopatsibe, bapon Moisés iru ichan pewan Elías, ponbe xua caena bayatha naxubabe. <sup>31</sup> Baponbe yabara baru cueicueijeibe xua Jesús petupaewa tsane xua peraxa jubinchi ichamonae Jerusalén tomaratha. <sup>32</sup> Bequein Pedrobaru bichocono itamaipana daichitha nacosatumena. Pedrobaru tane xua Jesús yamatawacaicha pexeinya itupanae be damacu tsuncuaetsi. Matautano Pedrobaru tane ponbe Jesús baru uncua, Moisés iru Elías. <sup>33</sup> Moisés iru Elías, poxonae baponbe Jesús weya naetababe, bapoxonae Pedro Jesús baraichichi, jeye:

—Jiwi Necuidubin, maisa wuna xua xote pata umenaewa. Pacata acabinchi acoibi po boutobe, cae bouto xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba. <sup>34</sup> Poxonae Pedro cataunxuae baru cueicueijeije Jesús, bapoxonae daxita pexainya bematawacaicha taruneicatsi tsaquinaebowa. Poxonae barapomonae tsaquinaebowa tututha nataerucupa bichocono junuwa. <sup>35</sup> Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

<sup>36</sup> Poxonae Nacom najume weta, Pedrobaru necobarucupa xua Jesús beya compa uncua. Pedrobaru saya moya. Jopa pejumeyo ichamon-aetha xua tane.

*Meje yabara poxonae Jesús cauri taitaweta xua pewowin xeina*

*(Mt 17.14-21; Mr 9.14-29)*

<sup>37</sup> Baya poxonae Jesús barapo acoibi poyobe pi-jimonaebe dabe bar<sub>u</sub> dunareca Jesús pin bicheito matenta poinchi. <sup>38</sup> Nexata barapo bicheitha jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin. <sup>39</sup> Taxanto inta waetabatsi cauri, inta papai exanatsi, yawa inta iratha bebaichi. Matauta inta coibo thamthamei exanatsi poxoru matayaibatsi exanatsi. Inta taxanto cui tatainchi jopa bepu sorobabeibichi barapo cauri. <sup>40</sup> Bayatha bequein jinyamonae jume daunweya cui itoroban: ‘Painta taxanto taitawere cauri’, jan. Ichitha jopa itac<sub>u</sub>paetsi xua taxanto inta petaitawetsiwatsi cauri, jei pewowin paxa tatsi.

<sup>41</sup> Jesús barai pin bicheitha, jeye:

—¡Paxam barapomonaе pam pomonaе jopa xapain cataunxuae pana nejume cow<sub>u</sub>ntsim! ¡Paxam barapomonaе pam, peaj<sub>u</sub>nt<sub>u</sub>coyenebe jiwi pam! ¿Eta po weibe nantawenonan xua bewa tapaca bar<sub>u</sub> ecaewa tsainchi xua beya poxonaе tapana nejume cow<sub>u</sub>ntsiwam tsane? ¿Matautano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—¡Nexanto inta carenande! jei Jesús.

<sup>42</sup> Poxonaе pewowin cataunxuae Jesús itiya poinchi, baroxonaе equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin.

Jesús axaibi exana pewowin. Equeicha Jesús caewa cata. Coxian caewa catatsi pexantoxae.  
<sup>43</sup> Daxita barapo pin bicheito yabara najuntũ coyene cabenaeca pocotsiwa pewowin pexeinya coyene taexanatsi Nacom.

*Meje yabara poxonae equeicha Jesús nayabara paeba xua poxonae tãpaena*  
*(Mt 17.22-23; Mr 9.30-32)*

Poxonae awiya cataunxuae yabara najuntũ coyene cabenaecompa barapo pin bicheito pocotsiwa Jesús exana, bapoxonae Jesús pijimonae barai:

<sup>44</sup> —Incane beta pajume taema, yawa jopa pana nejume cayabara junteinaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

<sup>45</sup> Ichitha Jesús pijimonae jopa xapain jume yaputaetsi xua barai. Barapomonae jopa tacopatichi Nacom xua Jesús pejume yaputaewa tsainchi. Barapomonae junuwa xua Jesús yabara peyainyabiwa tsainchi xua Jesús yaputane peexanaenexa xuaunxuae paeba.

*Meje yabara poxonae Jesús yabara yainyabatsi pijimonae po coyene xua pon peainya cui peexanaeinchi*  
*(Mt 18.1-5; Mr 9.33-37)*

<sup>46</sup> Nexata Jesús pijimonae tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichan?” jei. <sup>47</sup> Jesús yaputane baxua pocotsiwa barapomonae yabara nanta xeina. Nexata Jesús

cobe pita pexuyo yawa pexainya cuaranoreca.  
<sup>48</sup> Nexata Jesús barai pijimonaē:

—Pon matenta weyataeya waba peyawe-naenexa pontha pon tana nejume cowantsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

*Meje yabara poxonaē Jesús barai pijimonaē:  
 “Pon jopa nacata abe exanaeyo, bapon ba apara naca yawena”, jei  
 (Mr 9.38-40)*

<sup>49</sup> Nexata Juan Jesús baraichi, jeye:

—Ja Tanecuidubim, paxan caein patan pon cawun taiba poxonaē itaweta caurimonaē, xua caurimonaē itawetatsi. Paxan baxua pacui itawetan tsipei jopa naca puna poponaeyo, jei Juan.

<sup>50</sup> Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

*Meje yabara poxonaē Jesús jume itaweta, Santi-ago iru Juan jume itawetatsibe*

<sup>51</sup> Poxonaē imoxoyo matakabi jopaena, po matakabitha Jesús athabe icha tsane, xua Nacom exanaena, bapoxonaē Jesús bichocono awiya nantusuba xua peponaewa tsane Jerusalén tomara beya. <sup>52</sup> Jesús nawunaē jume caitoroba

pia jitonbe tatsi. Barapo Jesús pia jitonbe tatsi ponabe Samaria nacua beya. Ponabe xua bo tutu pewucaenexa tsanebe po tomara barapo Samaria nacuatha eca xua Jesús peecaenexa. <sup>53</sup> Ichitha barapo tomarapiwi xua Samaria nacuatha jinompa, barapomonae aichaxaibi xua Jesús weiweinaya pententa wabiwatsi baxota poxoru barapomonae yaputane xua Jesús pona Jerusalén tomara beya. <sup>54</sup> Ichitha Santiago iru Juan poxonae baxua tanebe, ponbe bequein tawucabe bo tutu Jesús nexa, baponbe Jesús baraichi, jeye:

—Patatanecanamataxeinaem, ¿xam  
ichichipame xua paxan isoto pawucaein po isoto xua itaboco wetsica xua petautsinexatsi barapomonae? jei baponbe.

<sup>55</sup> Nexata Jesús pijimonae napatomeicha necota yawa jume itaweta. <sup>56</sup> Nexata equeicha Jesús pijimonae baru pona icha tsiqui tomariyo beya.

*Meje yabara poxonae Jesús yabara paeba pomonae ichichipa xua pepuna ponaewatsi (Mt 8.19-22)*

<sup>57</sup> Poxonae namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin. <sup>58</sup> Jesús jume nota, jeye:

—Namomonae ba pia mathan xeina ichaxota pemaitathopeibiwa. Iru peyapupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafifnacaecan, jei Jesús.



59 Jesús barai ichuntha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha muthatha xubichi copiya xua bapoxonae tacapuna ponaenexatsi, jei.

60 Jesús jume nota, jeye:

—Bara copare xua petupaewi muthucaeinchi, pomonae xua be pewerapaewi jopa betanejume cowantsiwixae, barapomonae muthucaena. Ichitha xam ponare jinya neyabara tsipaebinexa jiwitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae, jei Jesús.

61 Nexata ichan Jesús baraichi, jeye:

—Tanecanamataxeinaem, ichichipan xua tacapuna ponaewatsi. Ichitha copiya bara necopare xua tana napeyabiwa tsane tamonae, tabopiwi, jei bapon.

62 Jesús jume nota:

—Pebinba jopa itacupaetsi xua beta penacuichiwa pabi icha saya napatomeicha necobiya nacuita. Barapocotsi jata coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae icha bapon saya cayabara nanta xeina pocotsiwa barapo cae pin nacuathe xeina, jei Jesús.

# 10

*Meje yabara poxonae Jesús pijimonaе itoroba setenta y dos poyobe pebiwi*

<sup>1</sup> Barapoxonaе Jesús pon jiwi Pecanamataxeinaeinxae tatsi, bapon itapeta equeicha icha pijimonaе tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena. <sup>2</sup> Jesús barai barapomonaе poxonaе muxu peitorobi, jeye: “Bara xaniyeya paca tsipaebatsi. Pabitha ba pocotsiwa peabiwan naweta nawita, daichitha ba penacuichiwi pomonaе jota pinmonaе aibi. Bara juta ichi barapo cae pin nacuathe. Jiwi pinmonaе jinompa pomonaе nantawenona pejume taenexa Nacom pia pexeinya jume diwesi tatsi. Daichitha pomonaе Nacom Pejume Diwesi cueicueijeі tsurubenanaebiya ichamonaetha barapomonaе pinmonaе aibi saya tsiquimonaeyo. Daxota Nacom pawucare xua pecaitorobinexa tsane ichamonaе xua petacamuxu tsipaebinexa tsainchi pia pejume diwesi pomonaе barapo cae pin nacuathe pejinompaewi nexa. <sup>3</sup> Paponde ichaxota paca itorobatsi. Paca itorobatsi pia xainya beya pomonaе jopa jume cowantsiyo, pomonaе itacupatsi xua abe painya nepaca exanaewa icha oveja ichi xua poxonaе pona ichaxota neuthu jinompa xua itacupatsi xua abe peexanaewatsi. <sup>4</sup> Jopa pacaponaеinde cote. Yawa paratixi jopa pacaponaеinde. Yawa jopa pacaponaеinde painya nenataxu xatabiwan. Matauta jopa

ichamonae namtotha paewatumeyaeinde xua saya painya netsipaebinexa. <sup>5</sup> Poxonae bomuxhutha pajojoniyaename, barapo bopiwi pajacobare, pajande: ‘Barab<sub>u</sub> Nacom j<sub>u</sub>ntema jinompa paca cana exanaena’, pajande. <sup>6</sup> Icha baxota jinompa pomonae j<sub>u</sub>ntema jinompa, baxua Nacom taexanaena xua papaebame. Ichitha icha baxota jinompa pomonae jopa j<sub>u</sub>ntema jinompaeyo, baxua Nacom jopa taexanae tsane xua papaebame. Equeicha caewa pacata parenaena xua baxua papaebame. <sup>7</sup> Barapo botha paenare. Paxaema paapareno pocotsiwa barapomonae paca apata. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde bontha, saya bara po botha paenare. <sup>8</sup> Poxonae tomaratha papanenebiyam, icha barapomonae paca matenta weyataeya waba, moya paxaema pocotsiwa barapomonae paca apata. <sup>9</sup> Axaibi paexande peatene jiwi, pomonae xua barapo tomaratha ena. Barapomonae pabarande: ‘Anoxuae Nacom waba jiwi xua petanaexanaenexatsi piamonae tatsi pomonae itorobiya peewatsixae’, pajande. <sup>10-11</sup> Ichitha poxonae icha tomaratha papatsiname icha barapo tomarapiwi jopa paca matenta weyataeya wabiyo, pajande barapomonaetha: ‘iPo tsorobon panataxu wen<sub>u</sub>n<sub>u</sub>baban painya tomaratha, apara xua abe paexaname pata xainya berena poxonae pana nejume itawetame! Payaputaema, anoxuae Nacom waba jiwi petanaexanaenexatsi piamonae tatsi pomonae itorobiya peewatsixae ichitha

pana nejume itawetame pomonae Nacom pata tana neitorobiwi panxaein', pajande. <sup>12</sup> Xaniyeya paca tsipaebatsi matabi patopaena. Barapo matabitha Nacom yabara paebina jiwi xua penatsicuentsiwa xua petsita exanaexaetsi. Barapo matabitha jopa juniya bichocono atene tsane pomonae paca jume itaweta. Ichitha nama pomonae barapo tomaratha jinompa pomonae paca jume itaweta jopa juniya atene tsane, beyacaincha poxona Sodoma tomarapiwi atene", jei Jesús.

*Meje yabara poxona Jesús yabara paeba po tomarapiwi jopa pejume cowantsiwichi  
(Mt 11.20-24)*

<sup>13</sup> Jesús equeicha pijimonaetha namchi, pomonae setenta y dos poyobe xua ichamonae yabara paebatsi, jeye: "¡Pai jaibo Corazín tomarapiwi tsobenae! ¡Irú Betsaida tomarapiwi tsobenae! Po tsita itútsi coyenewan exanan Corazín tomaratha yawa Betsaida tomaratha ichán jopa bapana exanaeyo barapo tsita itútsi coyenewan Tiro tomaratha yawa Sidón tomaratha. Icha barapo tsita itútsi coyenewan exanaetsipa Tiro tomaratha Sidón tomarathano, barapo tomaranbepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua axén, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaenexa tsainchi xua icha juntu coyenein Nacom petsita

xeinaewatsi peuraxae xua abe peexanaexae.  
 14 Poxonae barapo matabi patopeicaena po matabitha Nacom yabara paebina daxita jiwí xua petsita natsicuentsexae xua abe petsita exanaexae, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, iruru Betsaida tomarapiwi pamu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. 15 ¡Incane iru Capernaum tomarapiwi pamu! ¿Bara pananta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca.

16 “Pon xua paca jume naitaewata, barapara nejume naitaewataru. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

*Meje yabara poxonae equeicha caibe parenaena Jesús pijimonae tatsi pomonae setenta y dos poyobe pebiwi*

17 Barapo setenta y dos poyobe juntu coyene weiweinaya caibe nawibarena, jeye:

—Patatanecanamataxeinaem, caurimonae pana nejume cowanta xua paitawetan poxonae paca wun wun taibatsi, jei Jesús pijimonae tatsi.

18 Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha

yamuxu ichi poxonae uncueica. <sup>19</sup> Paxam paca catatsi taayapuswa painya netaxunaunabapon-  
aewa tsane jomon yawa putonno, xua jopa painya  
nepaca capepeichinexa. Po peayapuswa paca  
catatsi bichocono daunwei, beyacaincha painya  
nepaca caaitafaetabi jiton, pon cauri pia penta-  
caponaein pia peayapuswa tatsi xua xota jiwi  
abe exanatsi. Jiwi dapomonaе aibi pomonaе  
abe paca cana exana. <sup>20</sup> Jopa pajantu coyene  
weiweinaeinde xua caurimonaе pia paca jume  
jejeixae xua duxpa poxonaе paitawetame, saya  
jame pajantu coyene weiweinare xua Nacom  
painya nepaca wun dubixae pia diborotha itabo-  
cotheicha.

*Meje yabara poxonaе Jesús juntu coyene wei-  
weina exanatsi Nacom pia Pejumope tuxaxu tatsi  
(Mt 11.25-27; 13.16-17)*

<sup>21</sup> Bara caena bapoxonaе Jesús juntu coyene  
weiweina exanatsi Nacom pia Pejumope  
tuxaxu tatsi. Jesús namchi, jeye: “Axa  
peitaboco Necanamataxeinaem, yawa ira  
Necanamataxeinaem. Wunaе cajaintatsi  
tsipei jopa tsita itubim pocotsiwa pexainyei  
coyenewa xan yabara pomonaetha pomonaе  
bichocono penacuidubiwi pomonaе be  
pinyon penatsicotaewi tsipei nanta xeina xua  
bichocono peyaputaewi daxita. Jame nama  
tsita itutame barapo pexainyei coyenewa xan  
yabara pomonaetha pomonaе jopa bichocono  
penacuidubiwi pomonaе be pexui penatsicotaewi  
tsipei jopa nanta xeinaeyo xua bichocono

peyaputae jiwi daxita. Axa baxua exaname necatsita xanepanaexae baxua”, jei Jesús Paxatha.

<sup>22</sup> Equeicha Jesús pijimonaē barai pomonaē xua setenta y dos poyobe, jeye: “Taxa daxita necata xua pia peitorobi coyenewa tatsi matautano xua pia peyaputae coyenewan tatsi. Dapon aibi pon xaniwaicha nejuntū cui coyene yaputane. Jame saya meisa Taxa Nacom, nejuntū cui coyene yaputane. Dapon ajibi pon Taxa juntū cui coyene yaputainchi ichan, saya meisa Taxaxae juntū cui coyene yaputan. Matauta barichi Taxa meisa juntū coyene yaputainchi pon saya bara copatan xua bara Taxa pejuntū cui coyene yaputaewa tsainchi pomonaē ichichipan”, jei Jesús.

<sup>23</sup> Nexata Jesús pijimonaē napatomeicha necota pomonaē xua doce poyobe. Meisa barapomonaebetha barai, jeye: “Juntū coyene weiweina pomonaē xua tane, pocotsiwan xua pataneme. <sup>24</sup> Poxoru paca tsipaebatsi, xua Nacom pia peitorobi jume pepaebi jiwimonaē irū nacuan peewatsiwimonaē, pomonaē bayatha napenta barapomonaē bequein betaena pocotsiwa pataneme ichitha jopa taeyo. Matauta barapomonaē bequein bejume taena pocotsiwa pajume taneme ichitha jopa jume taeyo”, jei Jesús.

*Meje yabara poxonaē Jesús yabara paeba Samaria nacuapin, pon wūnaē exana*

<sup>25</sup> Nexata irūru pon jiwi pecuidubin Moisés pia peitorobi coyene tatsi, barapon Jesús pi-raichi juntū coyene jujutsiya yainyabatsi xua barapon pejume barabotsinexatsi. Barapon Jesús je-ichichi:

—Ja Tanecuidubim, ¿eta xua copiya matha exanocuaein xua ajuntayapuswa tapoponaewa tsane xua ataya tsane? jei.

26 Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara yorobame barapo diwesitha? jei Jesús.

27 Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaein, bapon Nacom, daxita xua nejunt coyene wetsina, matautano xua daxita jinya nepoponae coyenewatha, matautano xua nanta xeiname, daxita xua nenanta xeinaewatha nentasiatha, matautano daxita xua nedaunwei coyenewatham, matautano antobeinde necatsicuarab ecaein icha ichim xua naantobem jinya coutha, jei pon jiwi pecuidubin Moisés pia peitorobi coyene.

28 Nexata Jesús jume nota, jeye:

—Bara beta nejume notame. Icha baraxua exanaename peajuntayapuswa xeinaename po peajuntayapuswa xua ataya tsiteca, jei Jesús.

29 Ichitha pon jiwi pecuidubin Moisés pia peitorobi coyene tatsi, barapon awiya nanta xeina nawita, pia jiwi nanta xeinaetsi xua bapon xeina pexeinya peyainyabiwa. Bapon Jesús yainyabatsi, jeye:

—¿Jintam bar pomonae tanetsicuarab enaewi? jei.

30 Nexata Jesús jume nota, jeye:

—Irru pebin Jericó tomara bereca pona, Jerusalén tomara namtotha weya pona.



Poxonae awiya namtotha ecapona jemeicha waetabatsi pomonae jiwi pecaibiwi. Barapon daxita wecobe notatsi xua pocotsiwa xeina, yawa butsi. Barapomonae aichurubena, tsica cuiyotha copatabatsi. <sup>31</sup> Bapoxonae iru sacerdotemonaepin barapo namto ecapona. Poxonae barapon yasusunya taebotatsi sacerdotemonaepin tajm matawacaicha toquetaba. <sup>32</sup> Iru levimonaepin baxoyo ecapona, bapon iru tajm matawacaicha toquetaba poxonae yasusunya taebota. <sup>33</sup> Ichitha Samaria nacuapin baxoyo iru ecapona poxonae yasusunya taebota, yabara najuntm coyene xeinanareca peyawenaenexa. <sup>34</sup> Nexata Samaria nacuapin imoxoyo caquita uncuataba pon yasusunya boca. Bapon wan yawubecapona penasiwatha vino merathano. Bapoxonae paparuwatha wan yarabecapona. Bapoxonae burrotha cuaretsica piyantha. Bomxm beya capona ichaxota jiwi maiteibathopa. Baxota xanepanaeya bota. <sup>35</sup> Bapoxonae baya poxonae juntucuru Samaria nacuapin ponaenaba, pita ainya paratixi. Bapoxonae cata pontha pon bo pexeinaein. Samaria nacuapin barai pontha pon bo pexeinaein: ‘Barapon beta xanepanaya bore. Icha paratixi seicanaya, equeicha bexa cacatsinchi poxonae caewa denan tsane’, jei Samaria nacuapin, jei Jesús.

<sup>36</sup> Equeicha Jesús namchi, jeye: “Barapo acoibi poyobe jiwana, ¿jintam yabara cananta xeiname xua wuna exana xua peantobexaetsi pon waetabatsi pomonae jiwi pecaibiwi, yawa xua butsino?” jei Jesús.

<sup>37</sup> Pon jiwi pecuidubin Moisés pia peitorobi coyene tatsi, bapon Jesús jume notatsi, jeye:

—Pon xua yabara najuntꝫ coyene xeinanareca xua peyawenaenexa, jei bapon.

Jesús jume nota, jeye:

—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

*Meje yabara poxonae Jesús, Marta yawa María siwa poinchibe*

<sup>38</sup> Jesús pijimonae cataunxuae barꝫ ecapona namtotha Jericó tomara beya barꝫ pona. Pijimonae barꝫ patopa tsica tomariyotha ichaxota petsiriwa popona powa pewꝰn Marta. Barapowa Jesús matenta weyataeya wabatsi pia botha.

<sup>39</sup> Marta peyapiyo nantaꝫta powa pewꝰn María. Barapowa María Jesús caquita ecatsi xua Jesús pejume taenexatsi pocotsiwa paeba. <sup>40</sup> Ichitha Marta enatsi pia penacuichiwa xua Jesús tsiexanatsi pexaewa xuano xua pijimonae tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bꝫ neyawena, jei Marta.

<sup>41</sup> Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neexanaewa. <sup>42</sup> Saya cae coyene ainya cui xua xam nantawenoname pocotsiwa xua María exana xua barompaya itapeta xua wꝰnae exana poxonae nejume tayeca. Jiton dapocotsin aibi xua pon María jꝰntꝫ coyene

weaichurubenaexainchi xua nejume tayeca, jei Jesús.

## 11

*Meje yabara poxonaex Jesús pijimonaex yabara cuiduba xua Nacomtha petsipaebiwa*

*(Mt 6.9-15; 7.7-11)*

<sup>1</sup> Caentacabi Jesús tsipaebauya Nacom ichawatha. Jesús najume weta, bapoxonaex pijimonaex tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaebiwa, icha Juan ichi xua pijimonaex cuiduba, jei bapon.

<sup>2</sup> Jesús barai barapomonaex, jeye:

—Poxonaex Nacom patsipaebame, pajande:

‘Pata Taxam xam ponxaem peitabocotha athabeicha neecaein.

Barab<sub>u</sub> daxita jiw<sub>i</sub> cabar<sub>u</sub> cui itura jina nej<sub>u</sub>nt<sub>u</sub> coyene w<sub>u</sub>naewa nexei<sub>u</sub>naexae.

Barab<sub>u</sub> jopaena matakabi po matakabi xua poxonaex xam jiw<sub>i</sub> itorobiya canamataxeinaex-name

barapo cae pin nacuathe.

<sup>3</sup> Daxita matakabin pexaewa pana catsibeibare po pexaewa daxita matakabi pata canantawenon-  
aewa.

<sup>4</sup> Pana neyabara cui cana j<sub>u</sub>ntemainare xua abe pata catsita exanaewatsi.

Bapoxonaex pana neyabara cui cana exanare xua jopa equeicha pata catsita natsicuent<sub>u</sub>siwatsi tsainchi xua abe pata catsita exanaewatsi.

Baraxua painta exande icha paichin ichamon-aetha.

Tsipei paxan copiya payabara cui cana exanan xua ichamonaе jopa pana netsita natsicuentysiyo xua abe pata tanetsita exanaewa.

Jopa pana copatsinde xua abe pata exanaewa tsane poxonaе jiwi pana nejuntа coyene jujuta xua abe pata exanaewa tsane', pajande poxonaе Nacomtha patsipaebame, jei Jesús.

<sup>5-6</sup> Equeicha Jesús barai, jeye:

—Metha beya tsipae xua caein paxam jiwana bapon nantaata pon peyaputaeinchi. Bapon pia peyaputaeinchi beya pona papaetha. Pia peyaputaeinchi barai: 'Tamo, cacowaetatsi acoibi po panbe, yaitama icha taneyaputaein patopa pon anoxuae warapa tabo berena. Jopa xeinaeinyo xua taapatsiwa bapon', jei pebin. <sup>7</sup> Metha pon bomuxu tututha boca bapon jume notsipa, jei tsipae: 'Jopa nejume fayacotsinde bomuxu boupa daunwei, tapexui baru maituncuan camatha. Jopa benontaponaeinyo xua pan tacacatsiwa tsane', jei tsipae pon bomuxu tututha boca. <sup>8</sup> Paca tsipaebatsi bequein bapon bomuxutha jopa benontaponaeayo, bequein bara pia peyaputaeinchi, daichitha cata poxoru jume fayacotatsi pia peyaputaeinchi. Matautano cata daxita xua pia peyaputaeinchi nantawenona. <sup>9</sup> Daxota paca tsipaebatsi. Matowa pawucare Nacom, bapoxonaе paca catsibina pocotsiwa xua pawucame. Baraxua matowa paexande icha paichim poxonaе matowa pajeiteibame beya poxonaе pataebame, yawa icha paichim poxonaе

matowa pawawam bomuxhitha beya poxonae ichun paca jume nota. <sup>10</sup> Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxh pecoibototha matowa wawai bara tacoibo sarana xorenatsi yawa jume notatsino.

<sup>11-12</sup> “Paxam pomonae pexui paxeiname paca yainyabatsi. Poxonae painya pexui paca wuca duwei, ¿painya pexui pacatsipame jomo? Jume. Ichacuitha tsipae poxonae painya pexui paca wuca petobu, ¿painya pexui pacatsipame puto? Jume, jopa baxua paraichim tsane. <sup>13</sup> Bara bequein peajantucoyenebe jiwi pam, ichitha paxam payaputaneme xua pewunaewan painya pexui pacatsibeibame. Ichitha nama Nacom painya axa jopa juniya paca catsiyo Nacom pia Pejumope tuxh tatsi poxonae pawucame. Nacom paca cata beyacaincha poxonae painya pexui pacatsibeibame poxonae paca wunqueiba”, jei Jesús.

*Meje yabara poxonae Jesús baraichi xua pinae xeina Beelzebú pia peayapus itorobi coyenewa tatsi*

*(Mt 12.22-30; Mr 3.20-27)*

<sup>14</sup> Irux Jesús taitawetauya cauri xua pebin muxusipana exainchi. Poxonae cauri pebin wepu poinchi, bapoxonae pebin equeicha paeba. Jiwi yabara najantucoyene cabenaeca poxonae baxua tane. <sup>15</sup> Ichitha ichamonae namchi: “Bapon caurimonae itawetatsi apara pexeinaexae Beelzebú pia peayapus itorobi coyenewa tatsi pon caurimonae pia pentacaponaein tatsi”, jei barapomonae.

<sup>16</sup> Ichamonae Jesús wucatsi: “Pana netsita iture peitupanaewa xua peitaboco wetsica jopeicaena”, jei. Barapomonae baxua paeba poxoru ichichipa xua Jesús tsita itutsina, pia yaputaetsi icha barapon pon yatsicaewa Nacom itoroba. <sup>17</sup> Ichitha Jesús yaputane xua barapomonae nanta xeina. Jesús barai:

“Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. Matauta iruru icha cae bo matabuxuyomonaebe nababe yawa nawepu tsatajopabe, bapoxonae jopa xaexaenaecaeyo. <sup>18</sup> Barichi icha Satanás pijimonae tatsi nawepu tsatajopabe matautano xua nababe bapoxonae jopa xaexaenaecaeyo. Satanás jopa itacupaetsi xua itoroba pijimonae tsipei amsiya exana. Baxua paca tsipaebatsi tsipei naerabiya pana baram: ‘Apara bapon cauri itaweta Beelzebú pia peayapusu itorobi coyenewa tatsi pexeinaexae pon cauri pia pentacaponaein tatsi’, pana neyabara jam. <sup>19</sup> Icha Beelzebú pia peayapusu itorobi coyeneya tatsi cauri itawetan pon cauri pia pentacaponaein tatsi, ¿nexata eta po peayapusu itorobi coyeneya tatsi painyamonae cauri itaweta? ¿Irru barapomonae cauri itawetatsi Beelzebú pia peayapusu itorobi coyeneya tatsi? Daxota painyamonae paca yaputane xua apara paxam panaerabame. <sup>20</sup> Ichitha nama xan cauri itawetan Nacom pia Pejumope tuxaxu tatsi pia peayapusu itorobi coyenewatha tatsi xua barapo pia pejumope tuxaxu tatsi tanecatsixae. Baxua apara paca tsipaebatsi painya neyaputaenexa,

xua painya xantha patopan ponxaein Nacom Tananeitapetsin.

<sup>21</sup> “Pebin ba pon bo pexeinaein pon xua max<sub>u</sub> daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara xaniwaicha tabobeinchi. <sup>22</sup> Ichitha icha ich<sub>u</sub>n patopa pon beyacaincha max<sub>u</sub> daunwei, bapon ba nawita yawa caiba barapo peopi sojeiwan xua xuan bom<sub>u</sub>x<sub>u</sub> pexeinaein nanta xeina xua barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

<sup>23</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cow<sub>u</sub>ntsiwa tsane. Barapomonae jopa neyawenaeyo xua ichamonae nenacaetutsina tajiwiwonaexae tsane”, jei Jesús.

*Meje yabara poxonae Jesús yabara paeba cauri xua caewa nauyata pebintha (Mt 12.43-45)*

<sup>24</sup> Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. <sup>25</sup> Poxonae caibeya pona cauri caxina, pebin caxinatsi xua xanepanaya popona. <sup>26</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe, beyacaincha bapon pon copiya.

Daxita barapo caurimonae pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

*Meje yabara poxonae Jesús yabara paeba po coyene pepa pejuntũ coyene weiweinaewa*

<sup>27</sup> Poxonae Jesús cataunxuae cueicueijei tsuncuae barapo diwesi, baxota pin bicheitho pet-siriwa jume daunwei wawai Jesthã, jeye:

—¡Maisa ena jũntũ coyene weiweina powayo xua bayatha caexana yawa xua mito caapatano! jei petsiriwa.

<sup>28</sup> Ichitha Jesús barai petsiriwa, jeye:

—¡Bequein barichi, jame yatsicaewa jũntũ coyene weiweina pomonae jume tane xua Nacom paeba xuano xua exana pocotsiwa Nacom itoroba! jei Jesús.

*Meje yabara poxonae pomonae peajũntũcoyenebe jiwi Jesús cui itorobatsi xua peexanaewa tsane pexeinya petsita itũtsi coyenewa (Mt 12.38-42; Mr 8.12)*

<sup>29</sup> Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonae anoxuae jinompa barapomonae peajũntũcoyenebe jiwi. Barapomonae necui itoroba xua bepa pinae tsita exanaein tatsita itũtsi coyenewa xua pexeinya coyenewa. Ichitha jopa exanaein tsane icha tatsita itũtsi coyenewa xua pexeinya coyenewa, saya meisa exanaein icha bayatha jũta coyene cana ichichi Jonás pon Nacom peitorobi jume pepaebin, pon caena bayatha tũpa. <sup>30</sup> Caena bayatha Nínive tomarapiwi Jonás



yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi pomonae anoxuae jinompa barapomonae neyaputane po coyene xua xan Nacom neitorobica peitaboco wetsica.

<sup>31</sup> Matacabi patopeicaena po matacabitha Nacom yabara paebina jiwi xua penatsicuentsiwa daxita peperaxa exanaenexa xua abe peexanaexae. Barapo mataqueitha tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca tajɁ bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueijeji tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajɁntɁcoyenefaetabiya jume tane pocotsiwa Mesías cuiduba bequein Mesías bichocono peyaputaein’, jei tsane barapowa. Barapowa baxua paebina poxoru bapowa bayatha tajɁ werena pona pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinexa Nacom yabara. Nama xote uncuanje ponxaein taexanaein

pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonae cuiduba xua barapowa cuidubatsi xua Nacom yabara. <sup>32</sup> Barichi barapo matabitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Barapomonae baxua exanaena tsipei barapo Nínive tomarapiwi icha jũntũ coyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha jũntũ coyene paxeinaem. Nama apara xote uncuanje ponxaein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha”, jei Jesús.

*Meje yabara poxonae Jesús yabara cuiduba jiwi po coyene xanepanaya peexanaewa pejũntũ coyene wetsina*

*(Mt 5.15; 6.22-23)*

<sup>33</sup> Jesús namchi jiwitha jeye: “Jiton dapon aibi pon pecoicha cueicha exana xua quirei pebũxũ pana wetsina, yawa xua cueicha matabateta cajatha. Jume, jame, asiya cueicha exanatsi xua pecoicha taenexa pomonae jojoneibarena.

<sup>34</sup> Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuereton painya nepaca cayawenaenexa xua beta painya netaewa tsane. Icha painya itacuereton wunaē bara beta pataneme. Ichitha icha painya itacuereton abe jopa beta pataetsipaem. Barichir<sub>u</sub> painya j<sub>unt</sub><sub>u</sub> coyenewan xua painya nenanta xeinaewan. Icha painya j<sub>unt</sub><sub>u</sub> coyenewan xanepanaetsipa bara beta Nacom payabara naj<sub>unt</sub><sub>u</sub> coyene xeinaetsipame. Ichitha icha painya j<sub>unt</sub><sub>u</sub> coyenewan jopa xanepanaetsipae jopa beta Nacom payabara naj<sub>unt</sub><sub>u</sub> coyene xeinaetsipaem. <sup>35</sup> Painya j<sub>unt</sub><sub>u</sub> coyenewan paca cana exanaetsipa xua bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapa-peichipame. Barichi pam, painya xoba paji-nompame icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame. <sup>36</sup> Icha painya j<sub>unt</sub><sub>u</sub> coyene wunaē, xuanō xua jopa paxeinaem peabe coyenewa painya j<sub>unt</sub><sub>u</sub> coyenewa, bara xaniwaicha Nacom payabara yaputaneme icha poxonaē pecoicha paca cana ichi xua beta pataneme”, jei Jesús.

*Meje yabara poxonaē Jesús muxuweta jiwi fariseomonaē ir<sub>u</sub> pomonaē jiwi pecuidubiwi Moisés pia peitorobi coyene tatsi barapomonaē pecuiyainwa tatsi*

*(Mt 23.1-36; Mr 12.38-40; Lc 20.45-47)*

<sup>37</sup> Poxonae Jesús najume weta, fariseomonae jiwana pin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopaewatha. <sup>38</sup> Fariseomonae najuntũ coyene cabenaecaeya necotecataba xua Jesús jopa matha tsiwanaya penacobe quiatsiyoxae poxonae xane icha judiomonae ichi, xua saya pia cui coyene tatsi xua barapomonae nanta xeina icha jopa matha nacobe quiatsiyo Nacomtha natsicuentisipa. <sup>39</sup> Nexata Jesús pon Pecanamataxeinaeinxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperũ iquicame. Daichitha bũpana iya painya jũntũ coyenetha pecaibi coyene paxename, peuwi coyeneno paxename. Be barapocotsi jiwi pam, pocotsimonae coroton saya matawacaicha iquica yawa paratonno, ichitha atutuxuira bichocono. <sup>40</sup> Jopa peyaputae jiwi pam. Nacom exana wapepon yawa exana wajũntũ coyenewa. ¡Baxua payaputanemeba!

<sup>41</sup> Xua xoxi paxeineibame matha abũ copiya pajiwana tsabeibare pomonae peacopeibiwi nexa. Baroxonae xua xoxi nacopabeiba baxua panata copabeibare. Icha bara paichim tsane, bara xaniwaicha pajũntũ coyene xanepaname Nacomtha. Yawa jopa panantawenonaem xua pana nacobe iquiqueibame jiwi peitãtha xua be panatsicotaneme pocotsi pebin pejũntũ coyene wũnaein.

<sup>42</sup> Equeicha Jesús namchi, jeye: “¡Paxam fariseomonaepiwi pam tsobenae, xua peperaxa

peru jubiwa bexa paxeinaename! Daxita xua painya neubiwa Nacom pacatsibeibame caewaxi poxona diez xoyobe paxeineibame. Iru xua tsiwaxino pacatsibeibame. Bequein baxua paexaneibame ichitha Nacom jopa paantobem. Matauta ichamonae jopa xapain pata exanaem. Bewa paexanaem xua Nacom pacatsibeibame caewaxi poxona diez xoyobe paxeiname. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

<sup>43</sup> Bapoxonae Jesús fariseomona barachi, jeye: “¡Paxam fariseomonaepiwi pam tsobena! Bexa paxeinaename xua peperaxa peru jubiwa. Paxam paichichipeibame xua painya nenanta caeneibiwa pexeinya peenaewantha judiomonae pia penacaetutsi botha po peenaewan ichaxota enathopeiba pomonae ainya cui penaexanaewi. Matautano paichichipeibame xua jiwi paca wuna jainteiba poxona paca jacob namtotha, xua jiwi painya nepaca baru itura jinaenexa”, jei Jesús.

<sup>44</sup> Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobena! ¡Iru fariseomona pam tsobena! Poxonae jiton ba pona namtotha jopa tsaqueinaeyo xua jiton piwa baxoyo bocareca mutha deca, xua peayeiwa poxoru jopa wunaeyo. Paxam bara paichim. Jiwi imoxoyo paca caquita pona jopa tsaqueinaeyo xua pocotsiwa painya juntu coyenetha pananta xeiname xua abe xua jopa pecui wunaewiyo”, jei Jesús.

<sup>45</sup> Nexata pomonae jiwi pecuidubiwi Moisés pia

peitorobi coyene tatsi, barapomonaе jiwana caein bapon Jesús baraichi, jeye:

—Jiwi Necuidubin, poxonaе baxua paebame, apara iru pana neyabara jam poxonaе catsawiya paebame, jei.

<sup>46</sup> Nexata Jesús jume nota, jeye:

—iru paxam Moisés pia peitorobi coyene tatsi jiwi pecuidubiwi pam tsobenaem! Tsipei paxam ichamonaе paitorobame xua capona pocotsiwa arewe pocotsiwa jiwi bapana jopa itacupaetsi xua pecaponaewa, ichitha paxam jopa pata yoichaem, matauta bara cae cobesityotha jopa pata yoichaem. Jiton ba itoroba ichantha xua pecaponaenexa pocotsiwa jopa juniya arewiyo, xua pocotsiwa jopa itacupaetsi xua pecaponaewa pon itoroba. Bara paichim paxam ichamonaе pacuidubame xua jopa itacupaetsi xua peexanaenexa baxuan xua pocotsiwa iru xua jopa paca itacupaeyo xua painya neexanaewa baxuan.

<sup>47</sup> “iPaxam patsobenaem! Paxam petupaewi pomonaе Nacom peitorobi jume pepaebiwi payamuthu acabame boutixi bequein painya amo susato jiwi juteba barapomonaе. <sup>48</sup> Poxonaе baxua paexaname, ichamonaе patsita itapeinya xeiname xua paxam bara iru paichichipameru pocotsiwa xua painya amo susato jiwi juteba xua barapomonaе pomonaе Nacom peitorobi jume pepaebiwi jutebatsi. Daxota barapo petupaewi payamuthu acabame boutixi.

<sup>49</sup> “Daxota Nacom peyaputae jumetha namchi: ‘Itorobicaein barapomonaetha taitorobi jume pepaebiwi iru pomonaе taitorobiwi.

Ichamonae pomonae taitorobi jume pepaebiwi jutebinchi. Ichamonae pomonae taitorobi jume pepaebiwi abe exanaeinchi. Ichamonae, pomonae taitorobiwi jutebinchi. Ichamonae, pomonae taitorobiwi abe exanaeinchi', jei Nacom peyaputae jumetha", jei Jesús. <sup>50</sup> Equeicha Jesús namchi, jeye: "Pomonae anoxuae jinompa Nacom cana exanaena xua barapomonae peraxa jubebinchi petsitaxaetsi xua barapomonae penatsicuentsiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonae Nacom aena forota barapo cae pin nacue. <sup>51</sup> Painya amo susato jiwi jujutebapona xua pomonae pejuntũ coyene xeicae jiwi jutebatsi. Copiya matha Abel bexotsi beya poxonae irũũ Zacarías bexotsirũ. Barapon Zacarías pabexubame Nacom pin pia botha ichaxota xua barapo bo tututha naitama taeuncuabe xua be pexaethopaewa xua ichaxota duwei tauteiba Nacom nexa irũ ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonae anoxuae pajinompame paca peraxa jubebina tsipei Nacom patsitame xua paxeiname penatsicuentsiwa xua painya amo susato jiwi pejutebixae barapomonae", jei Jesús.

<sup>52</sup> Equeicha Jesús namchi, jeye: "¡Paxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom paebiyõ. Paxam jopa pajume cowantsim Nacom mataũta jopa pa-

copatsim xua ichamonae iru pejume cowantsiwa Nacom”, jei Jesús.

<sup>53</sup> Poxonae Jesús baxua paeba poxonae cataunxuae jopa natsixatabiyo, fariseomonae iru pomonae jiwi pecuidubiwi Moisés pia peitorobi coyene, daxita barapomonae Jesús bichocono casebatsi. Barapomonae Jesús muxu fayacotatsi xua yainyabatsi nawita, peamuxuconae exanaenexa tsainchi. <sup>54</sup> Barapomonae Jesús piraichi matowa yainyabatsi peyaputaenexa icha Jesús ajumebeya jume bara botsina.

## 12

*Meje yabara poxonae Jesús yabara cueicueijeji jiwitha xua fariseomonae itara beta paeba ichitha jopa xapain exanaeyo*

<sup>1</sup> Poxonae cataunxuae Jesús cueicueijeji tsuncuae, bapoxonae ayei jiwi nacaetutapona Jestustha. Jiwi nataxu taxunaunaba. Jesús tamropata pitaba xua cueicueijeji jiwitha. Copiya matha Jesús pijimonae tsipaeba, jeye: “Dota pam jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Barapomonae itara beta paeba ichitha jopa xapain exanaeyo. <sup>2</sup> Daxita diwesin xua po diwesin bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. <sup>3</sup> Paxam xua po diwesi merawi nameicha pana natsipaebame, barapo diwesi ichamonae mataqueitha jume taena. Matautano



poçotsiwa paxam aisawatha pana namuxu paxa-paxeya tsipaebame, barapo diwesi ichamonae panatha paca jume canawabiya wawai tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina (Mt 10.26-31)*

<sup>4</sup> Equeicha Jesús pijimonaē barai, jeye: “Tamonaē paxam paca tsipaebatsi jopa pacuitaya cunuwinde pomonaē xua itacupatsi xua paca necajutebiwa xua meisa painya pepontha. Ichitha barapomonaē jopa itacupaetsi xua equeicha paca jumopein t̃nax̃ñ jutebina.

<sup>5</sup> Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacupatsi xua painya nepaca bebaiwa pin isototha po pin isototha jopa bapana itacounayiyo xua weraweraca painya nepaca exanaenexa painya pepon. Xaniyan paca tsipaebatsi bewa jame pacunuwim bapon Nacom.

<sup>6</sup> “Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara j̃ntemainaeyo siri, matautano caeyono jopa yabara j̃ntemainaeyo.

<sup>7</sup> Ir̃ñ daxita painya nentanan Nacom daxita mata-paeicha paca matana ununa. Jopa pajunuwinde tsipei paxam Nacom bichocono patsita ainya cuim beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonaē peyabara paebiwichi ichamonae*

*peitabaratha tatsi**(Mt 10.32-33; 12.32; 10.19-20)*

<sup>8</sup> Equeicha Jesús namchi pijimonaetha, jeye: “Yabara paca tsipaebatsi pomonae xua nayopita ichamonaetha, pomonae xua najei: ‘Apara paxan Jesús pijimonaetha tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomonaetha apara tana nejume cowantsiwi, jan tsane xuya barapo Nacom pia matatsunpiwi tatsi peitabaratha tatsi. <sup>9</sup> Ichitha pomonae xua neyabara jei ichamonaetha: ‘Jopa dapon payaitaeinyo’, jei, xan ponxaein Nacom Tananeitapetsin xuya barapomonaetha yabara jan tsane Nacom pia matatsunpiwi peitabaratha tatsi: ‘Apara barapomonaetha jopa yaitaeinyo’, jan tsane.

<sup>10</sup> “Xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara jantemainaewatsi pocotsiwa bapon abe neyabara paeba. Ichitha pon nama Nacom pia Pejumope tñaxu tatsi bichocono abe yabara pae-batsi Nacom jopa bapana yabara jantemainaetha bapon.

<sup>11</sup> “Paca caponaena judiomonaetha pia penacaetutsi bontha ichaxota nacaetuteiba pentacaponae. Paca caponaena pomonaetha pomonae peyabara paebi jiwi xua penat-sicuentiwa xua abe peexanaexae yawa tomara pia pentacaponae peitabaratha tatsi paca caponaena. Poxonae baxua paca exanaena, jopa payabara najuntñ coyene exabinde pocotsiwa xua painya nejume notsiwa xuano xua painya netsipaebiwa tsane barapomonaetha. <sup>12</sup> Poxonae

juntucuru pacaunutsiya paebiname, bapoxonae Nacom pia Pejumoŋe tɨnaxɨ tatsi paca tsijume dubina pocotsiwa painya netsipaebiwa tsane”, jei Jesús.

*Meje yabara poxonae Jesús pijimonaŋe yabara tsipaeba pon copei pexeinaein*

<sup>13</sup> Caein pin bicheithoŋa, bapon Jesús baraichi, jeye:

—Jiwi Necuidubim, taeweicho inta itorobare bu necata xua tawa xua taxa pecopiniwa xua xuan taxa bayatha pana nejantana jeba, jei.

<sup>14</sup> Jesús jume epa pita, jei:

—Maisacai, apara dapon aibi pon necana exana xua xan tapaca yabara paebiwatsi xua painya nenatsicuentsiwa xua abe painya neexanaexae. Matautano apara dapon aibi pon necana exana xua xan be pon tapacata tsabibeiwatsi pocotsiwa painya axa pia pecopiniwan tatsi, xua bayatha paca jantana jebeiba painya axa, jei Jesús.

<sup>15</sup> Yawa Jesús namchi, jeye:

—Dota xua asiwiya paantobem xua xoxi pax-einame. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

<sup>16</sup> Nexata Jesús tsipaeba jiwitha pecayabara jata pepaebi diwesiyo, xua jeye: “Iru matha pebin popona pon copei pexeinaein. Pia pabi tatsi pexaewa tanawetatsi nawita. <sup>17</sup> Pon copei pexeinaein nexata pia coutha nabarai: ‘¿Eta bi-chocuaein tsane? ¿Eta xota jebocuaein pocot-siwan pabitha notan?’ jei. <sup>18</sup> Pia coutha najume nota: ‘Bara yaputan tha xubichi pexaewa

matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan. <sup>19</sup> Nexata najuntũ coyene baran tsane: Bara daxita xeiname ainya wei dapaein nexa. Nafinacaecare, xaibare, apeibareno, juntũ coyene weiweineibare', najei xua najuntũ coyene barai pon copei pexeinaein. <sup>20</sup> Ichitha pon copei pexeinaein Nacom barai bapon, jeye: 'Pebin pon jopa xapain nenanta xeinaem, methaunxuae anoxuae merawi tũpaename. Daxita baxuan xua yabo notame, ¿jintam metha piawa tsane?' jei Nacom. <sup>21</sup> Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pejuntũ coyene tatsi tsocuae xua Nacom jopa pejume cowuntsixaetsi", jei Jesús.

*Meje yabara poxonae Jesús yabara cuiduba po coyene xua Nacom eena pijimonae*  
(Mt 6.25-34)

<sup>22</sup> Bapoxonae Jesús pijimonae tsipaeba, jeye: "Paca tsipaebatsi, jopa bichocono payabara najuntũ coyene exabinde pexaewa xua painya neuna jinompaewa tsane. Barichi jopa bichocono payabara najuntũ coyene exabinde papabũũ xua painya pepon nexa. <sup>23</sup> Pocotsi asũ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irũ, beyacaincha papabũũ xua pepon nexa. <sup>24</sup> Uni payabara yaputaema. Bapomonae jopa ubiyo pabitha. Matautano jopa jotsiyo pocotsiwa penawetsiwa. Jopa xeinaeyo

bomuxun xua pejebinexa pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi. <sup>25</sup> Dapon aibi pon paxam jiwana pon itacupatsi xua xeinaena icha matabi xua po matabitha pepoponaewa tsane poxonaetupaena. Bequein bapon nayabara nantux exaba nawita baxua, ichitha jopa itacupaetsi xua xeinaena caentacabi equeicha. <sup>26</sup> Icha jopa paca itacupaeyo xua paexaname xua be conotha xua caentacabi nexa, zeta xua metha equeicha yabara panantux exabame ichawan xua daunwei bichocono?

<sup>27</sup> “Jame pacayabara nanta xeinare pentonon xua xuwa, xua matono itupana. Pentonon jopa nacuichiyo yawa jopa natsiexanaeyo papaburu penamaxatabinexa. Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tupa. <sup>28</sup> Pentonon, po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wuna barabequein saya pentonon. Barichi Nacom itacupatsi xua beta paca necaenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae be conotha pajume

cowantame Nacom! <sup>29</sup> Jopa payabara najuntũ coyene exabinde pexaewa xuano xua painya neapaewan yabara. Jopa panthũthũ deideijeya jinompaeinde xua ichawa pacayabara nanta xeiname. <sup>30</sup> Tsipei barapo cae pin nacuathe jiwi, saya i baxua pecayabara najuntũ coyene exabi pocotsiwa nantawenona. Ichitha nama paxam painya Axa Nacom panantaũtame pon yaputane daxita pocotsiwa xua xoxi panantawenoname. <sup>31</sup> Meisa saya bichocono pacayabara nanta xeinare xua painya neexanaewa xua Nacom ichichipa waba jiwi xua jiwi wabatsi xua petanaexanaenexatsi pijimonae pomonae itorobiya pecanamataxeinaexae. Icha baxua paexanaename nexata Nacom paca catsibina xua daxita pocotsiwa panantawenoname”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pejũntana jebiwatsi pia nacuatheicha  
(Mt 6.19-21)*

<sup>32</sup> Equeicha Jesús namchi, jeye: “Tamonae pomonae be ovejamonae pam, painya nejunuwi jiwi pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimonae tatsi jiwana pam pomonae pejume cowantsiwichi pomonae itorobiya pecanamataxeinaexae. <sup>33</sup> Pacaenaere xua paxeiname. Barapo paratixi pomonae acopeibiwi pacatsibare. Poxonae baxua paexaname, bapoxonae xuya Nacom athabeicha paca catsibina pocotsiwa xua painya

nepaca jantana jebiwā pocotsiwa xua jopā naxu-biyo. Athabeicha pecaibin jopā patopaeyo painya nepaca caibinexa pocotsiwa pajebame bara xote-icha. Matautano ofo jopā xaeyo pocotsiwa xua pajebame bara xoteicha. <sup>34</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús.

*Meje yabara poxonaē Jesús yabara paeba xua pinae bewa nacui w̄naetichi*

<sup>35-36</sup> Equeicha Jesús namchi, jeye: “Pana najant̄a coyene cui w̄naere xua tapatopaewa tsane. Barapocotsi j̄ta coyeneya paichinde, icha pomonae petanacuichiwi ichi xua nacui w̄naeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwi nacaetuta xua pexaenexa pexaewa poxonaē pebin piowa pita. Bapon nawirena bara werena, pomonae pia petanacuichiwichixaetsi nainya tayausaranaxorenatsi pecoiboto poxonaē bapon patopa pia botha. Barapocotsi j̄ta coyeneya paichinde. Paxam panacui w̄naetsiya jinompare xua tapatopeicaewa tsane. <sup>37</sup> Poxonaē bo pexeinaein patopa icha bapon tane xua pomonae pia petanacuichiwichixaetsi jopā maichiyo bapoxonaē barapomonae j̄nt̄a coyene weiweina. Bara xaniwaicha paca tsipaebatsi bapon pon bo pexeinaeinxae pia petanacuichiwichi cuareba pexaethopaewatha, bapoxonaē apatsina pexaewa. <sup>38</sup> Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei w̄naeyo, ichitha barapomonae pomonae

petanacuichiwi juntu coyene weiweinaetsipa poxonae bo pexeinaein tane xua jopa maichiyo barapomonae. <sup>39</sup> Barichi payaputaema, icha bo pexeinaein yaputaetsipa xua poxonae patopaena pon jiwi pecaibin jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>40</sup> Bara paichinde. Tawanaetha pana nacui wunaere tsipei xan ponxaein Nacom Tananeitapetsin patopeicaein poxonae jopa tsaca payabara jinompaem tsane poxonae jopa payabara nanta xeinaem tsane xua tapatopaewa tsane”, jei Jesús

*Meje yabara poxonae Jesús yabara diwesi paeba ponbe xua bo peyapucaecaeinbe pon xua beta peexanaein, iru xua pon jopa beta peexanaein (Mt 24.45-51)*

<sup>41</sup> Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipaebame, xua pecayabara juta pepaebi diwesiyo, ¿saya meisa paxan nexa? ¿Iru ichamonae nexano? jei Pedro.

<sup>42</sup> Jesús pon Pecanamataxeinaeinxae jiwi, Pedro jume notatsi pecayabara juta pepaebi diwesiyotha peapatopaewa tsane yabara, jeye: “Yabara catsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaecaeinchi, jeye: ‘Inta beta matacapoponde, yawa inta beta pexaewa apare daxita matabi pomonae xua inta nacuita’,



jei bo pexeinaein. <sup>43</sup> Pon bo petayapucaeaein bara j̄nt̄u coyene weiweinaena poxonae patopaena pon bo pexeinaein, petaexaetsi xua bara beta tayapucaeaca bo, xuano bara beta peexanaexae xua bo pexeinaein itoroba. <sup>44</sup> Xaniwaicha paca tsipaebatsi. Bo pexeinaein itorobina, xua pon petayapucaeaeaxaetsi bo, bapon cana exanaeinchi xua equeicha daxita piawa beta petayapu enaewatsi xua xuan xeina pon bo pexeinaein. <sup>45-46</sup> Ichitha ichacuitha pon yapucaeca bo bapon peant̄cuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae. Bapoxonae bapon cueinta pomonae pon bo pexeinaein tanacuitatsi, pebiwi yawa petsiriwaxi. Mataatano bapon nanabanaetsipa nawita ichamonae yawa capatsi nanaexanaetsipano. Bapoxonae bo pexeinaein jemeicha patopaena poxonae pon bo petayapucaeaein jopa w̄nae tsaqueinaeyo. Poxonae barapo hora tsuxubi jopa yaputaeyo yawa poxonae barapo matabi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaeaein icha cana ichichi pomonae jopa pejume cowantsiwi.

<sup>47</sup> “Pon bo yapucaeca, bapon bequein yaputane pocotsiwa pon bo pexeinaein itoroba xua ichichipa, ichitha jopa exanaeyo pocotsiwa itorobatsi, xua bo pexeinaein itoroba. Barapon bichocono peraxa j̄binchi xua jopa peexanaexae pocotsiwa itorobatsi. <sup>48</sup> Ichitha ich̄n pon bo yapucaeca jopa cono yaputaeyo pocotsiwa bo

pexeinaein itoroba yawa itatemaya abe exana. Bequein jopa cono yaputaeyo yawa itatemaya abe exana, ichitha nantawenona xua peperaxa exanaewatsi be conotha, tsipei abe exana be conotha. Pon ba be conotha Nacom yabara yaputaeinchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixae  
(Mt 10.34-36)*

<sup>49</sup> Equeicha Jesús namchi, jeye: “Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tapatopaewaxae jiwi atene tsane icha be ichi poxonae barapo jiwi tautatsi isototha. ¡Maisa metha bayatha bena baxua exanocuaein barapo isoto! <sup>50</sup> Xan barichin tsane daxita matapaeicha aperaxatanein tsane poxonae tɥpaein. Awiya bichocono anthuthɥrewewin xua beya baxua inta exanaena. <sup>51</sup> ¿Pananta xeiname xua xan apara patopan xua jiwi jɥntema pejinompaewa tsane? Apra aibi, jopa baxua tsipatopaeinyo. Apra jame patopeican taexanaenexa po coyene jiwi

naba exanatsi xua daxota ainya bicheiton penaexanaewa tsane. <sup>52</sup> Anoxuae, yawa bexa tsane cinco poyobe cae matabuxxuyō xua bomuxutha jinompa barapomonae nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabuxxuyobe naita aenae-aenei tsanebe. Baxua exanaena xua ichamonae tana nejume cowantsi jiwixae xua iru ichamonae jopa tana nejume cowantsixae. <sup>53</sup> Coxiyan pexanto ita aenae-aenei tsane. Coxiyan xuya pexanto ita aenae-aenei tsainchi. Coxiwa pexantiyo ita aenae-aenei tsane. Coxiwa xuya pexantiyo ita aenae-aenei tsainchi. Iruru pamiyobe naita aenae-aenei tsanebe. Pecopeinyobe naita aenae-aenei tsanebe”, jei Jesús.

*Meje yabara poxonae Jesús diwesi paeba xua jivi itaboco tane peitaboco yaputaenexa (Mt 16.1-4; Mr 8.11-13)*

<sup>54</sup> Yawa Jesús barai jiwitha, jeye: “Poxonae tsaquinaebowa pataneme xua pocotsiwe wejopeine: ‘Ema dawa jopeina’, pajam. Jopa jume bara duneica. <sup>55</sup> Poxonae joibo jopa: ‘Wei imoxoyo’, pajam. Jopa jume bara coicha jopa. <sup>56</sup> Itara mexeya pexeinya juntu coyene paxeiname ichitha peajuntucoyenebe jivi pam. Itaboco yawa irano panaita caewatame painya yaputaetsi icha ema yawa xua icha pexeinya matababi. Ichitha jopa payabara yaputaem xua bequein peitupanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa”, jei Jesús.

*Meje yabara poxonae Jesús paeba xua ichun juntu cui xanepanaya jntema popona cana exana xua pon peitafaetabixaetsi*

*(Mt 5.25-26)*

<sup>57</sup> Equeicha Jesús namchi jiwitha, jeye: “¿Eta xua metha painya coutha beta jopa pana nayabara nanta xeinaem xua icha metha wnae painya neexanaewa? <sup>58</sup> Icha ichun bepaca itoroba paca necaponaenexa pontha pon jiwi peyabara paebin xua penatsicuentsiwa xua abe peexanaexae nexata bapon patsipaebare poxonae cataunxuae namtotha paca baru ecapona xua painya nenaita coxone exanaenexa. Xain bapoxonae bapon jopa paca caponae tsane pontha pon jiwi peyabara paebin xua penatsicuentsiwa xua abe peexanaexae. Tsipei icha bapon bara beya paca caponaetsipa, bapoxonae pon jiwi peyabara paebin xua penatsicuentsiwa xua abe peexanaexae equeicha dabeya policiamonae beya paca itorobichipa. Bapoxonae nama policiamonae jiwi pecubi bo beya paca itorobichipa. <sup>59</sup> Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya abu poxonae panatsipu matomacaename daxita paratixi cuntha po paratixi xua paxeiname”, jei Jesús.

## 13

*Meje yabara poxonae Jesús yabara paeba xua ainya cui xua icha juntu coyene pexeinaewa Nacomtha*

<sup>1</sup> Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonaē, Nacom pin pia botha xua barapo duweimonaē pejutebinexa petautsinexa xua petuxusi exanaenexa Nacom nexa. Ichitha poxonaē cataunxuae baxua exanompa Galilea nacuapiwi pon Galilea nacuapiwi peyanacua ewatsinchi, pon pewan Pilato poxonaē bapon baxua jume taeba, xua Galilea nacuapiwi exanompa Nacom pin pia botha, bapoxonaē bapon pia soldadomonaē itoroba Nacom pin pia bo beya xua pejutebinexatsi Galilea nacuapiwi. Daxita duwei jana, yawa Galilea nacuamonaē jiwi jana cae jana naexananaya, jei barapomonaē.

<sup>2</sup> Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peexanaewixae beyacaincha pomonaē abe peexanaewi pomonaē jinompa Galilea nacuatha? <sup>3</sup> Apara aibi. Icha jopa Nacom patsita xeinaem icha juntu coyene, bara paichipaem, paca weraweraca exanaetsipa. <sup>4</sup> Ichacuitha metha pacui cananta xeiname pomonaē dieciocho poyobe, pomonaē bayatha bomuxutha mata perababatsi xua po botha bichocono taicha po bo pewan Siloé. ¿Barapomonaē mata tsapababatsi bichocono abe peexanaexae beyacaincha pomonaē jinompa Jerusalén tomaratha? <sup>5</sup> Apara aibi. Icha Nacom jopa patsita xeinaem icha juntu coyene, paxam bara paichipaem paca weraweraca exanaetsipa”, jei Jesús.

*Meje yabara poxonaē Jesús yabara paeba higuera nae xua po diwesi pecayabara jnta pepaebi*

*diwesiyo*

<sup>6</sup> Nexata Jesús tsipaeba pecayabara juta pepaebi diwesiyo. Bapon namchi, jeye: “Matha iruru pebin higuera nae xeina po nae ubanota pia pabitha. Barapo pebin pia pabitha pona pia taetsi icha yacuei dubena. Ichitha poxonae tane jopa yacuei dubenaeyo. <sup>7</sup> Nexata pon pabi pexeinaein tsipaeba pontha pon pabi petayapu eenaeinchi, namchi, jeye: ‘Taema acoibi po weibe pabitha poneiban tha bequein taibichi pethei ichitha jopa yacuei dubeneibiyo. Uncataxore. Jopa ichichipaeinyo xua came barapo nae saya uncua ichaxota ubanotinchi icha nae, po nae penacoichi nae’, jei pon pabi pexeinaein poxonae tsipaeba pon pabi petayapu eenaeinchi. <sup>8</sup> Ichitha pon pabi petayapu eenaein jume nota: ‘Tanentacapon-aem, abu barapo nae uncuaena barapo weithe. Tha yaira tabaca nacuenacuena exanaetsi paraparatotha, bapoxonae duwei petasin jebarecaetsi petabaca deca. <sup>9</sup> Metha bapoxonae matono dubenaetsipa icha weitha. Icha jopa matono dubenae tsane icha weitha nexata moya beuncataxotsi’, jei pon pabi petayapu eenaein”, jei Jesús.

*Meje yabara poxonae Jesús axaibi exana yabuyo pentaquei seicae matabitha powayo naepasi xurutsiya pona*

<sup>10</sup> Caentacabitha judiomonae barompaya pia pentaquei seicae matabitha tatsi Jesús cuidubauya Nacom Pejume Diwesi judiomonae pia penacaetutsi botha tatsi. <sup>11</sup> Barapo botha yabuyo eca, powa caena bayatha atene dieciocho po weiyobe. Barapowa naepasi xurutsiya pona.

Barapowa xua juntucuru epasi boipana ajibi.  
<sup>12</sup> Poxonae barapowa Jesús tane, Jesús waba barai, jeye:

—Yabꞑyo anoxuae jopa neraichiwa, bayatha wꞑnaem, jei Jesús.

<sup>13</sup> Nexata barapowa Jesús pecobetha jayaba. Bapoxonae yabꞑyo epasi naroitaba yawa barapowa wꞑnae jainta, Nacom wꞑnae jaintatsi.

<sup>14</sup> Ichitha pon pecanamataxeinaein judiomonae pia penacaetutsi bo tatsi, bapon Jesús casebatsi xua axaibi peexanaexae pentaquei seicae matabitha. Bapon barai jiwitha, jeye:

—Bara irꞑ seis po matabibibe xua be cae semanatha tsoponeibi xua barapo matabintha benacuitatsi. Jame barapo seis matabintha moya papare xua axaibi painya nepaca exanaewa tsane. Nama jopa papatsinde pentaquei seicae matabitha, jei bapon pon pecanamataxeinaein judiomonae pia penacaetutsi bo tatsi.

<sup>15</sup> Bapoxonae Jesús jume nota, jeye:

—Itara mexeya pexeinya jꞑntꞑ coyene painya nexeinaewi ichitha peajꞑntꞑcoyenebe jiwi pam. Ichitha paxam irꞑ panacuitame pentaquei seicae matabitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicae matabitha. <sup>16</sup> Barapowa powayo Abraham pia pemomoxi susatopiwi jiwanawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota irꞑrꞑ barapowa xan axaibi exanan pentaquei seicae mataqueitha, jei Jesús.

<sup>17</sup> Poxonae Jesús baxua caunuta, bapoxonae pomonae Jesús pia peaitafaetabiwichi aura tsumenae. Ichitha daxita jiwi jũntũ coyene weiweina petæxae xua Jesús pexeinya pewanaewa exana.

*Meje yabara poxonae Jesús cuiduba pecayabara jũta pepaebi diwesiyo po peubi xutiyo pewan mostaza xutiyo*

*(Mt 13.31-32; Mr 4.30-32)*

<sup>18</sup> Equeicha Jesús namchi, jeye: “Poxonae Nacom waba jiwi petanaexanaenexatsi pijimonae tatsi, pomonae itorobiya peewatsixae, ¿eta po coyene nacoyene jũpabe? ¿Eta xua paca cuidubinchi xua baxua yabara? <sup>19</sup> Baraxua apara icha be mostaza xutiyo ichi po mostaza xuto pebin uba pia pabitha. Xuwa beya pin nae tsoponae. Pepinnaexae daxota siri exana coton pemaxaranantha. Icha mostaza xutiyo ichi xua beya pin nae tsoponae, bara jũta ichi Nacom pejume cowantsiwi. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba pecayabara jũta pepaebi diwesiyo xua levadura yabara xua pan cotowa exana*

*(Mt 13.33)*

<sup>20</sup> Barichi Jesús namchi, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonae naenaexanapona. ¿Eta po coyene nacoyene jũpabe? <sup>21</sup> Barapo coyene bara jũta ichi icha levadura matawan ichi, pocotsiwa cotowa exana poxonae pan exana. Petsiriwa tres



po tsoropabe trigo xu beno muxuna cauyentaba levadura matawɥn pocotsiwa xua cotowa exana pan. Bapoxonae pentɥɥ naexananaya, cocotowapona tsipei levadura matawɥn muxunaxuba”, jei Jesús.

*Meje yabara poxonae Jesús yabara cuiduba po boupayo tsica boupayo dena*  
(Mt 7.13-14, 21-23)

<sup>22</sup> Poxonae Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano.  
<sup>23</sup> Pomonae Jesús cuiduba barapomonae caein jiwana Jesús yainyabatsi, jeichichi:

—Patatanecanamataxeinaem, ¿saya tsiquimon-aeyo pomonae capanenebiyatsi? jeichichi Jesús.

Nexata Jesús namchi jiwitha, jeye:

<sup>24</sup> —Bequein bichocono ayapube xua naexana Nacom pijimonae pomonae Nacom itorobiya ewata, ichitha bichocono pajɥɥre xua panaexaname Nacom pijimonae tatsi. Baraxua be poxonae pin bicheitomonae ichichipa xua pejojondenaewa tsica boupayo dena. Bichocono ayapube. Bequein barapomonae ichichipaena xua pejojondenaewa tsane ichitha jopa itacɥpae tsainchi. <sup>25</sup> Barapoxonae matabi jopaena po matabitha poxonae pon bo pexeinaein pecoiboto daunwei exanaena. Paxam pomonae aisowatha paumename pecoiboto padacadacatsiname, pajam tsane: ‘Patatanecanamataxeinaem, painta coibo saranaxorena bomɥɥɥ’, pajam tsane. Ichitha bapon paca jume notsina. Jei tsane: ‘Bɥ canta

jopa paca yaitaetsi xua jopa paca yaputaetsi xua ichaxota werena painya neponaewi', jei tsane. <sup>26</sup> Paxam pajam tsane: 'Bara cain bayatha paca barꞥ xainchiba yawa paca barꞥ apatsiba, yawa bayatha jiwi cuidubameba namtotha pata tomaratha', pajam tsane. <sup>27</sup> Ichitha Nacom pon painya Nepacacanamataxeinaein paca jume notsina: 'Aunxuae bayatha paca baraichiba: Bꞥ canta jopa paca yaitaetsi. Jopa paca yaputaetsi xua ichaxota werena painya neponaewi', jan. 'Taxainya weya panatsixibarꞥꞥpare. Apra paxam peajꞥntꞥcoyenebe jiwi pam, xua abe painya neexanaewi', paca jei tsane. <sup>28</sup> Barapoxonae pataename xua Abraham, irꞥ Isaac, irꞥ Jacob, irꞥ daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya. Daxota pawecoyam tsane anaya nantanuweya pana nawano tsaquibasinaename poxoru paca bebai tsane Nacom pia peitorobi nacua weya. <sup>29</sup> Poxoru pinmonae patsina, Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Ichamonae pomonae ena pocotsiwa bereca, barapomonaepiwi patsinano. Ichamonae pomonae pocotsiwa beweyabeicha ena, barapomonaepiwi patsinano. <sup>30</sup> Pomonae xua anoxuae pepawi naexana pomonae jiwi jopa petsita ainya cui jiwichi po cae pin nacuathe

barapomonae Nacom pia peitorobi nacuatheicha peainya cui jiwi tsane. Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonae Jesús Jerusalén tomara-piwi siwa wecoyeichi*  
(Mt 23.37-39)

<sup>31</sup> Barapoxonae fariseo jiwanamonae pata. Jesús tsipaebatsi. Jeichichi:

—Bewa warapaetsipame barapo tomara weya. Dota bepa Herodes cabexubei, jei.

<sup>32</sup> Ichitha Jesús jume nota, jeye:

—Paponare painya netsipaebinexa pon jiwi pemuxujainyabin, bapon Herodes. Pana nejume yopire pajande: ‘Taema anoxuae yawa baya tsane itawetsin caurimonae jiwi weya yawa axaibi exanaein peatenewi. Popobaya tsane wetsin’, jei pajande. <sup>33</sup> Ichitha anoxuae yawa baya tsane nantawenonan xua bara beya Jerusalén tomara beya ponaein namtotha. Barapoxonae popobaya patopiyaein Jerusalén tomaratha. Jopa tana neitacupaexae xua tatupaewa tajm Jerusalén tomara pepuya beya ponxaein Nacom peitorobi jume tapaebin. Bewa tupaein Jerusalén tomaratha, jei Jesús fariseomonaetha.

<sup>34</sup> Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam, pajutebeibame pomonae Nacom pia peitorobi

jume pepaebiwi! ¡Matautano paxam pajutebeibame ibotontha pomonae Nacom pacata itoroba! ¡Maisa bepaca caetucaetuteibinchi, tapaca cayawenaewa tsainchi, icha wacara ichi poxonae nacoxi caetucaetuteta pecuarafetha! ¡Maisa bebarichocuaein tsane daichitha jopa paichichipaem! <sup>35</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equeicha jopa pana netaem tsane, beya abu poxonae pana neyabara jam tsane: ‘¡Maisa bapon jiwi juntu coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 14

*Meje yabara poxonae Jesús axaibi exana pon peru putsuna*

<sup>1</sup> Caentacabi pentaquei seicae matabitha Jesús pona fariseomonae pia pentacaponawewi tatsi jiwanapin pia botha tatsi penanabanaenexa. Baxota fariseomonae ichamonae Jesús amanayabiya tainchi pecui yaputaenexa tsainchi xua exana. <sup>2</sup> Iru baxota pebin patopa ichaxota Jesús naeca. Barapo pebin pon peru putsuna. <sup>3</sup> Nexata Jesús yainyaba pomonae jiwi pecuidubiwi Moisés pia peitorobi coyene, yainyabano fariseomonae, jeye:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae matabitha

jampa? ¿Ichacuitha metha jopa yabara copatsiyo jampa? jei Jesús.

<sup>4</sup> Ichitha barapomonaе moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa. <sup>5</sup> Jesús tsipaeba, barapo fariseomonaetha, jeye:

—Paxam panantawenoname xua panacuitame pentaquei seicae mataqueitha xua poxonaе pa-jutsiname painya nexanto xua poxonaе butecatsi iruba bueyno bara bequein pentaquei seicae mat-acabi, jei Jesús.

<sup>6</sup> Barapomonaе jopa itacupaetsi xua Jesús pe-jume notsiwatsi.

*Meje yabara poxonaе Jesús yabara paeba pomonaе pexaewa petsiwabiwichi penabanaenexa poxonaе pebin piowa pita*

<sup>7</sup> Nexata Jesús tsipaeba barapomonaе pecayabara juta pepaebi diwesiyo pomonaetha pomonaе xua pata penabanaenexa. Baxua tsipaeba poxonaе tane xua barapomonaе nanta caeniya, copiya penabanaenexa. Jesús namchi barapomonaetha, jeye:

<sup>8</sup> —Poxonaе ichun cawaba jinya nena-banaenexa tsane, jopa nantacaecaeinde ichaxota enothopeiba pomonaе peainya cui jiwi. Poxoru metha iruru patopaetsipa pon bichocono jiwi tsita ainya cuichi pon beyacaincha xam. <sup>9</sup> Pon xua cawaba, iru xua wabatsi pon jiwi tsita ainya cui naexanatsi, bapon cabarai tsipae: ‘Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi’, jei tsipae pon xua

paca mata canabane. Nexata icha muxunenetha uranaya ecoundecaetsipame. <sup>10</sup> Daxota poxonae cawaba nenabanaenexa, cotacaya ecareinca necajeinexa poxonae patopa pon paca mata canabane: ‘Tajiton, icha muxunenetha ecare ichaxota xaiba pomonae jiwi tsita ainya cui naexanatsi’, jei. Bapoxonae pomonae pata xua penabanaenexa barapomonae cayaitaena xua xam pon jiwi tsita ainya cui naexaname. <sup>11</sup> Pon pia coutha peainya cui jiton naexana pejuntꞤ coyenetha, Nacom exanaena xua bapon pecui pawj jiton naexanaena. Ichitha pon xua pepawj naexana pejuntꞤ coyenetha Nacom exanaena xua bapon peainya cui jiton naexanaena, jei Jesús.

<sup>12</sup> Yawano Jesús barai pontha pon pexaewa pet-siwabixaetsi, jeye:

—Poxonae pexaewa tsiexaname yawano ichacuitha xua poxonae pin penabanaewa tsiexaname, jopa wabinde jinya jiwimonae penabanaenexa. IrꞤ jopa wabinde eweichomonae irꞤ jinyamonae irꞤ pomonae copei pexeinaewi. Poxoru barapomonae pentoma exanaetsipa xua xuya catsi wabichipa penabanaewa. <sup>13</sup> Jame maisa poxonae jiwi pexaewa tsiexaname yawano ichacuitha pin penabanaewa tsiexaname, wabare pomonae peacopeibi jiwi. Yawa wabare pomonae jopa peainya cui jiwi, irꞤ pejayujayujei jiwino, irꞤ pomonae peitata nacꞤtsi jiwino. <sup>14</sup> Bapoxonae jꞤntꞤ coyene weiweinaename. Barapomonae jopa itacꞤpaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonae jiwi asꞤ exanaeinchi pomonae pejuntꞤ coyene wꞤnae

jiwi, xuano xua exana pocotsiwa Nacom itoroba, jei Jesús.

*Meje yabara poxonae Jesús cuiduba pecayabara j̄uta pepaebi diwesiyo xua pin penabanaewa peexanaewa tsane*

*(Mt 22.1-10)*

<sup>15</sup> Poxonae baxua jume tane, pomonae xua xayena, barapomonae caein jiwana Jesús baraichichi, jeichichi:

—¡Pon xua nanabane Nacom pia peitorobi nacuatheicha tatsi, bapon bichocono j̄untu coyene weiweina! jeichichi Jesús bapon.

<sup>16</sup> Nexata Jesús jume nota, jeye:

—Pebin pin penabanaewa tsiexana jiwi. Barapo pebin itoroba ich̄un, xua pewabinexa ayei bicheito. <sup>17</sup> Poxonae barapo hora tsuxubi poxonae pexaewa nacui w̄naeta, bapon itoroba pia petanacuichinchi xua pewabinexatsi pomonae bayatha wabatsi. Barapon namchi: ‘Pajande jiwi: Antha pajojondena jei. Pexaewa weta jei, pajande’, jei pon mata canabane.

<sup>18</sup> Ichitha daxita barapomonae paeba xua pinae enatsi xua peexanaewa. Ich̄un namchi: ‘Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei.

<sup>19</sup> Ich̄un namchi: ‘Canta diez poyobe comotan buey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>20</sup> Ich̄un namchi: ‘Canta anoxuaetha taseuri pitan. Nexata nejume yopire pinae jopa itac̄upaetsi xua pepatopaewa tsane, jande’, jei. <sup>21</sup> Poxonae caibe nawiya

pon penajume caitorobinchi bapon daxita baxua tsipaeba pia pecanamataxeinaeinchitha. Nexata pon pecanamataxeinaein caseba pomonaetha pomonae bequein pewabixae, xua jopa pepatsixae. Bapon barai pia petanacuichinchi, jeye: ‘Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, penabenaewi caponde, pejayujayujeimonae caponde, pomonae peitata nacutsi jiwi berene caponde’, jei pon pecanamataxeinaein. <sup>22</sup> Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: ‘Tanecanamataxeinaem, xua neitorobame bayatha exanan, ichitha bomuxu jopa tutu canaupaxubiyo, jiwi yayatha’, jei. <sup>23</sup> Nexata bapon jume notatsi pia pecanamataxeinaeinchi: ‘Equeicha nainya ponde tomara cuariya beya po namton pin namtontha, yawa tsiqui namtoxithano tomara cuariya. Baxota jume daunweya itorobare pomonae xua taneme xua pepatsinexa tabotha petutu canaupaxubinexa tsane. <sup>24</sup> Catsipaebatsi, pomonae bequein waban ichitha jopa patsiyo, barapomonae jopa nabanae tsane tabotha’, jei pon pecanamataxeinaein, jei Jesús.

*Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi*  
(Mt 10.37-38)

<sup>25</sup> Pin bicheitomonae Jesús puna poinchi. Jesús napatomeicha necota, namchi barapomonaetha,



jeye: <sup>26</sup> “Icha pebin ichichipa xua tajiwi monae jiwana pin penaexanaewa tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara tajiwi monaepin. Ichitha icha jopa baxua exanaeyo xua bichocono nama tana neantobewa, bapon jopa tajiwi monaeyo. <sup>27</sup> Matautano pon jopa awiya exana ducua-naebiyayeo pocotsiwa itoroban, tsipei jopa beperaxa exanaetsi icha be xua poxonae neichi nexata bapon jopa tajiwi monaepinyo. <sup>28</sup> Poxonae pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecubaponaenexa pomonae nacuita bo. <sup>29</sup> Ichacuitharu saya naewa wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonae pata, barapomonae bo taenota. Poxonae tane barapomonae cui capona, bapon cui caponatsi. <sup>30</sup> Barapomonae namchi tsane, jei tsane: ‘Barapon tamropata pitaba bo xua acaba, ichitha jopa itacupaetsi xua pewetsiwa’, jei tsane”, jei Jesús. <sup>31</sup> Equeicha Jesús namchi: “Iru ru pon jiwi itorobiya pia pepa peewatsinchi ichichipa xua jiwi naba exana ichan beya pontha pon iru jiwi itorobiya pepa peewatsin. Poxonae bapon baxua exana, copiya nanta xeina, najei tsane: ‘Jamaisa, saya beisa diez mil po soldadomonae bicheitobe neyaewat-acua, bapon netsi veinte mil po soldadomonae

bicheitobe yaewatatsi. Metha tamonae jopa inta itacɤpaetsi xua peamanayabiwa barapo veinte mil bicheitho xua taxainya berena ponaena', najei tsane. <sup>32</sup> Icha barapon jopa itacɤpaetsi xua peamanayabiwa, bapon najume caitorobina ichantha, poxonae cataunxuae taju eca, ichan pon icha nacuapiwi itorobiya pia pepa peewatsinchi xua petapaebinexa tsainchi xua jopa penabiwa tsane yabara, xua equeicha jantema pejinom-paenexa. <sup>33</sup> Icha bapon ichi pon jiwi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxeiname, jopa paca itacɤpaeyo xua tajiwimonae painya ne-naexanaewam", jei Jesús.

*Meje yabara poxonae Jesús diwesi yabara paeba xua bequein sare xoya pexaewatha ichitha awiya axaibi*

*(Mt 5.13; Mr 9.50)*

<sup>34</sup> Equeicha Jesús jeye: "Sare beno, bara beno wɤnae. Ichitha icha barapo sare beno jopa abenataeyo, bapoxonae jopa peitacɤpaewatsi xua equeicha peabenataewa. <sup>35</sup> Barapo sare jopa ira nexiyo tsipei naein jopa beta xuwa exanaetsi. Daxota barapo sare jiwi bewa xubi. Icha pamuxu dubename moya pana nejume naitaeware pocotsiwa tapaca tsipaebiwatsi", jei Jesús.

## 15

*Meje yabara poxonae Jesús paeba pecayabara jɤta pepaebi diwesiyo xua oveja pe-eenaein yabara*

*xua poxonae pia oveja taeba**(Mt 18.10-14)*

<sup>1</sup> Pomonae paratixi pentoma noteibiwi, po paratixi jiwi bewa catsibina pon romanomonae itorobiya pia pepa peewatsinchi nexa, iru pomonae abe peexanae cuiru coyene peexaneibiwi daxita barapomonae Jesús imoxoyo caquita umenaruɲɲɲpatsi xua Jesús pejume taenexatsi. <sup>2</sup> Daxota fariseomonae iruru pomonae jiwi pecuidubiwi Moisés pia peitorobi coyene tatsi daxita barapomonae Jesús abe yabara paebatsi. Barapomonae namchi, jeye:

—Barapo pebin napona pomonaetha pomonae abe peexanae cuiru coyene peexanaewi, yawa barapomonaetha nanabane, jei.

<sup>3</sup> Tsipei Jesús yabara paebatsi barapomonae, daxota nexata Jesús tsipaeba pecayabara juta pepaebi diwesiyo jeye: <sup>4</sup> “Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja pewenaweneinexa oveja pon beya matapainya taeba. <sup>5</sup> Poxonae jiton oveja taeba pon aichurucuae, juntu coyene weiweinaya bota peutucuratha. <sup>6</sup> Poxonae jiton oveja capatopa botha bapoxonae piamonae waba pomonae petaenaewichi pia botha, pia jiwi wabano, wabano pomonae petsicuarabu enaewichi. Jiton daxita barapomonaetha barai, jeye: ‘Panebaru juntu coyene weiweinare tsipei oveja bayatha taeban pon bayatha inta aichurucuae’, jei bapon piamonaetha. <sup>7</sup> Xaniyan paca tsipaebatsi. Icha jiton ichi poxonae juntu coyene weiweina petaebixae oveja, barichi pomonae peitaboco

beicha ena. Bapomonaē bichocono jũntũ coyene weiweina poxonaē ichũn Nacom tsita xeinatsi icha jũntũ coyene pon copiya penacui matacaetsin xua abe peexanaē cuiru coyene exana. Barapomonaē bapon yabara toxeinchiya jũntũ coyene weiweinatsi beyacaincha poxonaē yabara jũntũ coyene weiweinatsi pomonaē xua noventa y nueve poyobe jiwi pomonaē xanepanaya peexanaewi, pomonaē jopa Nacom pentichi”, jei Jesús.

*Meje yabara poxonaē Jesús paeba pecayabara jũta pepaebi diwesiyo xua yabũyo yabara xua poxonaē taeba paratiyo*

<sup>8</sup> Equeicha Jesús paeba pecayabara jũta pepaebi diwesiyo, jeye: “Petsiriwa diez po paratiyobe xeina xua pecacomocae paratixi. Cae paratiyo taaichurucuaetsi, daxota pecoicha coicha exana. Bo tutu camona bewayo, beya matapainya taeba. <sup>9</sup> Poxonaē barapowa paratiyo taeba bapoxonaē pia jitowaxi waba, wabano powaxi petsicuarabũ enaewaxichi. Barapowa namchi barapowaxitha: ‘Pana nebarũ jũntũ coyene weiweinare poxoru bayatha taeban paratiyo, po paratiyo bayatha inta aichurucuae’, jei. <sup>10</sup> Paca tsipaebatsi barichi peitabocothaicha Nacom pia matatsunpiwimonaē tatsi bichocono jũntũ coyene weiweina poxonaē ichũn Nacom tsita xeinatsi icha jũntũ coyene pon copiya penacui matacaetsin xua abe peexanaē cuiru coyene peexanaein”, jei Jesús.

*Meje yabara poxonaē Jesús paeba pecayabara jũta pepaebi diwesiyo xua pebin yabara pon pexanto cayabara cui jũntemaina xua abe exana*

<sup>11</sup> Barichi equeicha Jesús paeba icha pecayabara j̄uta pepaebi diwesiyo, jeye: “Jiton xeina pexantobe. <sup>12</sup> Pon xuyapin paxa barai: ‘Axa, necare xua necopiniwa tsane pocotsiwa xua pana nej̄untana jebame bequein cataunxuae poponame’, jei xuyapin. Nexata barapo jumetha coxian pexantobe tsata catabe. <sup>13</sup> Pirapaeyo xuyapin piawa caenaeta xua paxa catatsi. Barapo paratixi cuntha taj̄a beya pona icha nacua beya. Icha nacuatha abe exana. Barapo paratixi cobe caewitatsi xua nasi cui matacaeta yab̄axitha. <sup>14</sup> Poxonae bapon daxita paratixi wetaxuba, ir̄ur̄u mayayo tsuxubir̄u barapo nacuatha, barapon muxu piyain pet̄apae. <sup>15</sup> Nexata bapon jeita penacuichiwa ich̄untha xua barapo nacuatha. Bara barapon itorobatsi xua petayapu eenaenexa marranomona. <sup>16</sup> Bapon piyain ichichipa xane marranomona pexunenowa xua petsebocoton, tsipei bapon jopa catichi pexaewa. <sup>17</sup> Nexata bapon pia coutha nanta xeinanaya najei: ‘¡Maisa taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tat̄apae. <sup>18</sup> Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino. <sup>19</sup> Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane’, najei barapo xuyapin. <sup>20</sup> Nexata bapon paxa beya caibe nawiya.

“Poxonae cataunxuae taj̄a jiniya, paxa taebiyatsi, coxian pexanto yabara nantanuweya cui nanta xeina. Coxian pexanto matenta cuinae-

poinya. Nexata pexanto cobe jayaba. Junt<sub>u</sub> coyene weiweinaya pexanto naisa cateita waetaba peantobexae. <sup>21</sup> Nexata barapo xuyapinxae paxa barai: ‘Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan’, jei barapo xuyapin. <sup>22</sup> Ichitha coxiyan barapo jumetha barai pia petanacuichiwichi: ‘Nainya papire pexeinya paparuwa pamaxatare taxanto. Yawa anillo pacobesi xatare. Yawa pataxu xatare xua penataxu xatatsiwa. <sup>23</sup> Vacayo pebtiyo poyo nasiteca pacarenande. Pabexore. ¡B<sub>u</sub> xainchi! <sup>24</sup> Poxoru barapo taxanto mexeya nacata t<sub>u</sub>pawejan, ichitha anoxuae as<sub>u</sub>. Bayatha nacata aichawiya, anoxuae matapainya netsita patopa’, jei coxiyan. Nexata bapoxonae tamropata notar<sub>u</sub>c<sub>u</sub>pa xua weiweina poxonae xane”, jei Jesús.

<sup>25</sup> Equeicha Jesús namchi, jeye: “I<sub>u</sub>r<sub>u</sub> pin penabanaewa exanompa, i<sub>u</sub>r<sub>u</sub> matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba. <sup>26</sup> Nexata barapon pon matapinxae waba caein pomonae penacuichiwi. Yainyaba, jeye: ‘¿Eta xua juinya busi exanompa?’ jei. <sup>27</sup> Nexata barapon pon penacuichiwi jiwana jume nota. Jeye: ‘Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya as<sub>u</sub>ya pepatopaexae’, jei. <sup>28</sup> Ichitha barapon pon matapinxae barapo jumetha anaepana. Jopa bejoniyaeyo botha. Coxiiyan pesato bejoniya, pexanto jume daunweya waba: ‘Owae, antha,

antha jonarena', jei coxiyan. <sup>29</sup> Nexata barapo coxiyan pexanto jume notatsi: 'Bara xam caena bayatha yaputaneme xua ainya wei cata nacuitatsi yawa jopa cajumefebichi. Ichitha bapana jopa necatsim peweinyo cabritiyo, tajiwimonae tabar<sub>u</sub> nabanaenexa. <sup>30</sup> Ichitha barapo nexanto anoxuae cata patopa, xua jinya paratixi caewitaxuba xua penasi cui matacaetsiwa yab<sub>u</sub>xitha. Xam penacuichiwi itorobame xua vacayo pebtiyo bexubina poyo nasiteca tayapin nexa', jei barapon pon matapinxae.

<sup>31</sup> "Nexata coxiyan jume nota pexanto: 'Owae, apara xam cabar<sub>u</sub> poponeibatsi. Daxita pocotsiwan xeinan, apara bara jinyawa. <sup>32</sup> Ichitha anoxuae w<sub>u</sub>nae nawita xua pin penabanaewa, yawa j<sub>u</sub>nt<sub>u</sub> coyene weiweinaeinchi poxoru barapo neyapin, pon xua mexeya nacata t<sub>u</sub>pawejan, anoxuae as<sub>u</sub> popona. Caena bayatha nacata aichurucuae, yawa anoxuae matapainya naca tsita patopa', jei coxiyan poxonae pexanto tsipaeba", jei Jesús.

## 16

*Meje yabara poxonae Jesús paeba pecayabara j<sub>u</sub>ta pepaebi diwesiyo xua pebin yabara pon jopa xanepanaya peyapucaecaein bo*

<sup>1</sup>Equeicha Jesús tsipaeba pijimonae pecayabara j<sub>u</sub>ta pepaebi diwesiyo. Jesús jeye: "Matha ir<sub>u</sub> pebin popona pon copei pexeinaein. Bapon xeina pon bo petayapucaecaeinchi. Bapon pon copei pexeinaein tsipaebatsi ichamonae xua pinae pon bo petayapucaecaeinx<sub>u</sub>aetsi

jopa pinae xapain exanaeyo, saya pinae abe exana, jei ichamonae. <sup>2</sup> Nexata bo pexeinaein pon copei pexeinaeinxae, bapon waba pia petayapucaeaeinchi bo. Bapon barai pontha pon bo petayapucaeaeinchi, jeye: ‘¿Jame ichamonae jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta comocame. Tsipei jopa becaexanaetsi equeicha xua inta yapucaecame daxita tawan’, jei. <sup>3</sup> Nexata pon bo peyapucaeaeinxae nacui yabara nanta xeina pia coutha, nabarai: ‘¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonae jopa taxeinaewa tsane pocotsiwa taexanaewa? Jopa nebusi coxonaeyo xua naein tauncatsiwa pabitha. Auran tsipae xua saya amanaya i taw<sub>h</sub>queibiwa paratixi. <sup>4</sup> Jaina, bara yaputan xua po coyeneya exanaein poxonae tanecanamataxeinaein necopatsina, xua poxonae jopa xeinaein tsane tanacuichiwa xua ichamonae tanententa wabeibinexa pia botha’, jei. <sup>5</sup> Nexata bapon pon bo petayapucaeaein daxita tamropatsiya wawabapona pomonae pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: ‘¿Eta xoyobe matoma amanayabame xua jopa cataunxuae catsim pontha pon tanecanamataxeinaein?’ jei. <sup>6</sup> Bapon jume nota, pon bo peyapucaeaein, jume notatsi, jeye: ‘Cien po penasi mera bosib<sub>u</sub>be xua pin bosixib<sub>u</sub>n tha baxua catichi, ichitha cataunxuae jopa baxota matomatsinyo barapo penasi mera



bosibun', jei. Pon bo petayapucaeaein xuya jume nota: 'Taema xote xeinanje jinya papera xua tinadutame, cien po nasi bosixibun, jam, xua bexa matomatsiname. Xote nainya ecoundeinque barapo netinadutsiwa, iquinaxore. Icha itaneto dure xua saya cincuenta po penasi mera bosixibube, jande', jei pon bo petayapucaeaein.

<sup>7</sup> Bapoxonae equeicha ichantha yainyaba: 'Incane iru xamdu, zeta xoyobe tanecanamataxeinaein taacoibichi xua catsiname bapon?' jei. Bapon jume nota, pon bo petayapucaeaein jume notatsi, jeye: 'Tha catichi cien po sacube aro sacun', jei bapon. Nexata pon bo petayapucaeaein xuya jume nota: 'Taema xote xeinanje jinya papera xua bayatha tinadutame xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecoundeinque barapo itaneto tsitsinaxore, icha pena netinadutsiwa tinadure xua saya ochenta po sacube, jande', jei pon bo petayapucaeaein.

<sup>8</sup> Ichitha bo pexeinaein yabara paeba pon bo petayapucaeaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonae pia jiwimonae peexanaewa. Daxota paca tsipaebatsi pomonae anoxuae jinompa barapo cae pin nacuathe, pomonae jopa penejume cowantsiwi nama barichi. Barapomonae yabara najantu coyene wnaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cowantsiwi.

9 “Paca tsipaebatsi ichamonae pacatsibeibare paratixi xua painya jiwi painya neexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawenname barapomonae paca matenta weiweinaya wabina po bontha xua ataya tsitecaeya pajinompaenname.

10 “Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua poxonae pin penacuichiwa. 11 Icha paxam jopa xanepanaya patayapuenam xua paratixi xua barapo cae pin nacuathe nexa, Nacom jopa paca itorobiyo xua patayapuenaname xua bapon pia pexeinya pexeinaewa tatsi. 12 Icha jopa xanepanaya payapucaecaem ichun piawa, metha nexata jopa paca catsipae xua painyawa nexa tsane painya neyapucaenaewamxae.

13 “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom”, jei

Jesús.

<sup>14</sup> Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi. <sup>15</sup> Nexata Jesús fariseomonae baraichi, jeye: “Paxam barapomonae pam, xua ichamonae paca yabara nanta xeina xua pejuntũ coyene xanepanae jiwi pam. Ichitha Nacom paca juntũ coyene yaputane xua peajuntũcoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi”, jei Jesús.

*Meje yabara poxonae Jesús diwesi yabara paeba Moisés pia peitorobi coyene tatsi, yawa po coyene Nacom waba jiwi petanaexanaenexatsi pijimonae pomonae itorobiya pecanamataxeinaexae*

<sup>16</sup> Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwí pia pecuidubiwa tatsi, beya Juan patopa. Barapoxonae caena poxonae Juan pozona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimonae tatsi pomonae itorobiya peewatsixae. Jiwi bewa yabara najuntũ coyene sãbi awiya xua pepatsinexa Nacom pia peitorobi nacua beicha tatsi.

<sup>17</sup> “Yapu xanepana xua itaboco yawa ira peweraweracaewa. Nama Nacom peitorobi jume ajumeyapusũ bapana jopa peweraweracaewa bequein bara cae peitorobi coyene”, jei Jesús.

*Meje yabara poxonae Jesús cuiduba xua jiwi piseurixi pepuna penteibiyainwa (Mt 19.1-12; Mr 10.1-12)*

<sup>18</sup> Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peit<sup>u</sup>tha tatsi, tsipei Nacom tsitatsi xua powa copiya bar<sup>u</sup> popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

*Meje yabara poxonae Jesús diwesi yabara paeba xua pon copei pexeinaein ir<sup>u</sup> ich<sup>u</sup>n pon Lázaro*

<sup>19</sup> Equeicha Jesús tsipaeba icha diwesi, jeye: “Matha ir<sup>u</sup> barichi pebin pon copei pexeinaein. Pexeinya paparuwan xua pena paparuwa nama xatabapona. Mata<sup>u</sup>ta daxita matababi peit<sup>u</sup>panae nabanaewa exaneiba. <sup>20</sup> Ir<sup>u</sup> ich<sup>u</sup>n pebin popona, pon pew<sup>u</sup>n Lázaro pon peacopeibin. Bapon Lázaro wan nawita xeina repar<sup>u</sup>totha. Bapon ir<sup>u</sup> eca pon copei pexeinaein pia bo bopatha weya tatsi. <sup>21</sup> Xua pon copei pexeinaein pia pexaethopaewatha taothopeicatsi pexaewa pep<sup>u</sup>ruwan, baraxua Lázaro ichichipa xaiba. Yawa aurimonae pata xua Lázaro pewan daebinexatsi. <sup>22</sup> Icha matababitha Lázaro t<sup>u</sup>pa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Ir<sup>u</sup> pon copei pexeinaein t<sup>u</sup>pa, yawa m<sup>u</sup>th<sup>u</sup>tha xotsi.

23 “Pon copei pexeinaein patopa ichaxota pateiba pomonae pewerapeibiwi barapo petɥpae cuiru coyene nacuatha. Bapon bichocono atene. Bapon athabeicha necoicha. Bapoxonae Abraham tajɥ taebiyatsi asiyeicha, yawa xua Lázaro barɥ equiyatsi. 24 Pon copei pexeinaein wawai: ‘Tamo susato jiwanam, Abraham, necui yabara nanta xeinare. Inta Lázaro itorobinca taneebato memeyatsinexa meratha poxoru bichocono netaxua po isotothe uncuan’, jei. 25 Ichitha Abraham jume nota: ‘Tamonae susato jiwanam, nanta xeinatabare xua caena bayatha poxonae cataunxuae asɥ poponame, xeiname xua acabem xua pocotsiwan ichichipame xua nexeinaewa. Xanepanaya poponame. Ichitha nama Lázaro jopa daichiyo poxonae cataunxuae asɥ popona. Jopa xanepanaya poponaeyo. Xote bapon wɥnae yabara nantanuweya cananta xeinatsi xua peyawenaenexatsi. Ichitha nama xam jopa caraichiyo. Bichocono caperɥ weyawa. 26 Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa itacɥpaetsi xua bara beparecaena nexainya bereca. Iɥɥ pomonae nexainya weruneina jopa itacɥpaetsi xua taxainya betsina pepatsinaenexa’, jei.

27 “Nexata pon copei pexeinaein jume nota: ‘Nexata tamo susatopim cawɥcatsi inta Lázaro itorobare taxa pia bo beya. 28 Baxota xeinan cinco poyobe tayapin jiwi. Abraham Lázarotha najume carure xua bɥ tayapin jiwi jopa pepatsinexarɥ tsane ichaxota uncuan xua bichocono atenein’, jei. 29 Ichitha Abraham jume nota: ‘Apara neyapin

jiwi xeina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwan tatsi. Bu barapomonaē exana pocotsiwa baraxua pejume coya', jei Abraham. <sup>30</sup> Pon copei pexeinaein jume nota: 'Aa, tamo susato jitom, Abraham, ichitha icha petupaewi jiwana caein siwa ponaena barapomonaē beya, barapomonaē jume cowantsina yawa icha juntu coyene pexeinaenexa tsane Nacomtha', jei. <sup>31</sup> Ichitha Abraham jume nota: 'Icha barapomonaē jopa exanaeyo xua peexanaewa pocotsiwa Moisés pia peitorobi coyene tatsi itoroba, xuano xua Nacom peitorobi jume pepaebiwi pia pecuidubiwan tatsi, barapomonaē jopa jume cowantsipae bara bequein Nacom taitorobichipa xua jiwana caein pomonaē petupaewi', jei Abraham", jei Jesús.

## 17

*Meje yabara poxonaē Jesús paeba xua jiton jopa bewa cana exanaē ichantha xua iru abe peexanaewa tsane*

*(Mt 18.6-7, 21-22; Mr 9.42)*

<sup>1</sup> Jesús namchi pijimonaetha, jeye: "Barapo nacuathepiwi ataya xeineiba po jiwi pecana exanaexaetsi xua ichamonae cana exana xua barapo jiwi abe peexanaē cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon cana exana, xua ichun cana exanatsi, xua ichun abe peexanaewa tsane. <sup>2</sup> Metha jame wunaē tsipae xua barapo pebin pin iboto wisi cutsipatsi pin mar mentha barapo iboto cayawa cabutabachipatsino. Tsipei jopa wunaē tsipae xua

bapon cana exana xua ichamonae abe peexanae xuiru coyene exana pomonae cataunxuae aena nejume cowanta. <sup>3</sup> ¡Dota pam, xua jopa bara paichim tsane!

“Icha ichan pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peuraxae xua pacata exana, bapoxonae pacui yabara jantemainare pocotsiwa bapon pacata exana. <sup>4</sup> Bequein bara bapon abe pacata exana, siete po cuiyobe xua cae matabitha, yawa paca tsipaeba siete po jumeyobe, bapon jeye: ‘Maisa auran tsocuae xua abe pacata exanatsi, equeicha jopa pacata abe exanae tsainchi’, jei pon abe exana. Daxota paca jeichi xua nantawenona peyabara jantemainawa baxua xua po coyene bapon pacata abe exana”, jei Jesús.

*Meje yabara poxonae Jesús yabara paeba xua pin pejume cowantsi coyenewa*

<sup>5</sup> Jesús pon Pecanamataxeinaein jiwi, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomona.

<sup>6</sup> Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo jata ichi xua tsica xutiyo ichitha bara paca itacupa xua naewatha painya nejeiwa: ‘Ee, naewa jinya coutha natabu jonde yawa pin mar mene

beya equeicha uncuare', painya nejeiwa. Bapoxonae barapo nae jopa bayatha tsipae poxonae pajam tsipae baxua, jei Jesús.

*Meje yabara poxonae Jesús paeba xua pocotsiwa jiwi bewa exanae pocotsiwa pentacaponaein itoroba*

<sup>7</sup> Equeicha Jesús namchi, jeye: “Metha ba paxam jiwana caein xeina pia petanacuichinchi pon penacuichin bapon ira cacobauya, matauta vaca yapu capopona. Bapoxonae bapon pon penacuichin wexua wenawirena, bo benawirena. Pon paxam jiwana caein metha bapon jopa jei tsipae: ‘Anetha, jondena matha xaema’, jopa jei tsipae bapon. <sup>8</sup> Jame bapon jei tsipae: ‘Pexaewa netsiupain exanare. Inta carena tsaibinde pexaewa pexaethopaewatha poxonae xunaecan. Bapoxonae cotacaya bexa nabanare’, jei tsipae pon paxam jiwana. <sup>9</sup> Pon penacuichin jopa jei tsipaetsi: ‘Jaco xua taneyawenaewam’, jopa jei tsipae pon paxam jiwana. Tsipei saya taexanatsi xua bapon peitorobixae. <sup>10</sup> Icha pon petanacuichin ichi xua taexana peitorobixaetsi pia pentacaponaein, paxam bara jeta paichinde. Poxonae pawetame pocotsiwa Nacom paca itoroba, pajande: ‘Paxan pata nebusi cui tataewimonae pan xuano pata pecui pawi pan, tsipei saya paexanan xua pocotsiwa bewa paexanaein’, pajande”, jei Jesús.

*Meje yabara poxonae Jesús axaibi exana diez poyobe pebiwi, pomonae peperu sawichimonae*

<sup>11</sup> Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona. <sup>12</sup> Poxonae Jesús tsica



tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonaе, ichitha barapomonaе Jesús taju wetaeumendenatsi. <sup>13</sup> Barapomonaе wawai, jeye:

—Jesús, pon Patatanecuidubim, pana neyabara najuntu coyene xeinare jinya pata tana neyawenaenam, jei barapo peperu sawichimonaе.

<sup>14</sup> Poxonaе Jesús tane barapomonaе, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonaе cataunxuae namtotha enapona, bapoxonaе barapomonaе peru jume tsurucpaе xua peperu sawiwatsi barapomonaе. <sup>15</sup> Barapo diez poyobe jiwana caein, poxonaе bapon taeba xua axaibi tsurucpaе, bapoxonaе Jesús beya pona, xua caibeya pona, yawa jume daunweya Nacom wunaе jaintatsi. <sup>16</sup> Barapon pentabocototha uncua Jesús peitabaratha tatsi. Yawa irabe taeuncuareca xua Jesús pejacobinexatsi. Barapo pebin apara pon seicaya Samaria nacuapin. <sup>17</sup> Nexata Jesús namchi, jeye:

—¿Diez poyobe itara axaibi exanan? ¿Incane dapo nueve poyobe jane? <sup>18</sup> Bapon apara penanapaincha jinompaewi jiwana pin. Yawa cou compa caiberena pia wunaе jainchichi Nacom, jei Jesús.

<sup>19</sup> Nexata Jesús equeicha pebin baraichi, jeye:

—Nontaponde pondeno, bayatha axaibim tana neyabara jume cowantsixaemxae xua bara tana neitacupaewa xua axaibi tacaexanaewatsi, jei Jesús.

*Meje yabara poxonae Jesús yabara paeba po coyene xua poxonae Nacom itorobiya ewatsina jiwí (Mt 24.23-28, 36-41)*

<sup>20</sup> Fariseomonae Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jeichichi barapomonae Jesús.

Jesús jume nota, jeye:

—Poxonae Nacom itorobiya ewatsina jiwí, barapo coyene jiwí jopa itacapaetsi xua petaewa baxua. <sup>21</sup> Daxota jiwí jopa jei tsane: ‘Baraxote bayatha patope’, jopa jei tsane. Matautano jopa jei tsane ‘Xoteiche bayatha patope’, jopa jei tsane. Tsipei apara po coyene xua Nacom itorobiya ewatsina jiwí barapo coyene patopa jiwí. Daxota Nacom juntu coyene itorobiya ewatsina jiwí pomonae pejume cowantsiwixaetsi Nacom, jei Jesús.

<sup>22</sup> Nexata Jesús barai pijimonae, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename caentacabi xua barapo matacabin jiwana. Dapo jumetha jopa painya nepaca itacapaewa tsane xua painya tana netaewam tsane xuano xua caentacabi xua barapo matacabin jiwana.

<sup>23</sup> Ichamona paca jei tsane: ‘Baraxote bayatha patopa bapon’, paca jei tsane. Ichacuitha paca jei tsane: ‘Baraxoteicha bayatha patopa bapon’, paca jei tsane, ichitha jopa paponaeinde bara beya yawa jopa pajume cowantsinde. <sup>24</sup> Icha

yamuxu ichi xua jemeicha yacoicha uncueica, xua coicha nayotaxuba itabocototha, barichi tsane po matabitha poxonae patopeicaein ponxaein Nacom Tananeitapsin. <sup>25</sup> Ichitha copiya nantawenona xua neperaxa jubina ichamonae. Yawa neitawetsinano pomonae xua anoxuae jinompa. <sup>26</sup> Icha matha ichi poxonae Noé caena bayatha popona jiwi jopa tsaqueinaeyo xua Nacom pin awabo exanaena methaunxuae. Saya barompaya icha juntu cuitha jinompa daxota jiwi werapa. Barichi jata ichi tsane poxonae patopeicaein barapo cae pin nacuathe xua ponxaein Nacom Tananeitapsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowuntsiyoxaetsi. <sup>27</sup> Pomonae jinompa poxonae Noé popona, barapomonae juntea nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxonae po matabitha Noé pin jera naetha joniya. Barapoxonae pin ema mu jopa. Daxita Noé wepu bunothopatsi pomonae jinompa poxonae Noé popona. <sup>28</sup> Barichiru jiwi pocotsiwa ichamonae exana poxonae ichun pebin popona pon pewun Lot. Barapomonae nabaneiba, yawa apeiba, yawa comaqueiba, yawa caenaeteiba, yawa pexaewa ubeiba, yawa bomuxun acabeiba. <sup>29</sup> Poxonae bapon Lot Sodoma tomara wenaetabiya, barapoxonae iso itere mu, mu othopeica tomaratha, yawa pocotsiwa be ibo puru baxua itaboco weothopeicano xua bichocono atou. Daxita Sodoma tomarapiwi

werapa. <sup>30</sup> Icha Sodoma tomaratha ichi xua jemeicha iso itere mꞰ, mꞰ othopeica yawa xua jemeicha ibo pꞰꞰ itaboco weothopeica, bara jꞰta ichin tsane jemeicha patopeicaein ponxaein Nacom Tananeitapetsin poxonae jiwi tsita naitatsin.

<sup>31</sup> “Barapo matakabitha icha ichꞰn bo matatupatha uncu, barapon jopa bewa botha jonyae tsane xua penotsiwa tsane pocotsiwa tabobeinchi bomꞰꞰ tututha. IrꞰ pon pabitha popona jopa bewa caibeya ponae tsane botha, saya jame nainya benaetsiricuaena. <sup>32</sup> Pacui yabara nanta xeinare Lot piseuri tatsi xua tꞰpa poxonae jopa nainya naetsiricuaeyo piawan caibe pesiwa necoyaexae. <sup>33</sup> Pon naantobeya nata exana pocotsiwa bapon ichichipa, bapon jopa xeinaeyo peajꞰntꞰyapꞰꞰwa po peajꞰntꞰyapꞰꞰwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajꞰntꞰyapꞰꞰwa, po peajꞰntꞰyapꞰꞰwa ataya tsiteca xua Nacom pia nacua beicha.

<sup>34</sup> “Paca tsipaebatsi po mataqueitha patopaein, ainya pebinbe ponbe xua nanta jꞰpaya maitecabe, caein matatsunpin pichina, pon pejume cowꞰntsixae Nacom. IchꞰn saya cuenta ponaeinchi jopa pejume cowꞰntsiyoxae Nacom. <sup>35</sup> IrꞰꞰ ainya yabꞰyobe nacuara yacatoyorobauyaenabe, ichowa matatsunpin pichina pejume cowꞰntsixae Nacom. Ichowa saya cuenta ponaeinchi jopa pejume cowꞰntsixae Nacom. <sup>36</sup> IrꞰꞰ ainya pebinbe nacuara nacuitauyaenabe pabitha, ichꞰn matatsunpin

pichina, ichan saya cuenta ponaeinchi”, jei Jesús.

<sup>37</sup> Poxonae baxua Jesús pijimonae jume tainchi, Jesús yainyabatsi jeichichi, jeye:

—Pata Tanecanamataxeinaem, ¿exota metha baxua exanaena? jeichichi pijimonae.

Jesús pijimonae jume nota pecayabara j̄ta pepaebi diwesiyotha, jeye:

—Quequeremonae ba nacaetuta ichaxota baurin boca. Bara j̄ta paichim tsane paxam pomonae tana nejume cowantsi jiwi pam pana newnae ewatsiname po mataqueitha patopeicaein, barapo mataqueitha panacaetutsiname, jei Jesús.

## 18

*Meje yabara poxonae Jesús paeba pecayabara j̄ta pepaebi diwesiyo xua yab̄yo yabara powa pecuenta t̄paewayotsi piseuri xua ir̄ pon jiwi peyabara paebin xua penatsicuentsiwa xua abe pe-exanaexae*

<sup>1</sup> Jesús pijimonae tsipaeba pecayabara j̄ta pepaebi diwesiyo xua pecuidubinexa, jeye: “Paxam daxita matabi bewa paw̄queibim Nacom. Painya xoba paajunt̄coyenefaetabim tsaibim poxonae paw̄queibame”, jei Jesús.

<sup>2</sup> Equeicha Jesús pijimonae barai, jeye: “Matha ir̄ tomaratha popona pon jiwi peyabara paebin xua penatsicuentsiwa xua abe peexanaexae. Bapon jopa Nacom cunuwichi. Yawa bapon jopa beta yabara nanta xeinaeyo jiwitha xua peyawenaenexa.

<sup>3</sup> Barapo tomaratha ir̄ tomaratha popona petsiriwa, powa pecuenta t̄paewayotsi piseuri. Barapowa siwa poneiba pontha pon

jiwi peyabara paebin xua penatsicuentisiwa xua abe peexanaexae. Barapowa jei tsaibi bapontha: ‘Neyawende, ichun inta abe exana’, jei tsaibi. <sup>4</sup> Pon jiwi peyabara paebin xua penatsicuentisiwa xua abe peexanaexae bapon ainya maticabin juntucuru jopa beexaneibiyo pocotsiwa barapowa w<sub>u</sub>queiba. Ichitha bapon matapainya nanta xeina. Najei: ‘Xan apara jopa Nacom cunuwinyo. Mataata jopa beta tayabara nanta xeineibin jiwi xua tayawenaenexa. <sup>5</sup> Ichitha barapo pecuenta t<sub>u</sub>paewayotsi piseuri matowa nefayacota daxota neamuxufaetabi exana. Metha moya barapowa yawenaein, xua equeicha barapowa jopa penesiwa ponaenexa, tsipei bichocono amuxufaetabin’, najei pon jiwi peyabara paebin xua penatsicuentisiwa xua abe peexanaexae”, jei Jesús.

<sup>6</sup> Jesús pon Pecanamataxeinaein jiwi equeicha namchi, jeye: “Baxua apara pocotsiwa paeba pon jiwi peyabara paebin xua penatsicuentisiwa xua abe peexanaexae xuano pon jopa beta yabara nanta xeinaeyo jiwitha xua peyawenaenexa. Pajume naitaeware pocotsiwa bapon paeba. <sup>7</sup> ¿Eta xua metha pananta xename? ¿Metha bara Nacom came bayatha tsaibi poxonae jiwi yaweneibatsi pomonae xua pew<sub>u</sub>queibixaetsi? ¡Jume, apara! Nacom nainya jiwi yaweneiba poxonae barapo jiwi abe exaneibatsi ichamonae, beyacaincha xua barapowa yawenatsi. Jame yatsicaewa Nacom yaweneiba pomonaetha pomonae peitapetsixae pew<sub>u</sub>queibixaetsi merawitha yawa mataqueithano. <sup>8</sup> Paca tsipaebatsi xua Nacom jopa bayatha tsaibiyo xua peyaweneibinexa

pomonaē nejume cowanta. Xan ponxaein Nacom Tananeitapetsin poxonaē patopeicaein, ¿metha bara pin bicheito taeyopeicaein jampa, pomonaē xua xanepanaya beta tana nejume cowantsiya jinompaewi pomonaē Nacom pewa<sub>u</sub>queibiwichi?” jei Jesús pijimonaetha.

*Meje yabara poxonaē Jesús paeba pecayabara j<sub>u</sub>ta pepaebi diwesiyo yabara xua fariseomonaē ir<sub>u</sub> pon paratixi matoma penoteibin*

<sup>9</sup> Jesús icha pecayabara j<sub>u</sub>ta pepaebi diwesiyo tsipaeba pomonaetha pomonaē jiwī peaebiwi pomonaē xua nayabara nanta xeina xua pinae beta jume cowanta xua pinae ichamonaē jopa daichiyo. <sup>10</sup> Jesús namchi, jeye: “Ir<sub>u</sub> ainya pebinbe Nacom pin pia bo beya ponabe, xua baxotiya pew<sub>u</sub>caenexabe Nacom. Ich<sub>u</sub>n fariseomonaepin, ich<sub>u</sub>n bapon jiwana pomonaē paratixi pentoma noteibiwi po paratixi jiwī bewa catsibina pon romanomonaē itorobiya pia pepa peewatsinchi nexa. <sup>11</sup> Fariseomonaepin nantacotuncua yawa pent<sub>u</sub>totha w<sub>u</sub>ca Nacomtha. Poxonaē tsipaeba Nacom, jeye: ‘Nacom meisa xam nej<sub>u</sub>nt<sub>u</sub> coyene xanepanaein. J<sub>u</sub>nt<sub>u</sub> coyene weiweinan xua tana neyawenaewam tsipei xan jopa be ichamonaeyo pomonaē xua jiwī peabiwi, yawa xua peabewi, xuano xua penasi cui matacaetsiwi yab<sub>u</sub>xitha. Mata<sub>u</sub>tano xan jopa dapomonaē jiwanyo pomonaē xua paratixi pentoma noteibiwi po paratixi jiwī bewa catsibina pon romanomonaē itorobiya pia pepa peewatsinchi nexa. <sup>12</sup> Xan cayabara

nainbotatsi ainya cuiyobe xua cae semanatha, beta tacaw<sub>u</sub>queibinexatsi. Mata<sub>u</sub>tano cae paratixi jiwana wetsabeiban xam nexa poxonae diez po paratiximonaebe xeineiban. Yawano daxita xua xeinan baxuano jiwana tsaban xam nexa', jei fariseomonaepin. <sup>13</sup> Ichitha pon paratixi pentoma noteibin auranaya taj<sub>u</sub> beuncuiya. Saya irabe necoreca yawa jopa athabe necoichaeyo. Saya <sub>u</sub> penantanuweya penanth<sub>u</sub>th<sub>u</sub> jayabi abe peexanaeinxae. Bapon Nacom w<sub>u</sub>ca, jeye: 'Jaibo, Nacom neyabara naj<sub>u</sub>nt<sub>u</sub> coyene cui xeinare xua tana neyawenaewam tsane bequein bara taaj<sub>u</sub>nt<sub>u</sub>coyenyapubein', jei pon paratixi matoma penoteibin. <sup>14</sup> Barapon pon paratixi penoteibin poxonae najume weta xua w<sub>u</sub>ca Nacom, nawiya pia bo beya. Paca tsipaebatsi xua barapon Nacom tsitatsi xua jopa xeinaeyo xua penatsicuentsiwa xua abe peexanaexae. Ichitha fariseomonaepin jopa daichichi tsipei bapon awiya peaj<sub>u</sub>nt<sub>u</sub>coyenebein. Pon xua pia coutha peainya cui jiton naexana pej<sub>u</sub>nt<sub>u</sub> coyenetha, Nacom exanaena xua bapon pecui pawi jiton naexanaena. Ichitha pon xua pepawi naexana pej<sub>u</sub>nt<sub>u</sub> coyenetha, Nacom exanaena xua bapon peainya cui jiton naexanaena", jei Jesús.

*Meje yabara poxonae Jesús jeye pexuitha:  
 "Barab<sub>u</sub> Nacom beta paca yawenaena", jei  
 (Mt 19.13-15; Mr 10.13-16)*

<sup>15</sup> Nexata jiwi Jesús tacaponatsi pexui, xua Jesús pejayabinexa pecobetha yawa xua Nacomtha petaw<sub>u</sub>caenexa barapo pexui xua pejeinexa: "Barab<sub>u</sub> Nacom beta paca



yawenaena”, pejeinexa. Ichitha Jesús pijimonae tatsi poxonaе baxua tane, tamropata notar<sub>н</sub>с<sub>р</sub>a xua barapomonaе cui matawentatsi pomonaе pexui carendena tsaibi. <sup>16</sup> Ichitha Jesús waba pexui. Jesús pijimonae barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaе nexa pomonaе pej<sub>н</sub>т<sub>н</sub> coyene xanepanaewi icha pexui ichi. Pexui pia cui xua tayapu xanepanatsi xua pia j<sub>н</sub>т<sub>н</sub> coyeneintha jume cow<sub>н</sub>та Nacom. <sup>17</sup> Xaniyan paca tsipaebatsi. Pon jopa yabara jume cow<sub>н</sub>tsiyo xua icha be jopa pexui ichiyo xua ba pexui tayapu xanepanatsi xua jume cow<sub>н</sub>та, bapon bapana jopa naexanae tsane Nacom pijimonae tatsi pomonaе Nacom itorobiya ewata, jei Jesús.

*Meje yabara poxonaе pewowin pon copei pexinaein Jesús tsipaebatsi*

*(Mt 19.16-30; Mr 10.17-31)*

<sup>18</sup> Caein pon pentacaponaewi jiwanapin bapon Jesús yainyabatsi, jeichichi:

—Ja Tanecuidubim, maisa nej<sub>н</sub>т<sub>н</sub> coyene w<sub>н</sub>naem. ¿Eta xua copiya matha exanocuaein xua aj<sub>н</sub>т<sub>н</sub>yap<sub>н</sub>у<sub>н</sub>ya tapoponaewa tsane xua ataya tsane? jei.

<sup>19</sup> Jesús jume epa pita, jeye:

—¿Eta xua nebaram: ‘Nej<sub>н</sub>т<sub>н</sub> coyene xanepanaem’, jam? Apara ich<sub>н</sub>n dapon aibi pon pej<sub>н</sub>т<sub>н</sub> coyene xanepanaein. Jame meisa apara bapon Nacom compa pej<sub>н</sub>т<sub>н</sub> coyene xanepanaein. <sup>20</sup> Xam yaputaneme po coyene

Moisés pia peitorobi coyenewatha itoroba xua jeye: ‘Jopa ichowa pichinde ichan piowa tatsi, jopa ichan bexubinde, jopa caibinde ichan piawan tatsi, jopa naerabiya cayabara paebinde pocotsiwa ichamonae exana. Axatha jume baru cui itura jinare. Matautano enatha jume baru cui itura jinare’, jei Moisés, jei Jesús.

<sup>21</sup> Pon pentacaponaein jume epa pita, jeye:

—Daxita caena bayatha barapo coyenein exaneiban, poxonae pexuyothan tamropata pitaban, beya anoxuae yacuiya pinyon, jei.

<sup>22</sup> Poxonae Jesús baxua jume tane, Jesús barai, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyonexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha, pocotsiwa Nacom necajuntana botsiwa pocotsiwa bichocono wanae, jei Jesús.

<sup>23</sup> Poxonae barapo pebin jume taeba, bichocono juntu wecoyei, tsipei bichocono copei pexeinaein.

<sup>24</sup> Poxonae Jesús tane xua barapon juntu coyene wecoyei, Jesús barai, jeye:

—¡Maisa bichocono ayapubecai xua copei pexeinaewi naexana Nacom pijimonae tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom

antobetsi. <sup>25</sup> Nama bichocono acuiruyapube xua duwein pon pew<sub>HN</sub> camello xua bapon pejoniyaewa acuicheto peetab<sub>H</sub> wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonae tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetab<sub>H</sub> wan iya pejoniyaewa, jei Jesús.

<sup>26</sup> Pomonae xua baxua jume taer<sub>HC</sub>pa, barapomonae Jesús yainyabatsi, jeye:

—Baropoxonae ¿jintam metha nexata itac<sub>CP</sub>atsi xua penacapanepaewa pia coutha? jei barapomonae.

<sup>27</sup> Jesús jume nota, jeye:

—Pebiwi ba jopa itac<sub>CP</sub>paetsi xua baxua exana, saya jame meisa Nacom compa itac<sub>CP</sub>atsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

<sup>29</sup> Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonae peyabara cueicueijeixae po diwesi xua Nacom waba jiwi petanaexanaenexatsi pijimonae tatsi pomonae itorobiya peewatsixae. Nacom beta cana exanaena barapomonae pia bon pecuenta ponaexae, yawa piseuri pecuenta ponaexae. Matautano beta cana exanaena pomonae peweichowi pecuenta ponaexae.

Matautano beta cana exanaena pomonae pamchowi pecuenta ponaexae. Matautano beta cana exanaena pomonae paxei jiwi pecuenta ponaexae, matautano peniwi pecuenta ponaexae. Matautano beta cana exanaena pomonae pia pexui pecuenta ponaexae. <sup>30</sup> Barapomonae barapo coyenein exana taneantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntucoyeneyapuswa po peajuntucoyeneyapuswa ataya tsiteca, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena (Mt 20.17-19; Mr 10.32-34)*

<sup>31</sup> Baropxonae Jesús pijimonae compa waba aisowa beya xua pomonae doce poyobe tatsi. Jesús barai barapomonae, jeye: “Anoxuae ponaeinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaebiwi newanae tsiwanaya yabara tina xua xan ponxaein Nacom Tananeitapetsin. <sup>32</sup> Yawa necaenaetsina pomonaetha pomonae penanapaincha jinompaewi, xua icha nacua werena peponaewi xua barapomonae tanecui caponaenexa. Matautano abe neyabara paebina. Yawa neyabara naone subabina. <sup>33</sup> Yawa necuainchina, barapomonae nebexubina. Daichitha poxonae acoibi po matabibibe yapu

caewina equeicha asu neexanaena petupaе cuiru coyene weya”, jei Jesús.

<sup>34</sup> Ichitha Jesús pijimonae tatsi jopa yaputaeyo baxua xua pocotsiwa Jesús pijimonae tsipaeba. Barapomonae jopa jume ita cui cupaetsi poxoru Jesús barompaya nabaru jume yabara canamchi, baxua barapomonae taayapubetsi bichocono.

*Meje yabara poxonae Jesús Jericó tomaratha ax-  
aibi exana pon peitata nacutsin*

*(Mt 20.29-34; Mr 10.46-52)*

<sup>35</sup> Poxonae Jesús itiya pona Jericó tomara, pon peitata nacutsin namtotha eca, yawa jiwi wuqueibeca paratixi. <sup>36</sup> Poxonae bapon ponxae peitata nacutsin jume tane xua juinya pin bicheito pona, bapoxonae bapon yainyaba, ichamonae yainyabatsi, jeye: “¿Eta xua metha juinya pin bicheito pona?” jei pon peitata nacutsin. <sup>37</sup> Bapon ponxae peitata nacutsin jume notatsi, jeye: “Apara Jesús, Nazaret tomarapin xote imoxoyo patope”, jei. <sup>38</sup> Nexata bapon pon peitata nacutsin jume daunweya wawai, jeye:

—Jesús, David pia pemomoxi susato jiwanaпim, ponxaem Nacom necaitapetsim neyabara najuntu coyene xeinare jinya tana neyawenaenexam, jei pon peita nacutsin.

<sup>39</sup> Pomonae xua pin bicheito matacae-  
napoinchi, barapomonae pon peitata nacutsin jume matawentatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanaпim ponxaem Nacom Necaitapetsim

neyabara najuntɔ coyene xeinare jinya tana neyawenaenam, jei pon peitata nacɔtsin.

<sup>40</sup> Nexata Jesús naruntaba. Jesús namchi, jeye:  
—Painta maxɔ xawena, jei.

Poxonae pon peitata nacɔtsin imoxoyo patopa Jesustha, Jesús yainyaba, barai, jeye:

<sup>41</sup> —¿Eta xua jinya tacata exanaetsi? jei.

Pon peitata nacɔtsin jume nota, jeye:

—Jesús Tananecanamataxeinaem, benecotsin cuinaya, jei.

<sup>42</sup> Jesús jume nota, barai, jeye:

—Moya necore antha. Axaibi caexanatsi tana neyabara jume cowantsixaemxae xua bara tana neitacɔpaewa xua tacayawenaewatsi, jei.

<sup>43</sup> Caena nainya bapon necotaxuba. Yawa Jesús puna poinchi. Mataɔtano Nacom wɔnae jaintatsi. Poxonae pin bicheito baxua cui tane, irɔrɔ daxita barapo bicheito Nacom wɔnae jaintatsi.

## 19

### *Meje yabara poxonae pebin pon pewɔn Zaqueo Jesús jume cowɔntatsi*

<sup>1</sup> Jesús Jericó tomaratha patopa. Bapoxonae bapon barapo tomara xenta iya. <sup>2</sup> Baxota Jericó tomaratha pebin popona, pon copei bichocono pexeinaein. Bapon pewɔn Zaqueo. Bapon pon pecanamataxeinaein pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. <sup>3</sup> Barapon Zaqueo bequein ichichipa xua Jesús peyaitawatsi, ichitha Jesús jopa taetsi tsipei

pin bicheito, matautano poxoru Zaqueo xataxatequeca. <sup>4</sup> Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncua ichaxota Jesús pon-aena, xua Jesús barapo naetheicha xaniwaicha peyaitaenexatsi. <sup>5</sup> Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:

—Zaqueo, nainya ecoinca tha jinya botha ecaetsi anoxuae, jei Jesús.

<sup>6</sup> Bapoxonae Zaqueo nainya dunatabica. Matautano Jesús matenta weiweinaya wabatsi pia botha. <sup>7</sup> Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa ponae barapo botha, tsipei bapon abe peexanae cuiru coyene peexanaein, jei barapo bicheito.

<sup>8</sup> Nexata Zaqueo nantacotuncua pia botha, yawa jeye Jesthath:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopeibiwi. Matautano pomonae xua naerabiya wucan cae paratixi equeicha caewa tha catsibichi cuatro po paratixibe, jei Zaqueo.

<sup>9</sup> Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jiwanam.

<sup>10</sup> Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae





nacuatha tatsi. Pomonae bapon casebatsi, barapomonae itoroba ichamonae xua pecoyo wepetaiyaenexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaem jiwi itorobiya pia pepa neewatsin, taema, apara bapon piamonae aichaxaibichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

<sup>15</sup> “Daichitha barapon cana exanatsi, pon jiwi itorobiya pia pepa peewatsinchi, xua ichan cana exana pon iru jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuatha patopa bapon waba pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba. <sup>16</sup> Pon copiya patopa bapon namchi: ‘Tanecanamataxeinaem, po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban’, jei pon copiya patopa. <sup>17</sup> Pon pecanamataxeinaein jume nota, jeye: ‘Maisa xam beta exaname pon inta nenacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi’, jei. <sup>18</sup> Iru icha petanacuichinchi patopa. Bapon jeye: ‘Tanecanamataxeinaem,

po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe', jei. <sup>19</sup> Pon pecanamataxeinaein jume nota. Bapontha jeye: 'Xam pentacaponaein caexanaeinchi xua necanamataxeinaenexa cinco po tomariyobepiwi', jei.

<sup>20</sup> "Ir<sub>H</sub> icha pia petanacuichinchi patopa, bapon jeye: 'Tanecanamataxeinaem, taema xote xeinanje jinya paratiyo, cata mata quiyontabatsi painyaweratha. <sup>21</sup> Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa ubim', jei. <sup>22</sup> Nexata pon jiwi itorobiya pia pepa peewatsinchi namchi: 'Bepa maisa dapon abem. Apara xam jinya coutha nanatsicuenti exaname abe nepaebixae. Xam yaputaneme xua xan pon jopa jiwi juniya taitorobeibin, xuano xua pexaewa naweta tanoteibiwa xua ichaxota jopa tacoya ubeibinyo, matautano xua ichamonae cobe itorobeiban xua noteiba pocotsiwa jopa tawiyo. <sup>23</sup> Tsipei catsawiya neyabara nanta xeiname xua bichocono daunweya itoroban daxota bayatha inta bewa barapo paratiyo banco botha botsipame xua equeicha poxonae patopan, icha paratiyo equeicha matoma xeinaetsipan xua equeicha inta pemataropeichabotsixae tsipae poxonae ichamonae nacowaeta barapo paratiyo', jei. <sup>24</sup> Pon jiwi itorobiya pia pepa peewatsinchi barai, pomonae xua ena baxota baraichi:

‘Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina’, jei pon jiwi itorobiya pia pepa peewatsinchi. <sup>25</sup> Pomonae ena, barapomonae jume epa nota, jeye: ‘Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apara diez po paratixibe xeina’, jei barapomonae. <sup>26</sup> Pon jiwi itorobiya pia pepa peewatsinchi barapomonae jume notatsi, jeye: ‘Paca tsipaebatsi, pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. <sup>27</sup> Yabara paca tsipaebatsi pomonae taneaitafaetabi jiwi. Barapomonae neaichaxaibi xua jiwi itorobiya pepa taewatsin tanecana exanaewa. Barapomonae pacarenenande ichaxota ecan. Barapomonae pajutebare ichaxota ecan’, jei pon jiwi itorobiya pia pepa peewatsinchi”, jei Jesús.

*Meje yabara poxonae Jesús Jerusalén tomaratha patopa*

*(Mt 21.1-11; Mr 11.1-11; Jn 12.12-19)*

<sup>28</sup> Poxonae Jesús baxua najume weta, bapoxonae pona Jerusalén tomara beya. <sup>29</sup> Jesús itiya patopa Betfagé tomara, Betania tomarano xua saya patopa demxuwatha po demxuwa pewan

Olivowa tsipei baxota umena olivo naein. Bapoxonaе nacueyatabe poyobe itoroba poyobe xua pijimonaexae tatsi jiwanabe pomonae xua doce poyobe. <sup>30</sup> Jesús barai baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha, pacaxinaenamebe burro pon penan pon pequetanotsin, pon jopa ichamonaе tsijuma enaeyo. Payama isanaxorebe bepayama carenandebe. <sup>31</sup> Icha ichan paca barai: ‘¿Eta pocotsiwa payama isanaxubamebe burro?’ icha paca jei bapon, nexata pajandebe: ‘Pon Wanacanamataxeinaein bepa pata yama cayiyeinjei, tsipei pinae nantawenona’, pajandebe, jei Jesús.

<sup>32</sup> Poxonae baponbe tomaratha patopabe, tanebe be pocotsi coyeneya bayatha Jesús namchi.

<sup>33</sup> Poxonae baponbe burro yama isacauyabe, baponbe yainyabatsibe pomonae barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

<sup>34</sup> Baraponbe jume notabe barapomonaetha, jeye:

—Pon Pecanamataxeinaein jiwi bepa pinae patayama cayiyein, tsipei pinae nantawenona, jeibe baponbe.

<sup>35</sup> Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiya xua baponbe pia paparuwan tatsi, bapoxonae Jesús cuaretsicatsi. <sup>36</sup> Jesús burrotha ecapona. Jiwi paparuwan namtotha yerababa jejabapoinya.

Barapo paparuwan Jesús matatsun ecapona burrotha. Barapomonae baxua exana tsipei Jesús matenta weyatainchi xua patopa. <sup>37</sup> Poxonae Jesús muxu perunadecae demxuwa wereca, po demxuwa pewun Olivowa, tsipei baxota umena olivo naein barapoxonae pomonae Jesús pejume cowantsiwichi, barapomonae juntu coyene weiweinaya jume daunweya wawai. Yawano Nacom wnae jaintatsi xua bayatha pexeinya petsita itatsi coyenewan petaexae xua Nacom exana. <sup>38</sup> Barapomonae jeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wnae, bapon patopa Nacom peitorobixae! ¡Pomonae xua peitabocotha jinompa juntu coyene weiweina bichocono! ¡Maisa Nacom bichocono wnae jaintatsi pon athabeicha eca! jei Jesús pijimonae tatsi.

<sup>39</sup> Nexata fariseo jiwanamonae, pomonae naenapona pin bicheitha, barapomonae Jesús baraichi:

—Pon jiwi Necuidubim, jinya jiwimonae baxua jume matawende: ¡Moya pande! jande, jei fariseo jiwanamonae.

<sup>40</sup> Ichitha Jesús jume epa pita, jeye:

—Paca tsipaebatsi, icha barapomonae metha moya tsipae bara nexata iboton jume daunweya wawai tsipae, jei Jesús.

<sup>41</sup> Poxonae Jesús imoxoyo Jerusalén tomaratha patopa, poxonae tomara tane, Jesús juntu coyene wecoyei tsanareca, poxoru Jerusalén tomaramonae yabara wecoyeichi. <sup>42</sup> Jesús namchi, jeye: “¡Pai maisa bepayaputaename xua pocotsi juntu coyene juintema jinompa paca cana exana!

Nama anoxuae baxua nantsiyata. Jopa paca itacꞥraeyo xua painya nexeiñawa painya jũntũ coyenetha. <sup>43</sup> Meisa matabi pacata jopaena po matabi abe. Barapo matabitha painya nepaca caitafaetabi jiwĩ paca yatomara yatox-oro to exanaxubina. Tsorobo paca yacaincha acabina. Yawa paca yacaincha umenaena daxita muxuneneintha. <sup>44</sup> Paxam Jerusalén tomara-piwĩ pam, yawano painya pexuino, ichamonae paca jutebina. Painya bon iratha paca yawa bebai tsane. Jopa cae iboto asiya uncuiyae tsane, omeicha othopeicaena. Tsipei paxam jopa Nacom payaitaem xua poxonae paca necasiwa ponaewa”, jei Jesús Jerusalén tomarapiwimonae yabara.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mt 21.12-17; Mr 11.15-19; Jn 2.13-22)*

<sup>45</sup> Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota. <sup>46</sup> Jesús barai barapomonae, jeye:

—Nacom Pejume Diwesitha jeye: ‘Tabo apara po botha xua jiwĩ tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia mꞥthꞥ tutu pacana exaname, ichaxota pijunuwi nantsiyabeibathopa, tsipei baxota panacaetutame saya ꞥ xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, jei Jesús.

<sup>47</sup> Nacom pin pia botha daxita matabi Jesús cuidubeiba. Ichitha sacerdotemonaē pia pentacaponae, iru pomonaē jiwī pecuidubiwi Moisés pia peitorobi coyene tatsi, iruru tomara pia pentacaponae daxita barapomonaē Jesús yabara nanta xeinatsi nawita xua pebexubinexa tsainchi. <sup>48</sup> Ichitha jopa itacupaetsi barapomonaē xua Jesús pebexubiwa tsainchi tsipei pin bicheito beta xanepanaya Jesús jume tayenatsi.

## 20

*Meje yabara xua Jesús pia peitorobi coyenewa xeina*

*(Mt 21.23-27; Mr 11.27-33)*

<sup>1</sup> Caentacabi Jesús Nacom pin pia botha joniya. Barapo botha Jesús cuiduba jiwī. Yawa Nacom pia pecapanenebiyae diwesi yabara cueicueijei. Bapoxonaē iru sacerdotemonaē pia pentacaponae tatsi pata. Iru pata pomonaē jiwī pecuidubiwi xua Moisés pia peitorobi coyenewa tatsi. Iru pata pomonaē penapatae jiwī. <sup>2</sup> Daxita barapomonaē Jesús baraichi, jeye:

—Incane pana tsipaebare, ¿eta po peitorobi coyenewatha cuidubame baxuan? ¿Jintam cacata barapo peitorobi coyene? jei.

<sup>3</sup> Nexata Jesús jume nota, jeye:

—Xan iruru tha barichichi paca yainyabinchi pana nejume nore. <sup>4</sup> ¿Jintam Juan cui itorobatsi jane xua jiwī pebautisabinexa tsainchi? ¿Metha bara Nacom cui itoroba jampa? ¿Metha bara jiwī cui itoroba jampa? jei Jesús.

<sup>5</sup> Barapomonaē caemonaē yabara natsipaeba pocotsiwa Jesús pepaebiwa. Barapomonaē jeye:

“¿Eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús. <sup>6</sup> Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomona. <sup>7</sup> Barapomona Jesús jume notatsi, jeye:

—Canta jopa payaputaeyino xua pon Juan cui itorobatsi xua jiwi pebautisabiwatsi, jei barapomona.

<sup>8</sup> Nexata Jesús barai barapomona, jeye:

—Nexata barichin tsane. Jopa yabara paca tsipaebi tsainchi, po peitorobi coyeneyatha exanan xua daxita taexanaewan, jei Jesús.

*Meje yabara poxona Jesús paeba pecayabara juta pepaebi diwesiyo pomona xua abe exana, pomona petayapucaenaewi uva pabi  
(Mt 21.33-44; Mr 12.1-11)*

<sup>9</sup> Nexata Jesús diwesi tsipaeba jiwitha po diwesi pecayabara juta pepaebi diwesiyo. Jesús jeye: “Matha iru pebin pin uva pabi xeina. Bapon uba po unbo pewun uva cuei unbo. Bapoxona bapon itoroba pomona pia uva pabi petayapucaenaewichi tsainchi, xua bapoxona barapomona pejiwanaxaenexa pocotsiwa penawetsiwa. Bapoxona bapon icha nacua beya pona ainya wei nexa. <sup>10</sup> Matabi tsuxubi xua uva cuei naweta. Bapoxona barapo mataqueitha pomona pabi petayapucaenaewi



jiwana itapeta nota xua penawetsiwa. Bapoxonae pon uva pabi pexeinaein, caein jiwana itoroba pomonae pia petanacuichiwichi jiwana, xua petawu<sub>ca</sub>enexa tsainchi uva cuei pomonae beya pomonae pabi petayapucaenaewichi. Ichitha barapon pon najume caitorobatsi, bapon butsi. Bapon caibe cobesa iya. <sup>11</sup> Pon uva pabi pexeinaein bapon equeicha caein jiwana itoroba pomonae pia petanacuichiwichi jiwana. Bapon barichi bichocono butsi, caibe cobesa nawiya yawa jopa catichi. <sup>12</sup> Pon uva pabi pexeinaein equeicha caein jiwana itoroba pomonae pia petanacuichiwichi jiwana. Barichi pomonae pabi petayapucaenaewi barapon butsi yawa wan exanatsi yawa pabi weya xotsi.

<sup>13</sup> “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxonae taxanto taeinchi, metha inta yabara baru<sub>cui</sub> itura jinaeinchi’, najei. <sup>14</sup> Dapo jumetha pomonae uva pabi petayapucaenaewi poxonae bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon bu<sub>ca</sub> bexotsi xua xainya xeinatsi barapo uva pabi’, najei barapomonae. <sup>15</sup> Barapo pexanto tatsi uva pabi juma bema<sub>ca</sub> cayiyatsi. Baxotiya bexotsi”, jei Jesús.

Nexata Jesús barai barapomonae, pomonae jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomonae barapo uva pabi pia petayapucaenaewichi? <sup>16</sup> Pon uva pabi pexeinaein patopaena pia uva pabitha,

pomonae uva pabi peyapucaenaewi daxita barapomonae jutebinchi. Barapoxonae barapo uva pabi ichamonae xuya catinchi xua petayapucaenaenexa tsainchi barapo uva pabi”, jei Jesús.

Pomonae Jesús jume tayenatsi poxonae baxua jume tane xua Jesús paeba, barapomonae Jesús jume itawetatsi, jeye:

—¡Bara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamonae! jei barapomonae.

<sup>17</sup> Ichitha Jesús tane, barapomonae tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxonae iboto yabara paeba, jeye:

‘Pebiwí pomonae ibo bon peacabiwi,

barapo pebiwi xuba po iboto tabu

caboca, po iboto peainya cui iboto.

Ichitha Nacom itapeta barapo iboto xua

petabu cabocaenexa peainya cui ibotoxae’,

jei Nacom Pejume Diwesitha.

<sup>18</sup> Incane iboto yabara paca tsipaebinchi. Barapo ibototha poxonae ichauyo jopeica pepuwixi tsanaya. Matautano poxonae barapo iboto

ichauyo matatsun jopeicatsi pebeno tsanaya.

Icha barapo iboto ichi poxonae cana exana

ichauxitha peainya cui ibotoxae, xan barapocotsi

juta coyeneya barichin pomonaetha pomonae

jopa tana nejume cowantsiwi. Pia jopa tana

neyaputaexae barapomonae daxota peraxa

exanaeinchi, jei Jesús.

19 Sacerdotemonae pia pentacaponae wi tatsi, iru pomonae jiwi pecuidubiwi xua Moisés pia peitorobi coyenewa tatsi, daxita barapomonae juntucuru Jesús teicatsi poxoru barapomonae yaputane xua yabara paebatsi xua Jesús paeba. Nexta Jesús jopa teicaetsi poxoru jiwi cunuwatsi.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

*(Mt 22.15-22; Mr 12.13-17)*

20 Barapomonae itoroba, ichamonae itorobatsi xua petataenexa tsainchi. Pomonae xua itorobatsi, barapomonae naexana itara mexeya pentu cui xanepanaewi. Barapomonae pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonae Jesús waetabichi yawa pia caponaetsi pontha pon Judea nacuapiwi peyanacua ewatsinchi. Bapon peajumeyapusu itorobiwa xeina, xua po peajumeyapusu itorobiwa cata pon romanomonae itorobiya pia pepa peewatsinchi. 21 Daxota barapomonae Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita

jiwi catsita najupa. <sup>22</sup> Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaē itorobiya pia pepa peewatsinchi xua wanaca itorobixae bapon bequein bara pon penanapainchi poponaēin? Icha jopa tsipae, ¿metha daxua abe tsipae? jeichichi Jesús barapomonaē pomonaē fariseomonaē itoroba.

<sup>23</sup> Ichitha Jesús yaputane xua piraichi baxua yainyabatsi.

<sup>24</sup> Daxota jeye:

—Incane moya painta xawena paratiyo, tha taetsi. ¿Jintam pejumopere? ¿Yawano jintam wān ducuaē? jei Jesús.

Barapomonaē jume nota, jeye:

—Apara romanomonaē itorobiya pia pepa pee-watsinchi, jei barapomonaē.

<sup>25</sup> Nexata Jesús barai barapomonaē, jeye:

—Bara nexata romanomonaē itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua iru piawaxae tatsi, jei Jesús.

<sup>26</sup> Barapomonaē jopa itacupaetsi xua Jesús pe-waetabiwatsi daxita jiwi peitatha, tsipei Jesús beta jume nota barapomonaē. Barapomonaē yabara najuntu cui coyene cabenaeca pocotsiwa xua Jesús xanepanaya beta jume nota, daxota barapomonaē saya moya umena.

*Meje yabara poxonae Jesús yabara yainyabatsi po coyene xua equeicha asu pomonae pewerapeibiwi*

*(Mt 22.23-33; Mr 12.18-27)*

<sup>27</sup> Bapoxonae saduceomonae jiwana pata Jesús pia xantha tatsi xua Jesús piraichi petsipaebinexatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubiwa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota saduceomonae Jesús siwa poinchi. Saduceomonae Jesús baraichi:

<sup>28</sup> —Pon jiwi Necuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. <sup>29</sup> Barichi, matha iru cae peweicho jiwi xua caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>30</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. <sup>31</sup> Bapoxonae ichan xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>32</sup> Bapoxonae matapainya iru

barapowa tupa. <sup>33</sup> Xam, Jesús, ba paebame, ba jam: ‘Matacabi jopaena po matacabitha Nacom asu exanaena xua jiwi asu exanaeinchi muthu wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha, jintam metha barapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomona.

<sup>34</sup> Nexata saduceomona, Jesús jume nota. Jesús jeye:

—Barapo nacuathe pebiwi yawa yabuxi, barapomona jitha eenapona. <sup>35</sup> Pomona xua Nacom itapeta waba, poxonae barapomona patsina Nacom pia nacuathe, barapomona jopa equeicha jitha eenapona tsane, yawa jopa pexantixi jitha cuarebapona tsane. <sup>36</sup> Tsipei barapo nacuatheicha, barapomona bexa jopa werapae tsane icha matatsunpiwi ichi xua jopa werapayo. Matauta barapomona Nacom pia pexui, tsipei barapomona equeicha asu barapo petupae coyene weya. <sup>37</sup> Caena bayatha Moisés yabara naca cuiduba xua pomona pewerapeibiwi xua equeicha asu tsaibi tsane, po diwesitha naewa yabara tina po naewa taxuncua. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. <sup>38</sup> Baxua Nacom paeba tsipei Abraham iru Isaac, iru Jacob pomona bayatha pewerapawi anoxuae equeicha caewa asu jinompa Nacom pia nacuatheicha tatsi. Pomona pewer-

apaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi caewa equeicha asu pejinompaewi pomonae pejume cowantsiwixaetsi Nacom, barapomonae jame pia Nacom tatsi, pon itabocotha eca, jei Jesús.

<sup>39</sup> Nexata pomonae jiwi pecuidubiwi Moisés pia peitorobi coyene tatsi, barapomonae jiwana-monae Jesús baraichi, jeye:

—Pon jiwi Necuidubim, maisa bara beta xanepanaya paebame, jei barapomonae.

<sup>40</sup> Saduceomonae equeicha jopa Jesús yainyabichi xua equeicha beta pejume notsiwatsiyainwa.

*Meje yabara poxonae Jesús nayabara jei: “Mesías, ¿jintam pia pemomoxi susato jiwana-pin tatsira?” jei*

*(Mt 22.41-46; Mr 12.35-37)*

<sup>41</sup> Equeicha Jesús nayabara paeba pomonaetha pomonae jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinae Mesías bapon David pia pemomoxi susato jiwana-pin tatsi? <sup>42-43</sup> Tsipei David jei salmos penaxanae weixi diwesintha:

‘Nacom pon Pecanamataxeinaein jiwi Tanecanamataxeinaein baraichi pon Mesías jeichichi:

Tacoxa werena ecare, beya abu tsane poxonae necaaitafaetabi jiwi pia Pecanamataxeinaeinchi tatsi caexanaeinchi, jei Nacom’,

jei David salmos penax<sub>u</sub>nae weixi diwesintha.

<sup>44</sup> Icha David yabara jei xua Mesías yabara jeichi: Bapon Mesías Tanecanamataxeinaein, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*  
(Mt 23.1-36; Mr 12.38-40; Lc 11.37-54)

<sup>45</sup> Pomonae xua umena daxita barapomonae Jesús jume taeumeinchi poxonae Jesús pijimonae tsipaeba. Jesús namchi, jeye: <sup>46</sup> “Dota pam, dota pomonae jiwi pecuidubiwi Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha barapomonae ichi xua barapomonae bichocono ichichipa xua penama xatabiwa po paparuwan apiyiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtotha jacobebina xua barapomonae pejacobinexatsi xua jiwi pebar<sub>u</sub> cui itura jineibinexa barapomonae xua barapomonae pebar<sub>u</sub> cui itura jineibinexatsi. Barapomonae bichocono ichichipa xua nanta caeneiba judiomonae pia penacaetutsi bontha tatsi ichaxota ba enathopeiba pomonae peainya cui jiwi penaexanaewi. Mata<sub>u</sub>ta barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaetuteiba xua poxonae penabaneibinexa tsane. <sup>47</sup> Mata<sub>u</sub>tano



barapomonae powaxi pecuenta werapaewaxichi piseurixi, barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsipaebeiba Nacom. Barapomonae bichocono peraxa jubebinchi poxonae po mataqueitha Nacom yabara paebina jiwi xua pia penatsicuentsiwa xua abe petsita exanaexaetsi. Barapomonae bichocono atene tsane xua poxonae beyacaincha ichamonae atene exanaeinchi xua jopa pejume cowantsixaetsi Nacom”, jei Jesús.

## 21

*Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta t̃paewatsi piseuri*

*(Mr 12.41-44)*

<sup>1</sup> Nacom pin pia botha Jesús tane xua baxota pomonae copei xeinaewi paratixi jeya Nacom nexa ichaxota jiwi jebeiba paratixi. <sup>2</sup> Barichi Jesús tane xua ira ainya tsica paratiyobe jeca baxota powa pecuenta t̃paewatsi piseuri, yawa bapowa peacopebiwayo. <sup>3</sup> Jesús jeye:

—Bara xaniyeya paca tsipaebatsi. Barapo yab̃yo powa pecuenta t̃paewatsi piseuri, barapowa peacopebiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae nawita jeya xua Nacom nexa. <sup>4</sup> Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca po paratiyobe bequein canantawenona xua pexaewa tsane,

bequein bichocono peacopeibiwayo, jei Jesús pijimonaetha.

*Meje yabara poxonaē Jesús yabara paeba xua ichamonaē abe exanaena Nacom pin pia bo tatsi  
(Mt 24.1-2; Mr 13.1-2)*

<sup>5</sup> Ichamonaē yabara natsipaeba nawita Nacom pin pia bo tatsi. Barapomonaē najei: “¡Maisa Nacom pin pia bo tatsi bepa w<sub>h</sub>nae! ¡Maisa bepa w<sub>h</sub>nae xua jiwī tutu pepena peit<sub>h</sub>panaewan barapo Nacom pin pia botha xua Nacom nexa!” jei barapomonaē. Nexata Jesús jeye:

<sup>6</sup> —Matacabi jopaena po mataqueitha tsane ichamonaē pomonaē penanapaincha jinompaewi pomonaē xua icha nacua werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyo nacopatuncuae tsane icha iboto pe<sub>h</sub>matha, daxita abe tsane, jei Jesús.

*Meje yabara poxonaē Jesús yabara paeba xua copiya matha pe<sub>h</sub>naeya exanaena petsita it<sub>h</sub>tsi coyenewa poxonaē daxita weraweracaenaba  
(Mt 24.3-28; Mr 13.3-23)*

<sup>7</sup> Nexata jiwī Jesús yainyabatsi, jeye:

—Pon jiwī pata Pecuidubim, ¿eta poxonaē metha ichamonaē baxua exanaena poxonaē abe cana exanaena Nacom pin pia bo tatsi? ¿Eta pocotsiwa tsane xua pe<sub>h</sub>naeya tsita itapeinya xeinaena po coyene xua poxonaē imoxoyo daxita weraweracaenaba? jei Jesús pijimonaē tatsi.

<sup>8</sup> Jesús jume barai: “Dota pam b<sub>h</sub> ichamonaē naerabiya paca muxu tsipaeba xua daxota abe paexanaetsipame. Tsipei tsane patsina ayei

bicheito jiwi pomonae natsicotaena icha be xan ichin. Barapomonae jei tsane: ‘Apara xan, Mesías’, jei tsane. Ichun jei tsane: ‘Anoxuae Mesías patopaena’, jei tsane. Ichitha paxam jopa payabara jume cowantsinde pocotsiwa xua barapomonae paeba. <sup>9</sup> Pajume taename xua jiwi juinya nabenoutsina xote, yawa xua juinya iru nabenoutsina icha ira beya. Daichitha jopa pajunuwinde, tsipei baxua pewnaeya matha copiya tsane. Daichitha cataunxuae dapō matacabi aichica tsane xua poxonae daxita weraweracaenaba yatsicaewa”, jei Jesús.

<sup>10</sup> Equeicha Jesús namchi: “Cae nacuapiwi iru icha nacuapiwino barapo ainya nacuapiwibe nabenoutsina. Matautano iru pon nacua peewatsin iru ichundu pon icha nacua peewatsin baponbe iru nantiya nabenabe. <sup>11</sup> Matautano ainya nacuantha ira jijiyatsina. Matautano ainya nacuantha jainbo nacua tsane, tsipei pin mayayo tsane. Matautano domae tsurucuae tsane ainya nacuantha. Matautano Nacom peitabocotha peitapanaewan itatsina, xua jiwi bichocono cunuwa.

<sup>12</sup> “Poxonae baxua pewnaeya tsane jiwi paca teiquebina, paca atene exanaena. Judiomonae pia penacaetutsi botha paca caponaena painya paca yabara paebinexa painya nenatsicuentiwa xua abe painya neexanaexae. Yawa paca caponaena jiwi pecubi botha. Paca caponaenano nacua peewatsiwi peitabaratha tatsi, painya tana nejume cowantsixaemxae. Yawano paca caponaena pentacaponae wi peitabaratha tatsi, pomonae iru itoroba jiwitha xua pon

nacua peewatsin nexa painya tana nejume cowantsixaemxae. <sup>13</sup> Barapoxonae paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. <sup>14</sup> Pananta xeinare painya juntu coyenetha, pana najande: ‘Jopa tsiwanaya yabara nacui wnaetsi tsainchi xua ichamonae watsipaebiwatsi xua abe wanaca yabara paebiwa’, pana najande. <sup>15</sup> Tsipei xan paca tsimuxu dutinchi po jume xua pacaunutsiname, xua po jumetha beta paca yaputane exanaena. Barapo jume pacata exanatsi xua painya paca necaaitafaetabi jiwi jopa paca jume matanonopentsi tsane, xuano xua jopa peitacupaenexa tsainchi xua abe painya nepaca yabara paebiwa. <sup>16</sup> Paca caenaetsina ichamonae icha jiwitha pomonaetha pomonae jiwi pecanamataxeinaewi. Iru painya axeiwi yawa painya ena jiwi paca caenaetsina ichamonaetha. Iru painya eweicho jiwi paca caenaetsina ichamonaetha. Iru painya amoyo jiwi paca caenaetsina ichamonaetha. Iru painya jiwimonae paca caenaetsina ichamonaetha. Barichi ichamonae pomonae paxam jiwana pam jutebinchi. <sup>17</sup> Daxita nacuanpiwi paca casebina, painya tana nejume cowantsixaemxae. <sup>18</sup> Ichitha Nacom paca capanenebiyaena painya nejuntu coyenein panenebiyaenexa. <sup>19</sup> Awiya paantayapusya nejume cowantsiya jinompare poxonae bequein ichamonae abe pacata exana xua beya payacuiya werapaeya othopaename xua painya xeinaewa tsane peajantayapuswa po peajantayapuswa ataya tsiteca.

20 “Poxonae pataename xua soldadomonae xua icha nacuapiwi yacaincha matawacaicha yatoroto naexanaxubina Jerusalén tomara bapoxonae payaputaename xua barapo tomara bara imoxoyo abe exanaeinchi. 21 Barapo mataqueitha, daxita pomonae Judea nacuatha jinompa barapomonae bewa demxuwān beruḥḥpiyaena. Iru pomonae Jerusalén tomarapiwi, barapomonae bewa bara beruḥḥpiyaena. Iru pomonae pabitha jinompa, barapomonae jopa bewa duḥḥpaetsipae tomara beya. 22 Tsipei barapo matakabintha Nacom cui itorobina, ichamonae cui itorobinchi, xua jivi peraxa exanaeinchi, icha be po coyeneya Nacom Pejume Diwesitha yabara paeba baxua. 23 ¡Pai yabuxi tsobenae powaxi pexui bupana taenatsi barapo matakabitha! ¡Pai powaxi iru pexui isaina, barapowaxi tsobenaeru! Tsipei acabe tsobenae tsane pexui. Matautano Nacom cui itorobina barapo nacuathe, ichamonae cui itorobinchi xua barapo nacuathepiwi pin peperaxa jubiwatsi tsainchi. 24 Ichamonae cusitha jutebinchi. Ichamonae yamaxu chubiya caponaeinchi icha nacuan beya. Barapo Jerusalén tomaratha pomonae penanapaincha jinompaewi xua icha nacua werena peponaewi dubenanaebiyaena beya barapo matakabi yacobe cui othopaena, po matakabitha xua Nacom cobe matawentsina xua equeicha jopa enae tsane barapo tomaratha barapomonae”, jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia*

*Peitapetsin**(Mt 24.29-35, 42-44; Mr 13.24-37)*

<sup>25</sup> Equeicha Jesús jeye: “Bapoxonae xometotha naitutsina peitapanaewa, yawa jomocoichatotha, yawa opiteitontha. Barapo irathe daxita nacuanpiwi yabara najuntũ coyene cabenaenoutsina. Matautano busi taena pin maratsacan busi xua busi jopa xainya mene ducuaeyo. Bichocono jiwi najuinyacaena. <sup>26</sup> Jiwi pijunuwi muxu pewerapae tsane poxonae nanta xeinaena po coyene Nacom exanaena barapo cae pin nacuathe. Matauta junuwina xua exanaena itabocotha poxonae Nacom napuna torobabiyaena xua xuan itabocotha dubena. Bapoxonae jopa xapain dubenanaeyo tsane. <sup>27</sup> Bapoxonae jiwi netaena ponxaein Nacom Tananeitapetsin xua tsaquinaebowatha patopeicaein. Nacom pia peayapuswa itorobi coyenewatha, matautano bichocono pexeinya itapanae coichatha yawa patopeicaein. <sup>28</sup> Poxonae baxuan juntucuru exanaenaba, panantũsũbarũcũpare, athabe panecotumeinyama, tsipei bara imoxoyo paca necapanenebiwa tsane”, jei Jesús.

<sup>29-30</sup> Nexata Jesús pijimonae tsipaeba pecayabara jũta pepaebi diwesiyo xua higuera nae, jeye: “Pataema nae po nae pewan higuera nae, xuano ichacuitha icha naeinno xua pataneme xua pena noxu xuxuwa pona. Nexata bapoxonae payaputaema xua imoxoyo wei tsurucuae tsoponae. <sup>31</sup> Nexata barapocotsi jũta coyeneya icha tsane xuaunxuae paca tsipaebatsi xua poxonae jiwi muxu pijunuwi pewerapae

tsane. Bapoxonae payaputaename xua bara imoxoyo tsane poxonae xua tapatopae wɥnae tsane poxonae jiwi itorobiya ewatsin.

<sup>32</sup> “Bara xaniyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena. <sup>33</sup> Peitaboco aichurucuae tsane, matauta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>34</sup> “Dota pam, pana neyabara cananta xeinaeya jinompare. Painya xoba pana najuntɥ coyene ararana exaname xua pana nasi cui matacaetame yabɥxitha xuano xua pana nacɥpa exaname peatsaxae meratha, yawano xua saya i pananta xeiname xua panantawenoname xua saya paxam nexa. Bapoxonae barapo matabi xain jopa paca benaecae tsane poxonae jopaena. <sup>35</sup> Tsipei barapo matabi jemeicha jopaena, icha be pocotsi jɥta coyeneya ichi poxonae duwein jemeicha aɥtabatsi mayatha. Barapo matabi jopaena daxita barapo cae pin nacuathe yajiwi canaɥpaxuinchɥ. <sup>36</sup> Tsaca pajinompeibare xua tapatopae wɥnae tsane. Matowa patsipaeba dubenanaebiyama Nacom. Patsipaebare xua Nacom paca capanenebiya exanaena baxua weya xua poxonae Nacom cana exanaena ichamonaetha xuaunxuae paca tsipaebatsi. Barichi patsipaebareno xua painya nepaca itacɥpaewa tsane xua painya neumenaewa

taitabaratha ponxaein Nacom Tananeitapetsin”,  
 jei Jesús pijimonaetha.

<sup>37</sup> Daxita matakabi Jesús cuidubeiba jiwi Nacom pin pia botha Jerusalén tomaratha. Merawitha tsaibi demxuwa beya poneiba xua baxotiya peecaenexa tsaibi tsane, po demxuwa pewun Olivos. <sup>38</sup> Daxita matakabi jiwi caemambotha tsaibi pateiba Nacom pin pia botha xua Jesús pejume taenexa tsaibi tsainchi.

## 22

*Meje yabara poxonae fariseomonaе iru sacerdotemonaе pia pentacaponae tatsi daxita barapomonaе Jesús yabara nanta xeinatsi po coyeneya xua Jesús pewaetabiwa tsainchi*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Bara nama imoxoyo matakabi jopa po matcabitha xua jiwi nacaetuta pexaenexa pan xua jopa cotowiyo. Barapo matakabi pewun Pascua matakabi wun. Barapo Pascua matakabi wantha jiwi yabara nanta xeina po matakabi poxonae caena bayatha matha judiomonaе Egipto nacua weya panenebiya. <sup>2</sup> Sacerdotemonaе pia pentacaponae tatsi, iru pomonaе jiwi pecuidubiwi Moisés pia peitorobi coyene tatsi, daxita barapomonaе naba ru muxu jei xua bepa pinae eta bichi tsane poxonae Jesús waetabinchi pebexubinexatsi. Cataunxuae jopa exanaeyo, canta jiwi cunuwatsi.

<sup>3</sup> Bapon Judas caein jiwana pomonaе doce poyobe pomonaе Jesús pijimonaexae tatsi. Judas icha wun xeina, po wun “Iscariote”, baraichi. Nexata bapoxonaе Satanás caurimonaе pia



pentacaponaein tatsi, Judas imoxoyo peinya caquita uncuatabatsi peitorobinexatsi xua abe peexanaewa tsane. <sup>4</sup> Judas siwa pona sacerdotemonae pia pentacaponaei tatsi, iru policiamonae xua pebaru cueicueijeinexa tsane. Barapomonae policiamonae pentacaponaei, xua pomonae peyabara umenaewi Nacom pin pia bo tatsi. Daxita barapomonaetha Judas tsipaeba xua pocotsi coyeneya poxonae Jesús caenaetinchi barapomonaetha. <sup>5</sup> Barapomonae bichocono ichichiparuçupa baxua. Yawa barapomonae Judas muxu tsipaebatsi xua paratixi catsibapaebatsi. <sup>6</sup> Judas bara yabara jejei xua barapomonae paeba. Bapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha poxonae jiwaibi tsuçuçupae.

*Meje yabara poxonae Jesús pijimonae baru na-bane Pascua wun matabitha  
(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Nama matabi jopaba po matabitha poxonae jiwi tsinacaetutsina xua penabanaenexa pan po pan jopa muxuna pentsiyo levadura matawun pocotsiwa xua cotowa exana pan. Barapo penantacarucuae matabitha ba corderoxi pebtoxi xua oveja coxi jutebatsi xua jiwi pexaenexa. <sup>8</sup> Pedro iru Juan itorobatsibe, Jesús itoroba. Jesús barai, jeye:

—Paponarebe panacui wunaerebe pexaewa Pascua wun matabi nexa waxaenexa tsainchi, jei Jesús.

<sup>9</sup> Baponbe, Pedro iru Juan, Jesús yainyabatsibe. Jeibe:

—¿Exota ichichipame xua xota pexaewa paca tsiwunaetsinchi wanabanaenexa tsane xua Pascua wun matakabi nexa? jei barapomonae.

<sup>10</sup> Jesús jume nota. Jeye:

—Poxonae tomaratha papatopaenamebe, pataenamebe pebin. Barapo pebin juruwatotha yantana ponaena mera. Bapon papuna ponarebe bo beya ichaxota bapon joniyaena. <sup>11</sup> Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwimonae baru xaein Pascua wun matakabi nexa? jeye Pecuidubin’, pajandebe, jei Jesús. <sup>12</sup> Equeicha Jesús jeye:

—Bapoxonae pon bo pexeinaein paca tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui wunaetajebare xua wanabanaenexa pexaewa barapo Pascua wun matakabi nexa, jei Jesús.

<sup>13</sup> Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonae pexaewa nacui wunaetajebabe Pascua wun matakabi nexa xua penabanaenexa.

<sup>14</sup> Poxonae barapo hora tsuxubi poxonae quirei tsanaicha, Jesús baru ecoundeca pexaethopae-watha pijimonae pomonae doce poyobe pomonae pia peitorobiwixae tatsi Jesús. <sup>15</sup> Nexata Jesús barai, jeye:

—Maisa bichocono juntu coyene weiweinan xua tapaca cabaru nacaetutsiwatsi, yawa tapaca

cabarũ nabanaewatsi barapo Pascua wũn nabanae matabitha, xua baxua matha pewũnaeye tsane xua poxonae tatũpaewa tsane. <sup>16</sup> Daxota paca tsipaebatsi xua equeicha jopa tapaca barũ nacaetutswatsi tsainchi xua wanabanaewa tsane Pascua wũn matabitha. Equeicha exanaeinchi barapo penabanaewa po mataqueitha poxonae Nacom neexanaena xua jiwi itorobiya ewatsin, jei Jesús.

<sup>17</sup> Nexata Jesús pecobetha pita corotiyo, Nacomtha tsipaeba, jeye:

—Axa, maisa jũntũ coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimonae, jeye:

—Barapo corotiye pana nacobe wenonotaponde tamropata tsiwixi pa-aapaponde. <sup>18</sup> Daxota paca tsipaebatsi barapo uva mera jopa equeicha paca barũ apae tsainchi anoxuae. Meisa abũ bexa tsane pena coyenewatha paca barũ apaeinchi barapo uva mera poxonae Nacom neexanaena xua jiwi itorobiya ewatsin, jei Jesús.

<sup>19</sup> Jesús pecobetha pita pan, Nacomtha tsipaeba, jeye:

—Axa, maisa jũntũ coyene weiweinan xua pan pata tanecatsiwam, jei.

Bapoxonae Jesús pecobetha epa janaca pan, yawa catsiba pijimonae. Pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsitũpaewatsi tsainchi. Baxua paexaneibare bapocotsiwa xuaunxuae pan paca barũ xainchi. Barapo coyene paexaneibare

painya tana neyabara j̄ntanaineibinexa tsaibi tsane, jei Jesús.

<sup>20</sup> Poxonae Jesúsbar̄u najain weta, barapoxonae Jesús yabara paeba corotiyo, icha ichi xua yabara paeba pan. Jesús jeye:

—Nacom exana pena pecapanenebiyae coyene jiwi nexa. Barapo pecaapaewiyotha uva mera paapame, x̄uaunxuae paapame, apara natsicotane be tajana xua tat̄upaein jana jopeicaein. Barapo pejanatha paca j̄nt̄u coyene cui capanepaeinchi abe painya neexanae cuiru coyenein weya.

<sup>21</sup> Pebin taxantha necacuita namax̄u ȳtabota pexaethopaewatha, barapo pebin necaenaetsina ichamonaetha xua tanebexubinexa tsane ichamonaetha. <sup>22</sup> Xan ponxaein Nacom Tananeitapetsin bewa t̄upaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha, jei Jesús.

<sup>23</sup> Nexata barapomonae caemonae nantiya nayainyaba, jeye: “¿Jintam metha caenaetatsi Jesús?” najei barapomonae.

*Meje yabara poxonae Jesús pijimonae tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana*

<sup>24</sup> Pirapaeyo Jesús pijimonae tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana. <sup>25</sup> Nexata Jesús jume barai: “Pomonae jopa judiomonae naexanaeyo, barapomonae ba nantāta piamonae pomonae nacua peewatsiwi.

Barapomonae pomonae jiwi itorobiya pia pepa peewatsiwichi barompaya piamonaexae jopa juniya itorobeibiyo. Barapomonae pomonae jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomonae pomonae jiwi itorobiya pia pepa peewatsiwichi w<sub>hnae</sub> nacata exana xua naca itoroba’, pia jeichi jiwi. <sup>26</sup> Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamonae bapon bewa naexanaena be pon pecui pawi. Pon xua jiwi itorobeiba, bapon bewa naexanaena be pon amanaya tanacuita ich<sub>un</sub> nexa. <sup>27</sup> Ir<sub>u</sub> ainya pebinbe. Ich<sub>un</sub> pexaethopaewatha ecoundeca. Ich<sub>un</sub> pexaewa apata. Pon ecoundeca apatatsi. ¿Jintamda pon ainya cui peexanaeinchira xua beyacaincha ich<sub>un</sub>? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ich<sub>un</sub>. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyiyo.

<sup>28</sup> “Paxam barapomonae pam, pomonae meisa pana nebar<sub>u</sub> jinompeibame poxonae bequein ichamonae inta abe exana. <sup>29</sup> Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan. <sup>30</sup> Barapo peitorobi coyenewan paca catatsi, painya nenabar<sub>u</sub> nabanaenexa taitorobeibi nacuatheica. Paenaename pexeinya peit<sub>u</sub>panae enaewantha, painya neyabara paebinexa tsane

pomonae doce po bicheito cuntiyobe, pomonae Israel pia pemomoxi susato jiwimonaе tatsi xua penatsicuentsiwa abe pia peexanaexae”, jei Jesús.

*Meje yabara poxonaе Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mt 26.31-35; Mr 14.27-31; Jn 13.36-38)*

<sup>31</sup> Equeicha Jesús jeye:

—Simón jan, caurimonaе pia pentacaponaein tatsi, bapon Satanás newuca: ‘Jinyamonaepin necare’, nejei. Bapon ichichipa xua abe cata exanaena xua taneitawetsinexam tsane. Icha jiwí ichi xua pebena daunweya yasisita pexubinexa pesiberapewa. Barichi caurimonaе pia pentacaponaein tatsi ichichipa cajuntá coyene itorobina xua taneitawetsinexam tsane. <sup>32</sup> Ichitha xan Taxa beicha cata tsipaebatsi xua jopa tana neyabara junteinaenexam tsane xua tana nejume cowantsiwam. Ichitha Satanás cacana exanaena xua tana nejumefebiwam saya bara caeto tsane. Bapoxonaе equeicha caewa nejume cowantsiname. Poxonaе equeicha caewa nejume cowantsiname, nexata ichamonaе pomonaе tana nejume cowantsiwi barapomonaе yawenaename xua ajuntayapusa ya tana nejume cowantsiwa tsane, jei Jesús.

<sup>33</sup> Simón Jesús jume notatsi, jeye:

—Tanecanamataxeinaem, maisa be cabarú poponaeinchi. Bara bequein ichamonaе cacaponaeina jiwí pecubi botha ichitha awiya capuna tupaeinchi. Matauta bequein tupaename ichitha awiya capuna tupaeinchi, jei Simón Pedro.

<sup>34</sup> Jesús jume nota, jeye:

—Pedro, catsipaebatsi bexa necaunutsiname acoibi po jume cuiyobe neyabara jam tsane: ‘Dapon jopa yaitaeinyo’, neyabara jam tsane. Barapoxonae iru tsane wacara pebto fibina, jei Jesús.

*Meje yabara poxonae bara nama barapo matacabi tsane po matacabitha Jesús waetabatsi*

<sup>35</sup> Nexata Jesús pijimonae yainyaba, jeye:

—Poxonae bayatha paca itorobatsi paca je-ichi: ‘Jopa paratixi doru pacaponaeinde, jopa cote pacaponaeinde, jopa panataxu xatabinde xua penataxu xatabiwa’, jan. ¿Eta xoyo pacata seica xua xoyo pacobena poname? jei Jesús.

Barapomonae Jesús jume notatsi, jeye:

—Ajibi, bara paxeinan pocotsiwa panantawenonan, jei.

<sup>36</sup> Nexata Jesús jume nota. Barapomonae jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa caponae. Pon xeina paratixi doru, moya bewa caponae. Pon peaitiyu camisa xeina, bapon bewa caenaetsina barapo camisa, barapo paratixitha bewa comotsina cusi. <sup>37</sup> Poxoru paca tsipaebatsi caena bayatha Nacom Pejume Diwesitha neyabara paeba, jeye: ‘Bapon cayabara cananta xeinaeinchi jei tsane bapon jiwana caein pomonae peabewi’, jei Nacom Pejume Diwesitha xua pinae jiwi jei tsane. Jiwi nantawenona xua baxua neyabara caunutsina

xua Nacom peneyabara jumichixae baxuan pejume diwesitha, jei Jesús.

<sup>38</sup> Barapomonae Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

*Mejeyabara poxonae Jesús Paxa tsipaeba ichaxota tsica iriyo po iriyo pewan Getsemani*  
(Mt 26.36-46; Mr 14.32-42)

<sup>39</sup> Nexata Jesús tomara weya pona. Bapon pona demxuwa beya po demxuwa pewan demxu Olivowa, olivo naein peumenaexae baxota poxoru pia cui xua poneiba baxota petsipaebeibinexa Paxa. Jesús pijimonae puna poinchi. <sup>40</sup> Poxonae barapo demxuwatha patopa, Jesús pijimonae barai:

—Nacom patsipaebare xua jopa abe painya neexanaewa tsane xua caurimonae paca itoroba.

<sup>41</sup> Nexata Jesús pijimonae tsiwiyo wepu natsixitaba. Saya jopa tajayo. Be poxonae pebin ibotiyo xoya xua be pocotsiwatha naruntabiya jopeica. Jesús pentabocototha ecoundeca. Paxa tsipaeba.

<sup>42</sup> Jesús namchi: “Axa, icha ichichipame xua tana neyawenaewam, inta pire xua ajantucoyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame”, jei Jesús.

<sup>43</sup> Bapoxonae Jesús tsita naitatatsi matatsunpin pon itaboco wetsica pona. Barapo matatsunpin Jesús antasaya cana exanatsi poxonae yawenatsi. <sup>44</sup> Bichocono Jesús ajantatane tsipei



Paxa copatatsi xua jiwi petsitapaewa tsainchi. Paxa beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothepeica.

<sup>45</sup> Poxonae najume wetaba xuano xua asiya uncuano bapoxonae pijimonae beya pona. Jesús tane pijimonae xua tamaitumeinchi. Barapomonae maita tsipei juntu cuerona xua wecoyei, xua Jesús yaitama petapapaebixae.

<sup>46</sup> Nexata Jesús pijimonae barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya nexanaenexa tsane pocotsiwa caurimonae paca itoroba, jei Jesús.

*Meje yabara poxonae Jesús waetabatsi  
(Mt 26.47-56; Mr 14.43-50; Jn 18.2-11)*

<sup>47</sup> Cataunxuae abũ Jesús pijimonae tsipaebuncua poxonaerũ jiwi pin bicheito pata. Caein Jesús pijimonae tatsi jiwana, pon pewan Judas, pomonae xua doce poyobexae, bapon pin bicheito matacapona. Judas Jesús imoxoyo caquita uncuatabatsi xua Jesús petsutsubinexa tsainchi. <sup>48</sup> Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

<sup>49</sup> Pomonae Jesús pijimonae tatsi caquita umeinchi, poxonae barapomonae baxua tane xua Judas Jesús tsutsubatsi xua pecaenaetsinexatsi

ichamonaetha, bapoxonae barapomonae Jesús baraichi:

—Pata Tanecanamataxeinaem, ¿barapomonae cusitha paucuboban? jei Jesús pijimonae tatsi.

<sup>50</sup> Jesús pijimonae tatsi jiwana caein, bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya. <sup>51</sup> Ichitha Jesús barai bapon jeye:

—Bara, bara, jei Jesús.

Pon muxuyoro catsonibatsi Jesús muxuyoro jayaba pecobetha. Bapoxonae bapon equeicha muxuyoro ducuanaya. <sup>52</sup> Jesús tsipaeba, sacerdotemonae pia pentacaponaeawi tatsi tsipaebatsi. Yawano tsipaebano pomonaetha pomonae penapataewi. Barichi tsipaebano pomonaetha pomonae Nacom pin pia bo peyapu enaewi. Daxita barapomonaetha Jesús cueicueijei, pomonae ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonae pacana exaname pontha pon jiwí pecaibin! <sup>53</sup> Poxonae daxita matabi Nacom pin pia botha paca barꝯ poponeibatsi, jopa pana newaetabim. Ichitha anoxuae barapo matabi tsuxubi nama po matabitha Nacom paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

*Meje yabara poxonae Pedro Jesús yabara pae-batsi xua jeye: “Jopa dapon yaitaeinyo”, yabara*

*jeichichi Jesús*

(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup> Nexata daxita barapomonae Jesús teicatsi. Yawano capoinchino sacerdotemonae pia pepa pentacaponaein tatsi pia bo beya tatsi. Pedro, Jesús tsiwiyo taj<sub>u</sub> pu taetae tsiniyatsi. <sup>55</sup> Baraxotiya sacerdotemonae pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonae barapomonae nayatoxoroto exanaxubiya ena isototha. Baraxota ir<sub>u</sub> Pedro naeca. <sup>56</sup> Yab<sub>u</sub>yo powa sacerdotemonae pia pepa pentacaponaein tatsi tanacuitatsi, poxonae Pedro tainchi barapowa, xua ir<sub>u</sub> naeca baxota isototha barapowa Pedro caununaya baraichichi, jeichichi:

—Bapon ir<sub>u</sub> apara bayatha Jesús puna po-poneibatsi, jei.

<sup>57</sup> Ichitha Pedro jume matawenta, jei:

—¡Petsiriwa, barapo pebin jopa yaitaeinyo! jei Pedro.

<sup>58</sup> Bapoxonae pirapaeyo ir<sub>u</sub> ich<sub>u</sub>nd<sub>u</sub> pebin patopa. Bapon Pedro ir<sub>u</sub> tainchi xua ir<sub>u</sub> naeca baxota. Pedro baraichi bapon, jeye:

—Xam apara ir<sub>u</sub> Jesús pijimonae tatsi jiwanam, jei.

Ichitha Pedro jume barai, jeye:

—¡Pebin, jopa dapomonae jiwananyo apara! jei Pedro.

<sup>59</sup> Poxonae cae hora yapucaewa, ir<sub>u</sub> ich<sub>u</sub>n Pedro matowa baraichichi:

—Bapon apara napuna poneiba Jesús, tsipei bapon Galilea nacuapinda, jei.

<sup>60</sup> Ichitha Pedro jume barai, jeye:

—¡Pebin, daumetha jopa taeinyo xua paebame! jei Pedro.

Poxonae Pedro cataunxuae baxua cueicueije, bapoxonae caena nainya wacara pebto caein fiba. <sup>61</sup> Nexata Jesús napatomeicha necota, Pedro necoyatsi. Nexata Pedro nanta xeinataba xua bayatha Jesús Pedro tsipaebatsi, poxonae jeye: “Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonae iru nainya wacara pebto fibina”, jeichi Pedro xua Jesús paeba. <sup>62</sup> Nexata Pedro pesato bejoniya. Bichocono wecoyei, peajuntatanexae xua Jesús yabara paebatsi.

*Meje yabara poxonae Jesús cui caponatsi*  
(Mt 26.67-68; Mr 14.65)

<sup>63</sup> Pomonae Jesús yapucaumeinchi, daxita barapomonae Jesús cui caponatsi, yawa butino. <sup>64</sup> Jesús itacuere cutatsi, paparuwatha yawa itabara cuaintatsino. Barapomonae Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

<sup>65</sup> Daxita barapomonae Jesús tsamu jume baru paebatsi ainya jumeintha.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*  
(Mt 26.59-66; Mr 14.55-64; Jn 18.19-24)

<sup>66</sup> Poxonae pentha tsina nabar<sub>u</sub> nacaetuta penapataewi judiomonae, ir<sub>u</sub> sacerdotemonae pia pentacaponae wi tatsi, ir<sub>u</sub>u pomonae jiwi pecuidubiwi Moisés pia peitorobi coyene tatsi. Daxita barapomonae Jesús capoinchi pecanamata caitorobi bicheito itabaratha tatsi xua peyainyabinexatsi, jeichi:

<sup>67</sup> —Incane pana netsipaebare, ¿Xam Mesías, pon Nacom necaitorobin? jei.

Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cow<sub>u</sub>ntsitsipaem. <sup>68</sup> Icha paca yainyabichipatsi tayainyabiwan apara jopa pana nejume notsipaem. <sup>69</sup> Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peayapus<sub>u</sub> itorobi coyenewa pex-einaein, jei Jesús.

<sup>70</sup> Bapoxonae daxita barapomonae Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

<sup>71</sup> Nexata barapomonae caemonae natsipaeba najei:

—Anoxuae jopa nantawenonaetsi xua icha-  
monae Jesús peyabara paebiwatsi. Tsipei ano-  
xae nama yatsicaewa jume tainchi, xua bapon pia  
coutha nayabara paeba, jei barapomona.

## 23

*Meje yabara poxonae Jesús uncuá Pilato  
peitabaratha tatsi*

*(Mt 27.1-2, 11-14; Mr 15.1-5; Jn 18.28-38)*

<sup>1</sup> Nexata daxita penayatoroto exanaxubiya  
enaé jiwi barapomonaé asiya umenarucupa, Jesús  
teicatsi yawa capoinchi Pilato peitabaratha tatsi.  
Pilato bapon pon Judea nacuapiwi peyanacua  
ewatsinchi. <sup>2</sup> Baxota daxita barapomonaé Jesús  
cui yopitatsi xua abe exana, jeye:

—Barapo pebin patan xua wajiwiwimonaé jume  
cui tsacabatsi xua anaepana cana exanatsi.  
Yawano pajume tanno pocotsiwa jopa bewa pinae  
paratixi matoma catsi pontha pon romanomonaé  
itorobiya pia pepa peewatsinchi. Matauta bapon  
nayabara paeba: ‘Xan apara Mesías pon jiwi  
itorobiya pepa Taewatsin’, jei, jei barapomonaé.

<sup>3</sup> Nexata Pilato Jesús yainyabatsi, jeye:

—¿Xam judiomonaé itorobiya pia pepa Nee-  
watsin? jei.

Jesús jume nota namchi, jeye:

—Xuaunxae paebame bara baxua apara, jei  
Jesús.

<sup>4</sup> Nexata Pilato barai sacerdotemonaé pia pen-  
tacaponaewi tatsi yawa baraino jiwi, jeye:

—Jopa jume itaraerowinyo bapon xua po jumetha penayaita anae exanaewa, xua pebexubinexatsi barapo pebin, jei.

<sup>5</sup> Ichitha barapomonae jume daunweya cue-icueijei, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equeicha aunxuae waxainya becu joparene, jei.

*Meje yabara poxonae Jesús uncu Herodes peitabaratha tatsi*

<sup>6</sup> Poxonae Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitotha.

<sup>7</sup> Barapo bicheito namchi, jeye:

—Aa, bapon Galilea nacuapin, jei barapomonae.

Bapoxonae Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara.

<sup>8</sup> Poxonae Jesús taebatsi Herodes, bapon bichocono juntu coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itatsi coyenewa exanaena. <sup>9</sup> Herodes Jesús matowa yainyabatsi. Ichitha Jesús jopa jume notsiyo. <sup>10</sup> Baraxota iru ena sacerdotemonae pia pentacaponawewi tatsi. Iru ru baxota ena pomonae jiwi pecuidubiwi

Moisés pia peitorobi coyenewa tatsi. Daxita barapomonaē Jesús bichocono abe yabara paebatsi Herodes pia xantha tatsi. <sup>11</sup> Nexata Herodes yawano pia soldadomonaē tatsino daxita barapomonaē Jesús tsumu jume baru paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonaē peyanacua ewatsi jiwi. Equeicha Jesús itorobatsi Pilato peitabaratha beya, Herodes bara beitorobiya. <sup>12</sup> Barapo matababitha Herodes iruno Pilato naitacoxonabe. Baponbe caena bayatha saya penaita aenaē-aenei jitonbe.

*Meje yabara poxonaē Pilato jume baru jejei xua Jesús bara pebexubiwa tsainchi ichamonaē*  
(Mt 27.15-26; Mr 15.6-15; Jn 18.39–19.16)

<sup>13</sup> Sacerdotemonaē pia pentacaponawē tatsi iruru judiomonaē pia pentacaponawē, iruru daxita jiwi, daxita barapo bicheito Pilato waba xua barapo bicheito penacaetutsinexa. <sup>14</sup> Pilato barai barapo bicheito, jeye:

—Paxam barapo pebin pacaponame taxantha. Pajam: ‘Barapo pebin daxita jiwi jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipaebame. <sup>15</sup> Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi.



16 Tha cueintichi bapon. Tha bapoxonae pu copatichi, jei Pilato.

17 Poxonae Pascua maticabintha ichan ba bewa isanaxubichi. Pilato barapo Pascua maticabintha nantawenona xua isanaxubina caein pon jiwi pecubi botha peecaein, pon xua jiwi ichichipa, xua bapon peisanaxubinexa tsainchi.

18 Bapoxonae daxita jiwi jume daunweya wawai, jeye:

—¡Soldadomonae itorobare xua bapon pebexubinexatsi! ¡Barrabás painta pu sotabare! jei.

19 Barrabás jiwi pecubi botha etatsi, tsipei caena bayatha maticapona ichamonae xua barapo tomarapiwi najume tsacaba cana exanatsi xuano xua jiwi jutebatsi. 20 Pilato ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi. 21 Ichitha equeicha barapo bicheito jume daunweya wawai Pilatotha, jeye:

—¡Bewa maisa naetotha tɔparucua exanaem! ¡Bewa maisa naetotha tɔparucua exanaem! jei.

22 Equeicha Pilato tsipaeba barapo bicheito, jeye:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonae pu copatabichi, jei.

23 Barapo bicheito jopa juniya wawayo xua naetotha tɔparucua peexanaenexatsi Jesús. Iruru sacerdotemonae pia pentacaponaewi tatsi jume daunweya wawairu, beya capanepa po coyene ichichipa pecana exanaewa. 24 Daxota Pilato

namchi: “Moya paexande be pocotsi coyeneya paichichipame”, jei Pilato. <sup>25</sup> Nexata Pilato nama pu sotaba pon jiwi pecabi botha peecaein, pon jiwi ichichipa xua bapon peisanaxubiwa tsainchi. Bapon pew<sub>un</sub> Barrabás, pon waetabatsi poxonae jiwi najume tsacaba xuano poxonae jiwi jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús t<sub>u</sub>parucua exanatsi naetotha*

*(Mt 27.32-44; Mr 15.21-32; Jn 19.17-27)*

<sup>26</sup> Poxonae Jesús cataunxuae caenapoinchi t<sub>u</sub>pa peexanadutsinexatsi naetotha, pebin waetabatsi, soldadomonae waetaba. Bapon pew<sub>un</sub> Simón, Cirene tomarapin. Bapon wexua werena pona. Bapon peutucuratha tabotsicatsi naeto, xua pecaponaenexa Jesús peputha tatsi.

<sup>27</sup> Jesús peputha tapoinchi pin bicheito, ir<sub>u</sub> ainya yab<sub>u</sub>xino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús. <sup>28</sup> Ichitha Jesús necotabiya barai barapowaxi, jeye:

—Yab<sub>u</sub>xi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande. <sup>29</sup> Tsipei matacabin othopaena po matacabintha jiwi atene tsane. Barapo mataqueintha, jiwi jei tsane: ‘J<sub>u</sub>nt<sub>u</sub> coyene weiweina po yab<sub>u</sub>xi jopa pexui xeinaeyo. J<sub>u</sub>nt<sub>u</sub> coyene weiweina po yab<sub>u</sub>xi jopa bapana b<sub>u</sub>tixitha taenaetsi pexui. J<sub>u</sub>nt<sub>u</sub> coyene weiweina

po yabuxi bapana pexui jopa isainae', jei tsane jiwi barapo matakabintha. <sup>30</sup> Yawano jiwi namchi tsane: 'Maisa xanepana xua wawerapaewa xua wanaca cunubabiwa demxuwan, yawano tsorobon naca matatsun wetoxebabina xua jopa wanaca itutsiwa tsane', jei tsane jiwi barapo matakabintha. <sup>31</sup> Xan wunaexanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

<sup>32</sup> Cataunxuae Jesús ecapona. Iruru ponbe abe matowa peexanaeinbe, baponbe Jesús peputha tacapoinchibe, xua baponbe iru pebexubinexa tsainchibe poxonaex Jesús bexotsi. <sup>33</sup> Daxita jiwi Jesús baru patatsi ichaxota po uruto be jiton matasipa piwa. Po uruto wan caunuteiba xua jei tsaibi: "La Calavera", jei. Barapo uruto matasoitotha Jesús teparucua exanatsi naetotha. Iruru ponbe jiwi pecaibinbe teparucua exanatsibe naetotha ichaxota imoxoyo Jesús ducua. Ichun Jesús petsocona wetauncuiyatsi, iru ichun pecoxa wetauuncuarenatsi. <sup>34</sup> Poxonaex Jesús naetotha ducua, Jesús jeye:

—Axa yabara cui jantemainare po coyene barapomonae necana exana, tsipei barapomonae jopa yaputaeyo xua necana exana, jei Jesús.

Soldadomonae nata tsaba Jesús pia paparuwan tatsi. Bapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. <sup>35</sup> Baraxota Jesús taeumeinchi

jiwi. Ichitha nama pentacaponae wi Jesús cui caponatsi, barapomonae jeye:

—Bapon cain capanepeibabei ichamonae, came jopa nacapanepaeyo. Icha bara bapon Mesías, pon Nacom pia peitapetsin, b̄n bara bapon pia coutha nacapanepa naeto wetsica, jei barapomonae.

<sup>36</sup> Soldadomonae ir̄n Jesús cui capoinchi, imoxoyo caquita umenapoinchino. Barapo soldadomonae Jesús apatatsi po mera pew̄n vino, po mera mene atsu. <sup>37</sup> Barapo soldadomonae Jesús baraichi, jeye:

—¡Icha xaniwaicha judiomonae itorobiya pia pepa Neewatsim, moya jinya coutha nacapanepare! ¡Naeto wetsica ecoinca! jei soldadomonae.

<sup>38</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa peewatsinchi”, jei barapo petinadutsiwa.

<sup>39</sup> Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ich̄n, bapon Jesús biatainchi pet̄paeyainwa naetha. Bapon namchi:

—¡Icha xaniwaicha xam Mesías, ponxaem Nacom caitapeta, moya jinya coutha nacapanepare! ¡Yawano pana necapaneparebe! jei bapon.

<sup>40</sup> Pon icha naetha ducua, bapon jume matawenta, pon Jesús casebatsi, bapon jume matawentsi. Pon icha naetha ducua namchi, jeye:

—¿Xam jopa cuitaya junuwim Nacom? Apa-raunxuae t̄paeinchibe ichaunxuae Jesús ichi tsane. <sup>41</sup> Waxainchibe jopa juniya naca peraxa

jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopa apara abe exanaeyo, jei.

<sup>42</sup> Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaenexam po matacabitha poxonaepatopeicaename xua jiwi neitorobinexam tsane, jei bapon.

<sup>43</sup> Jesús jume nota, jeye:

—Xaniwaicha bara catsipaebatsi, anoxuae tsane cabar<sub>u</sub> ecaeinchi ichaxota jiwi j<sub>unt</sub><sub>u</sub> coyene weiweinathopeiba, peit<sub>u</sub>panae nacuatheicha, jei Jesús.

*Meje yabara poxonae Jesús t<sub>u</sub>pa  
(Mt 27.45-56; Mr 15.33-41; Jn 19.28-30)*

<sup>44</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae.

<sup>45</sup> Poxonae cataunxuae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica. <sup>46</sup> Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús t<sub>u</sub>panaicha.

<sup>47</sup> Soldadomonae pia pentacaponaein tatsi Roma nacuapin, poxonae bapon baxua taeba, bapoxonae Nacom wɔnae jaintatsi, jeye:

—Jaina, apara baraponje jopa abe exanaeyo, itara ichamonae yopita xua abe exana, jei bapon.

<sup>48</sup> Daxita pomonae xua baxua taeumena baxota, barapomonae pia bo benawibiya. Poxonae namtotha enapona, daxita barapomonae nantacari cuainbobenapona poxoru bichocono ajuntɔcoyenetane xua Jesús pewisiwatsi.

<sup>49</sup> Ichitha pomonae Jesús peyaitae jiwi, irɔ yabɔxino, powaxi Jesús puna dendenatsi Galilea nacua werena, daxita barapomonae Jesús tajɔ wetaeumeinyatsi poxonae ichamonae Jesús bexotsi.

*Meje yabara poxonae Jesús petɔpaein ibo mɔthɔtha yauxatatabotatsi*

*(Mt 27.57-61; Mr 15.42-47; Jn 19.38-42)*

<sup>50</sup> Irɔrɔ pebin popona, bapon pewɔn José, Arimatea tomarapin. Arimatea tomara eca Judea nacuatha. Bapon pentacui xanepanaein. Yawano beta pepoponaein Nacom peitɔtha tatsi. José, bapon jiwana caein pomonae judiomonae pia pecanamata caitorobi bicheito tatsi. <sup>51</sup> Barapon José yabara jume cowɔntsiya wɔnae ewateiba po coyenewa xua poxonae Mesías patopaetsica pon jiwi itorobiya peewatsinexatsi. Poxonae pomonae pecanamata caitorobi bicheito exana poxonae Jesús bexotsi, baxua José jopa pebɔrɔya nacayabara nanta xeinaeyo. <sup>52</sup> José Pilato siwa poinchi. Pilato wɔcatsi Jesús petɔpaein, José wɔca. <sup>53</sup> José naeto wepichica Jesús

petɔpaein. Bapoxonae José mata quiyontabareca barapo pexeinya paparuwatha. Bapoxonae José ibo mɔthɔ iya boya, po mɔthɔ jiwi mɔthɔ tofobobapona. Barapo mɔthɔtha cataunxuae petɔpaein ichɔn jopa boyaetsi. <sup>54</sup> José baxua exana po mataqueitha pewɔn penacui xaxainchi matakabi poxonae judiomonae ba weta daxita xua penacuitsiwa pewɔnaeya poxonae jopaena pentaquei seicae matakabi. Barapo pentaquei seicae matakabi imoxoyo jopaena.

<sup>55</sup> Powaxi Jesús puna dendenatsi Galilea nacua werena, barapowaxi pona mɔthɔtha, petaenexa xua Jesús mɔthɔtha xotsi. <sup>56</sup> Poxonae barapowaxi bo benawibiya, bapoxonae nacui wɔnaetajeba petuxueiwan yawa penasiwanno, xua Jesús petɔpaein tsixaxaintajebatsi.

## 24

*Meje yabara poxonae Jesús equeicha asɔ juina exanatsi petɔpae cuiru coyene weya (Mt 28.1-10; Mr 16.1-8; Jn 20.1-10)*

<sup>1</sup> Barapowaxi botha cuicuina peseicae matakabitha, Moisés pia peitorobi coyeneya pepaebixae, barapo matakabi yabara.

Poxonae judiomonae pia pentaquei seicae matakabi tatsi yapu caewaba bapoxonae patopa matakabi po matakabi xua copiya ducua cae semanatha. Barapo matakabitha poxonae aena pentha tsina, yabɔxi pona mɔthɔ beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueyabatsi icha yabɔxi. <sup>2</sup> Poxonae

barapowaxi barapo m̄th̄u beya pata, barapowaxi taer̄nc̄pa xua po ibo panawatha yauxatatababota xua pin ibo panawa barapo ibo m̄th̄u bayatha cou yaupataxubabota. <sup>3</sup> Barapowaxi jojoniya m̄th̄iya ichitha barapowaxi jopa taeyo xua Jesús pon Pecanamataxeinaein pet̄paein pebocuaewa. <sup>4</sup> Barapowaxi yabara naj̄nt̄u coyene cabenaeca. Jopa yaputaeyo xua exana tsipei jopa taeyo xua Jesús pet̄paein boca. Barapowaxi tsita nait̄tatsi nacueyatabe pebinbe ponbe xua asiya uncuabe, xuanu xua yawa paparuwa nama xatatabe, po paparuwa bichocono daedaena. <sup>5</sup> Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha pet̄pae cuiru coyewatha panecobompame pon equeicha as̄u barapo pet̄pae cuiru coyene weya? <sup>6</sup> Xote jopa bocaeyo bapon. Bayatha bapon as̄u pet̄pae cuiru coyene weya. Payabara jume nanta xeinare xua bayatha bapon paca tsipaeba poxonae cataunxuae Galilea nacuatha popona. <sup>7</sup> Paca jeye: ‘Xan ponxaein Nacom Tananeitapetsin, bewa necaenaetsina pomonaetha pomonae abe peexanaewi. Barapo abe peexanaewi naetotha t̄parucua neexanadutsina. Ichitha equeicha po maticabi acoibibetha as̄n juina neexanaena pet̄pae cuiru coyene weya’, paca jei Jesús, jei barapo pebinbe xua barapowaxi tsipaebatsi.

<sup>8</sup> Nexata barapowaxi baxua jume cui yabara nanta xeinarc̄pa xua bayatha barapowaxi tsipaebatsi, xua Jesús tsipaeba. <sup>9</sup> Poxonae barapowaxi m̄th̄u wenawibiya tomara beya, barapowaxi daxita paeba pocotsiwa tane.



Jesús pia peitorobiwi tatsi pomonae xua once poyobe barapomonae tsipaebatsi, ichamonaeno tsipaebatsino, pomonae Jesús jume cowantatsi.

<sup>10</sup> Powaxi yopita, xua powaxi Jesús pia peitorobiwi tsipaebatsi, ichowayo pewan María Magdalena powa Magdala tomarapiwayo, iru ichowayo Juana, ichowayo María, Santiago pena tatsi, yawanoru ichowaxino powaxi saya napon.

<sup>11</sup> Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cowantsichi barapowaxi.

<sup>12</sup> Bapoxonae Pedro muthu becuinaepoinya. Muthu tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

*Meje yabara poxonae Jesús pebinbe tsita naituta namtotha poxonae Emaús tomara beya ponabe (Mr 16.12-13)*

<sup>13</sup> Barapo matabitha Jesús pijimonae tatsi jiwanabe namtotha ecaponabe, siwa ponabe tomara, po tomara pewan Emaús. Barapo tomara eca once po kilómetrobe xua Jerusalén tomara weya. <sup>14</sup> Baraponbe yabara natsipaebecaponabe namtotha xua mexuaetha exana. <sup>15</sup> Poxonae cataunxuae yabara natsipaebecaponabe yawa yabara najume matsontsonobecaponabe, bapoxonae Jesús imoxoyo caquita uncuatababe yawa naponano. <sup>16</sup> Bequein baraponbe Jesús tainchi, ichitha baponbe jopa ita cui canaupatsibe xua Jesús peyaitaewatsi. <sup>17</sup> Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe juntũ wecoyeya naruntababe peyabara natsipaebecaponaexaebe xua mexuaetha exana. <sup>18</sup> Ponbe penacueyatsixaebe caein pewan Cleofas. Bapon Cleofas Jesús jume notatsi, jeye:

—Daxita pomonae jinompa Jerusalén tomaratha, daxita barapomonae yaputane xua exana barapo matabintha. ¿Meisa xam compam jopa yaputaem xua mexuaetha exana? jei.

<sup>19</sup> Nexata Jesús baraibe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaebin, pon peitũpanae petsita itũtsi coyenein exana Nacom pia peayapusũ itorobi coyeneya tatsi’, pajan. ‘Pon xanepanaya pecueicueijein Nacom peitũtha tatsi, xuano xua jiwi peitũtha tatsi’, pajan. <sup>20</sup> Sacerdotemonae pata tanecanamataxeinaewi irũ pata pecanamata caitorobiwi piraichi Jesús cobe waetabatsi pia Pilato peitorobinexa soldadomonae xua Jesús tũparucua peexanaenexa tsainchi naetotha. <sup>21</sup> Bequein pawnae ewatan xua Jesús patopa xua peyawenaenexa tsane Israel nacuapiwi xua barapo Israel nacuapiwi panenebiya peexanaenexatsi, ichitha bapon jopa capanenebiyaeyo barapomonae. Yawano acoibi po matabibibe pu caewa poxonae Jesús bexotsi. <sup>22</sup> Yabũxi, powaxi xua paxan jiwana

pan, barapowaxi pona muthu beya poxonae aena pentha tsina. Pona ichaxota Jesús boca. Barapowaxi pana tsipaeba xua tane. Daxua pana nenabenaeca exana bichocono. <sup>23</sup> Barapowaxi pinae jopa taeyo Jesús petupaein. Bapoxonae pana netsipaeba xua pinae barapowaxi tsita naitutatsi matatsunpiwi. Pinae matatsunpiwi namchi: ‘Bayatha Jesús asu’, jei pinae. <sup>24</sup> Bapoxonae pata jiwimonae, barapomonae jiwana muthu beya pona. Barapomonae bara tane baxua, xua yabaxi yopita. Ichitha Jesús petupaein jopa taetsi, jeibe xua Jesús tsipaebatsi.

<sup>25</sup> Nexata Jesús jume nota baraponbe, jeye:

—Paxam pomonae jopa peyaputae jiwi pam, xuano xua bewayo pajume cocowuntaponame pocotsiwa bayatha Nacom peitorobi jume pepae-biwi paeba. <sup>26</sup> Paxam payaputaneme xua Mesías pon Nacom itapeta, copiya bewa peraxa exanaeinchi. Nacom cana exanaena xua bapon patopaena Nacom pia peitorobi nacua beicha xua pexeinaenexa tsane Nacom pia peayapusu itorobi coyenewa tatsi, jei Jesús.

<sup>27</sup> Nexata Jesús tsipaeba baraponbe xua daxita i dapo diborontha Jesús yabara paebatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paebatsi. Bapoxonae equeicha Jesús yaputane exana xua po diwesi Nacom peitorobi jume pepae-biwi tina, xua Jesús yabara paebatsi.

<sup>28</sup> Jesús, iru barapo pebinbe imoxoyo pata tomaratha, po tomara siwa ponaena. Barapo pebinbe naruntababe, ichitha Jesús mexeya maisa

pona namto tomara weya. <sup>29</sup> Ichitha baponbe Jesús jume daunweya baraichi, jeye:

—Pana nebarũ ecare, apara bayatha tabopiya tsanaicha, quirei tsanaicha apara, jeibe.

Daxota Jesús puna joniya ichaxota baraponbe patopabe xua barponbe pebarũ ecaenexa tsainchibe. <sup>30</sup> Nexata poxonae Jesús barũ eca pexaethopaewatha baponbe, bapoxonae Jesús wecobe pita pan. Paxa barai: “Axa, maisa jũntũ coyene weiweinan xua pata tana necatsiwam barapo pan”, jei. Bapoxonae Jesús epa janaxuba pan. Baponbe catatsibe. <sup>31</sup> Poxonae Jesús baxua exana, caena bapoxonae baponbe Jesús yaitainchi. Baponbe yaitaebabe. Bapoxonae Jesús yacuinaya jemeicha aichurucuae tsanaya.

<sup>32</sup> Baponbe natsipaebabe, najeibe:

—Maisa jũntũ coyene weiweinatsibe poxonae namtotha naca tsipaebecaponabe. Bapon naca yaputane exanabe xua bapon peyabara paebi-watsi Nacom Pejume Diwesitha, jei baponbe.

<sup>33</sup> Bapoxonae caena yacuinaya caibe iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonae once poyobe pomonae Jesús pia peitoro-biwi tatsi. Irũrũ nanacaetuta pomonae cueyaba xua pomonae once poyobe pia pecueyabiwichi.

<sup>34</sup> Barapo penacaetutsi jiwi namchi baponbetha, jeye:

—Apara xainyei. Bara Jesús pon Pecanamatax-einaein, asũ. Apara bapon Jesús Simón tsita naitũtatsi, jei barapo penacaetutsimonae.

<sup>35</sup> Nexata baponbe daxita yabara paebabe barapo penacaetutsi jiwitha xua baponbe

namtotha cuidubecapoinchibe. Mata<sub>u</sub>ta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

*Meje yabara poxonae Jesús tsita nait<sub>u</sub>ta piji-  
monae Jerusalén tomaratha*

*(Mt 28.16-20; Mr 16.14-18; Jn 20.19-23)*

<sup>36</sup> Poxonae cataunxuae tsipaebabe barapo diwesi, bapoxonae Jesús jemeicha tsita nait<sub>u</sub>ta barapomonae peitabaratha. Jesús jacoba barapomonae, jeye:

—Barab<sub>u</sub> Nacom j<sub>u</sub>ntema jinompa paca cana exana, jei Jesús barapo penacaetutsimonaetha.

<sup>37</sup> Barapomonae bichocono nabenaeca, yawa bichocono cuitaya junuwa. Barapomonae nanta xeina xua metha Jesús perowatsi tainchi.

<sup>38</sup> Ichitha Jesús barai barapo penacaetutsimonae, jeye:

—¿Eta xua metha junuwiya pana nabenaecame? ¿Eta xua metha ainya <sub>u</sub>nth<sub>u</sub>ton pam?

<sup>39</sup> Pana necobe taema, yawa pana netaxu taema. Aparabara xan tsocuaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

<sup>40</sup> Poxonae baxua Jesús najume weta, nacobe wan it<sub>u</sub>ba, yawa nataxu wan it<sub>u</sub>ba. <sup>41</sup> Ichitha came awiya barapomonae jopa jume cow<sub>u</sub>ntsiyo poxoru barapo diwesi barapomonae tsita jume

xeicatsi yawa barapo diwesi yabara najuntũ coyene cabenaeca exanatsi. Jesús jeye:

—¿Paxam xote penabanaewiyo paxeiame? jei Jesús.

<sup>42</sup> Nexata barapomonaē Jesús catatsi duweiyo, poyo seba. <sup>43</sup> Jesús wecobe pita, yawa xane barapomonaē peitatha tatsi. <sup>44</sup> Bapoxonaē Jesús namchi barapomonaetha:

—Caena bayatha paca tsipaebatsi poxonaē cataunxuae paca barũ ecatsi. Paca jeichiche: ‘Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesintha neyabara tina, bewa necana exanaena. Daxita pocotsiwa Nacom peitorobi jume pepaebiwi neyabara tina, bewa necana exanaena. Daxita xua salmos penaxũnaē weixi diwesintha neyabara tina, bewa necana exanaena’, paca jeichiche, jei Jesús.

<sup>45</sup> Jesús barapomonaē yaputane exana xua Nacom Pejume Diwesi paeba. <sup>46</sup> Jesús barai barapomonaē, jeye:

—Nacom Pejume Diwesitha neyabara jei: ‘Mesías bewa tũpaena, yawa equeicha asũ tsane po matababi acoibibe petũpae coyene cuiru weya. <sup>47</sup> Yawano bewa barapomonaē Mesías pia pejume cowũnchiwichi bewa tsipaebina daxita nacuantha Nacom Pejume Diwesi tatsi Mesías pia peayapusũ itorobi coyeneyatha tatsi. Copiya petamropata notsinexa Jerusalén tomara weya. Barapomonaē jei tsane jiwitha: Bewa icha jũntũ coyene Nacom patsita xeinaem xua bapoxonaē Nacom painya nepaca cayabara jũntemainawa tsane abe painya neexanaē cuiru

coyenewa, jei tsane barapomonae', jei Nacom Pejume Diwesitha, jei Jesús. <sup>48</sup> Equeicha Jesús barai pijimonae, jeye:

—Paxam daxita jiwi patsipaebiname daxita xua pataneme. <sup>49</sup> Matauta pataemano xua pacata itorobicaeinchi Nacom pia Pejumope t̃nax̃ tatsi xua bayatha Taxa yabara paca tsiw̃nae muxu duta. Barapo Nacom pia Pejumope t̃nax̃ tatsi yawa patopaena peayapus̃ itorobi coyenewa. Paenare xote Jerusalén tomaratha, beya poxonae barapon yawa pacata patopaena pia peayapus̃ itorobi coyenewa Nacom pia nacua tatsi wetsica, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi (Mr 16.19-20)*

<sup>50</sup> Nexata Jesús pijimonae bar̃ pona Jerusalén tomara weya, Betania tomara bebar̃ iya. Jesús namax̃ yoicha itaboco beicha yawa tsipaeba Nacomtha xua pijimonae tatsi nexa, xua pijimonae petayawenaenexatsi. <sup>51</sup> Poxonae cataunxuae Jesús tsipaebuncua Nacom xua pijimonae tatsi nexa, bapoxonae Jesús athabe juinya exanatsi peitaboco beicha, Nacom exana. <sup>52</sup> Poxonae Jesús pijimonae tatsi baxua tane, bapoxonae barapomonae Jesús pecoutha tatsi namchi: “Maisa Wanacanamataxeinaein w̃nae”, jei. Barapomonae Jerusalén tomara beya j̃nt̃ coylene weiweinaya caibe nawibiya. <sup>53</sup> Barapomonae Jesús pia peitorobi jiwi tatsi Nacom pin pia botha, baxota Nacom jopa juniya w̃nae jainteibichi.

**Baja Lucas.**



**Nacom Pejume Diwesi po diwesi pena jume  
diwesi xua Jesucristo yabara tinatsi  
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
e9c4c3a0-6dec-54a4-aaba-fb395e5eddc7